

WANTOK

NIUSPEPA BILONG OL PAPUA NIUGINI STRET

Ernst & Young audited/
circulation 15,177

32 pes

Namba 1049

Wik i stat long Fonde, Ogas 9, 1994.

40 toea

Wok go het yet long Umi bris



• Wok bilong stretim Umi bris long Makam, Okuk Haiwe i wok long go het na ol ka i ran antap pinis long las wik Sarere.

Umi bris i no stret gut yet. Dispela em giaman bris tasol long larim ol ka i ken ran i go i kam long Lae na Madang wantaim ol hailans provins. Bris i bin bruk long mun Julai. Lukim ripot long pes 5. *Ol foto: ZEPH AIGAL.*



VOT NOGAT BILIP LONG PRIMIA TITI CHRISTIAN

Tasol notis pepa i
karim nem bilong
tripela memba tasol
long dispela vot

YAKAM KELO i raitim

VOT i nogat bilip bai kamap long Morobe Provinsal Gavman long Ogas 31. Dispela em long taim Tutumang i bung.

Ripot i kam long opis bilong Tutumang olsem spika bai i no oraitim dispela vot i nogat bilip long Primia Titi Christian long Ogas 8, em oposisen i bin putim long notis pepa. Bikos dispela i no taim bilong Tutumang long bung.

I gat 5-pela man i sainim dispela notis pepa bilong holim vot i nogat bilip long primia Christian. Tasol tupela oposisen memba i rausim nem bilong tupela pinis. Na oposisen i stap wantaim tripela man bilong muvim vot. Tupela oposisen memba ya em Luke Yambon na Joab Talau.

Tasol aninit long lo bilong provinsal gavman, oposisen i mas holim dispela vot i nogat bilip. Sapos em i no

muvim na 6-pela mun i abrus, bai dispela vot i no inap kamap.

Las wik long bung bilong ol provinsal gavman memba, ol i tok ol pipel long Morobe i no moa laikim vot i nogat bilip long kamap. Na tu i gat planti wok bilong stretim i stap yet. Na gavman i luksave pinis long ol. Olsem na ol kain samting olsem i noken kamap. Na bai bagarapim gupela tingting bilong gavman long stretim hevi we i stap pinis.

Provinsal minista bilong Helt, James Ibras, i tok gavman i sanap nau long rot bilong mekim ol samting i kamap. Olsem na em i mas go fowat.

Mista Ibras i askim ol provinsal memba husat i laik kamapim dispela vot i nogat bilip long lusim dispela kain tingting na wok bung wantaim long karim hevi bilong ol Morobe pipel.

Long dispela taim yet i gat 29 provinsal memba tasol long Morobe provinsal gavman. Bikos 6-pela sia i stap nating bihain long sampela lida i sanap long nesanel ileksen na go long palamen. Na arapela i bin bungim hevi na indai long las yia.

Ripot i tok long Septemba 21, Haus Tutumang bai redi long sindaun wantiam ful Tutumang memba bihain long Morobe provinsal bai ileksen i pinis long Septemba 15.

— INSAIT : —

- **RIPOT LONG KOT BILONG OPOSIEN EGENS PRAIM MINISTA WINGTI - pes 3**

DELTA

**STRONGPELA TRU NA INOPILAI NABAUT TRAK...
DABOL KEBIN BILONG DABOLIM PLANTI MOA
MANMERI INSAIT!**



Ela Motors
OLGETA HAP LONG
PAPUA NIUGINI

PORT Moresby 229400 - LAE 423322 - RABAU 921988 - MADANG 822188 - GOROKA 721844 - MT HAGEN 821888 - WEWAK 842255 - KAVIENG 942132
VANUA LEVU 849060 - VANIMO 821284 - FOGERA 879357 - ALOTAU - WALTERS WORKSHOP 811174 - ORO MOTORS 297002

PLIS RIPOT



RABAU: Nesenel kot long Rabaul i salim wanpela man Is Sepik long kalabus inap long 10-pela yia. Dispela em long sas bilong bagarapim wanpela liklik meri. Meri ya i gat 6-pela krimas tasol.

Nem bilong man em John Saganu. Em i gat 46 krimas. Na i bilong ples Sinapen long Ambunti eria. John i wok olsem wanpela leba long Ulu plantasin long Duk ov Yok Ailan, Is Nu Briten provins.

John i bagarapim meri ya long Janueri 7, 1994. Liklik meri ya i pikinini bilong wanpela wanwok bilong em.

Jas Tracey Doherty i tok rong John i mekim i bikpela na nogut tru. Bikos em i bagarapim pikinini.

Jas Doherty i tok wanpela bikpela mak long bagarap we man ya i kamapim long pikinini em bikpela blut long matres we i kapsait taim pikinini i slip long haus wantaim famili bihain long birua.

MOSBI: Tupela ka i bin pam long las wiken. Dispela birua i bin kamap long Laloki Hai skul long Sarere Julai 30.

Bos bilong ol plis long siti, Joseph Kupo i tok draiva bilong Isusu Sedan ka wantaim rejistren namba AEU 082 i dai kwiktaim, taim tupela ka i bam. Man i dai i bilong Perth, Westen Australia. Em i gat 40 krimas. Na i wok wantaim Sivil Eviesen long Jacksons ples balus.

Tupela man long narapela waitpela Toyota na i kisim bagarap tasol. Na narapela tripela pasindia i no kisim bagarap. Ol lain i kam bek long Soger: singsing long Sarere taim ol i bungim birua. Ol plisman i wok painimaut long dispela samtnng.

• Wanpela man Bereina i dai long las wiken taim ka i bamim em long Waigani Draiv. Birua i kamap klostu long olpela Klab Jemania long las Fraide nait, taim man ya i wokabaut long rot.

Plis i givim nem bilong daiman olsem Paul Eka. Em i bilong ples Hapanai long Bereina distrik, Sentrel provins.

Plis i holim pinis wanpela draiva long dispela tabel.

HAGEN: Foapela pipel i dai pinis long tupela ka eksiden we i kamap long hailans rijon las wiken. Wanpela meri na liklik pikinini i stap long lista bilong ol dispela lain i dai.

Plis givim nem bilong meri i dai olsem Aiya Petope. Em i gat 22 krimas. Na i bilong ples Bitinoae long Isten Hailans provins. Meri ya i dai bihain long wanpela kros pait we namba wan meri bilong man i sutim em wantaim naip.

Provinsal plis komanda Simon Kauba i tok plis i sasim pinis narapela meri long kilim dai Petope. Na em i mekim strongpela singaut long ol singel meri long noken bihainim ol marit man.

Long narapela birua, wanpela manki na papa bilong em i dai bihain long wanpela bas i pamim tupela long Westen Hailans. Manki i gat 7-pela krimas.

ENB laik salim 2-pela nupela fores eria long timba kampani

GODFRIED YASSAFAR i raitim

IS NU Briten em wanpela provins long PNG we wok bilong katim timba i go het strong. Ripot soim olsem nau yet i gat tupela eria tasol insait long provins em ol timba kampani i no tasim.

Dispela tupela hap eria, wanpela i stap long Baining na arapela i stap long hap bilong Pomio wantaim boda mak bilong Wes Nu Briten provins. Tasol i no longtaim bai ol timba kampani i kamap long dispela tupela eria.

Tokorait bilong dispela i stap nau long han bilong Nesenel Fores Bod (NFB). Sapos NFB i tokorait long katim timba long tupela eria ya, dispela bai min olsem olgeta eria long Is Nu Briten provins i gat loging operesen.

Wanpela ripot *Wantok Niuspepa* i kisim long Rabaul i tok long las wik Fonde, Julai 28, Provinsal Fores Menesmen Komiti (PFMC) i kibung long dispela samting.

Insait long dispela miting, ol opisal bilong PFMC i tokorait long askim NFB. Dispela em long mekim tupela eria ya i kam aninit long Timba Saplai Eria (TSA). Dispela i min olsem kampani i ken go insait na katim timba.

Is Sepik primia egens Wingti

PRIMIA bilong Is Sepik, Alex Anisi putim wanpela strongpela askim i go long Praim Minista Paias Wingti long rausim ol man gavman bilong em (Wingti) i makim long stap insait long bod bilong Boram jenerel haus sik long Wewak.

Bikos em yet (Anisi) wantaim gavman bilong em i no amamas. Na tu wanbel long pasin bilong Mista Wingti. Bikos Mista Wingti i no bin toktok wantaim Primia Anisi o pastaim long makim ol memba bilong bod bilong Boram haus sik.

Mista Anisi tok em i no bin save olsem Praim Minista Wingti wantaim lain bilong em i makim pinis ol memba. Em i tok em i save long dispela samting long las wik taim em ritim long niuspepa.


Primia bilong Is Sepik i tokaut olsem gavman bilong em, na tu ol provinsal helt atoriti i no save husat tru i givim nem bilong ol man i go long Praim

Minista wantaim lain bilong em long skelim na makim ol. Primia Anisi tok taim em i askim ol helt atoriti long provins, ol i tokaut

olsem ol i no save long husat tru i givim nem bilong ol man i go long Mista Wingti.

"Long sait bilong gavman bilong mi, mi yet

olsem primia bilong provins, mi no amamas long Praim Minista Wingti. Bikos em i no wok bung wantaim mi, na gavman bilong mi.



Taim bilong kisim moa save • Long lephan na i go em Esther John, Michaelle Micky na Lumi Morgan bilong Ororo Komyuniti skul long Jun Veli, Mosbi. Ol i lukluk long ol buk long Nesenel Laibreri long Buk Wik. Foto: DANIEL MONA.

Ol plisman bai klinim Sandaun

FELIX RAMRAM i raitim

OL plisman insait long Sandaun provins bai holim wanpela bikpela operesen bilong klinim taun long dispela mun.

Dispela operesen bai sut long holim ol man husat i dring na bikhet nabaut long strit, tro-moi pipia long rot, brukim botol na spetim buai long ples o mekim nois nabaut, na pretim ol arapela.

Dispela operesen bai kisim ol yangpela man tu long joinim plis fos. Na raun long holim ol man husat i save bikhet.

Provinsal Plis Komanda, Sief Inspekta, Jeffery Kera i tok ol bai mekim dispela operesen bikos i gat ol bikpela samting na senis bai kamap long provins. Ol senis olsem opim ples balus long Vanimo, kamapim Fri Tred Jon, bikpela timba somil, na ol arapela kain bikpela developmen.

Olsem na provinsal gavman bilong Sandaun i tingting long stretim ples i stap gut long ol dispela senis i kamap.

Provinsal gavman i givim sampela mani pinis long plis long karimaut dispela operesen. Mista Kera i no tokaut long hamas mani provinsal gavman i givim.

Plis bai kisim tu ol sekyuriti grup na bungim wantaim ol yut grup long helpim plis insait long dispela operesen.

Mista Kera i tok dispela operesen bai stat long Vanimo na Aitape taun. Na bihain bai go olgeta long ol hap olsem Nuku, Lumi, Telefomin na Wutung Edministresen Senta.

Em i tok ol manmeri i mas stat long harim tok. Na bihainim ol dispela lo nau. Bikos sapos dispela ol sekyuriti lain i holim ol bai ol, i kisim bikpela sas. Sapos kot i painim olsem ol i brukim lo.

All departments
Phone: 25-2500
Fax: 25-2579

WANTOK

Published Weekly, Thursdays, for
Word Publishing Co Pty Ltd

Printed and published by Anna Solomon of Bittern Place, Gordons, at Allotment 2, Section 209, Spring Garden Road, Hohola, for Word Publishing Co Pty Ltd.
General Manager: Ian Fry
Company Secretary: Vince Ohlinger SVD
Group Editor in Chief: Anna Solomon
Editor of Wantok: Francis Uliau
Advertising Manager: Anthony Lilou

Advertising deadlines
Display bookings: Monday, midday
Camera ready copy: Tuesday, midday
Classified advertising: Wednesday 2 pm

PO Box 1982
Boroko NCD
Papua New Guinea

Regional office:
Suite 7, Haus Tisa, Second Street, Lae PO Box 615 Lae, Morobe Province
Phone/fax: 42-0618
District Manager: Zeph Aigal
Papers distributed by air throughout PNG. Available by airmail subscription within Papua New Guinea and overseas.
Australia & New Zealand Representatives:
Tonkin Media Pty Ltd
PO Box 101 Avoca Beach NSW 2251 Aust.
Sydney, James Tonkin, (043) 85 1746
Melbourne, Glen Smith, (03) 807 2311

Word Publishing Co Pty Ltd is owned by the four major churches of Papua New Guinea: Catholic 55%, Lutheran 25%, Anglican 10% and United 10%. The company reserves the right to accept or reject any advertisement or other material submitted for publication which it deems contrary to the public interest at its absolute discretion. The publisher's general terms of acceptance are available at the office of The Times and are set out in full on the reverse side of its official Display Advertising Booking Form.

Disasta opis stap long painim MV Saracen

VERONICA HATUTASI i raitim

NESENEL Disasta na Imejensi Sevis (NDES) i stapim pinis wok bilong painim *MV Saracen*. Sip ya i bin lus long solwara namel long Rabaul na Buka long Sande Julai 24.

NDES opis long Rabaul i tok ol i stapim wok long Fraide Julai 29. Dispela em bihain long ol i painim sip long 5-pela de olgeta, na nogat. NDES i bilip 7-pela kru bilong sip na kepten indai pinis. Bikos sip i mas go daun long solwara.

NDES i tok em yet wantaim Maritaim na Reskyu divisen bilong Trensport dipatmen i haiarim wanpela Air Link balus long sekim solwara namel long Rabaul, Kavieng na Buka. Tasol ol i no lukim wan-

pela samting we i soim olsem sip i stap o em i kapsait.

Olsem na NDES i bilip sip i mas go daun long biksolwara.

Pacific New Guinea Lines i salim narapela sip bilong em, *MV Kazi 2* long *MV Saracen*. Tasol i nogat kaikai.

MV Saracen i bin karim tupela ka, 68 wel dram, na ol arapela moa kago bilong ol stua na ol bisnis kampani long Buka. Opis i tok hevi bilong ol wel dram na kago i mas pulim sip i go daun long solwara.

Sip i bin salim las singaut bilong helpim long nait bilong Sande Julai 24. Dispela em long 30 minit i lusim 9 klok. Sip i bin stap 65 kilomita longwe long Buka na i mekim dispela las singaut.

Wingti vs Oposisen Wok bilong baim kopi i no bilong ol ovasis man

Suprim Kot skelim nau 4-pela as bilong apil

EMILY MATASORORO na VERONICA HATUTASI i raitim

STAT long aste, Suprim Kot long Waigani i sindaun long lukluk long kot we oposisen lida i no wanbel wantaim pasin Praim Minista Paias Wingti i mekim. Dispela em long pinis long wok bilong em na hariap kisim bek wok gen. Dispela samting i bin kamap long Septemba las yia long palamen.

Faipela biknem jas we Sief Jastis Arnold Amet i go pas long en i sindaun harim dispela kes. Narapela foapela jas em Deputi Sief Jastis Mari Kapi, Jas Salika, Jas Jalina na Jas Kubulan Los.

Foapela as bilong toktok we kot i harim em:

- Sapos Mista Wingti i bihainim lo long taim em i sanap gen olsem praim minista, bihain tasol long em i givim risain pas bilong em i go long gavana jenerel

- Sapos dispela pasin i bihainim mama lo long makim praim minista bihain tasol long palamen i kisim toksave long dispela samting

- Sapos mama lo i givim pawa long spika long stap antap long pawa bilong Nesenel Palamen na

- Sapos em i tru Mista Wingti i kisim bek wok olsem praim minista long Septemba 24, bihain em i risain long Septemba 23.

Oposisen lida i makim Sedo Atoni Jenerel na memba bilong Wewak, Bernard Narokobi long sanap olsem loya bilong em long dispela kot. John Reeves, wanpela loya bilong Warner Shand lo kampani i makim Praim Minista Wingti.

Wanpela bikpela samting we Mista Narokobi i toktok strong long en em

long Mista Wingti i no bihainim stret-pela rot long risain na kisim bek wok olsem praim minista. Em i tok pasin we em i wokim hait toktok wantaim gavana jenerel, Sir Wiwa Korowi na spika bilong palamen, Bill Skate i no bihainim palamen demokrasi we i givim sans long olgeta memba i autim tingting bilong ol.

Em i tok trupela rot we Mista Wingti inap bihainim em • raitim risain pas • givim toksave pastaim long palamen long tingting bilong em na • palamen i kisim pas, na tokorait long en. Antap long dispela, 7-pela de i mas ius pastaim bihain long em i orait long makim nupela praim minista.

Mista Narokobi i tok em i tru praim minista i bin risain long nait bilong Septemba 23, taim em i givim risain pas long gavana jenerel. Olsem na posisen bilong praim minista i stap nating. Na i givim as long nupela man i kisim dispela posisen. Wanem samting i no stret long ai bilong pipel long kantri em ol i no givim inap taim long 109 palamen memba long skelim tingting na makim nupela praim minista.

Mista Narokobi i egensim tu pasin we palamen spika, Bill Skate i go insait long dispela kes. Em i tok wok bilong spika em long go pas long ol bisnis bilong palamen na ol stending oda. Na i no ol samting olsem risain pas bilong praim minista o vot i nogat bilip. Sapos ol dispela samting i stap long floa bilong palamen, yes spika inap gat toktok long ol, Mista Narokobi i tok.

Wantok Niuspepa bai i givim ful ripot long dispela samting neks wik.

SAPE METTA i raitim

WANPELA bisnisan long Goroka, Isten Hailans provins i no amamas long lukim planti ovasis man i ranim ol wok bisnis long Goroka.

Bisnisan, Paul Bayango i tok em i gat bikpela kopi plantesin na faktori long ranim. Na dispela i soim olsem ol Papua Niugini manmeri yet i ken ronim wok bisnis bilong ol.

Mista Bayango i tok em i no amamas long lukim ol ovasis man i wok long baim kopi na salim antap long hailans. Dispela kain wok i bilong ol manmeri bilong PNG stret.

Em i tok ol lain ya i mekim olsem na i pasim rot bilong ol manmeri bilong PNG yet long mekim ol dispela wok.

Mista Bayango i tok ol dispela kain ovasis lain husat i wok long painim wok bisnis insait long PNG i mas lusim kantri na go bek.

Sapos ol dispela lain i gat kopi eksport laisens, bilong wanem na ol i wok long baim kopi long ol lokol manmeri. Dispela em wok i bilong ol Papua Niugini manmeri.

Em i tok ol ovasis lain ya i wok long giaman pulim mani long ol wok ol i no gat laisens long en. Na bihain go bek long ples bilong ol, na ol kopi baiya long PNG bai kisim hat taim i stap.



Stail belo

Pasto Jonas bilong Gutnius Lutheran Sios long Wanakipa insait long Sauten hailans provins i singautim ol pipel bilong em i kam long lotu. Em i yusim wanpela kain belo, wanpela trampet em ol i wokim long raba hos.

Sir Julius askim Saina long kam wokim bisnis hia

YAKAM KELO i raitim

DEPUTI Praim Minista na minista bilong Foren Afeas na Tred, Sir Julius Chan i laik opim rot bilong Saina long kam wokim bisnis wantaim Papua Niugini. Sir Julius Chan i tokaut long dispela long las wik. Dispela em bihain long raun bilong em i go long Saina.

Sir Julius Chan i askim gavman bilong Saina long opim dispela rot we Saina i ken putim mani i go insait long ol wok insait long PNG. Na bihain PNG i ken salim i go long Saina long yusim. Dis-

pela i min olsem Saina bai givim helpim long PNG. Na PNG bai givim helpim tu i go long Saina.

Sir Julius i tok sampela samting we Saina i nogat long en i stap long PNG. Olsem na em i laikim bai Saina i wok klostu wantaim PNG long kamapim ol dispela samting long hia. Na bihain salim i go long Saina long strongim ol wok bilong em long hap.

Deputi Praim Minista i tok tu olsem em i bin lukim planti saveman bilong Saina olsem ol saintis, dokta, enjinia na planti arapela moa i stap. Olsem na em i laikim bai

PNG i ken kisim ol i kam long wok insait long eria we PNG i sot long ol dispela kain saveman.

Bikos Saina i bin wokim bikpela spot stedium long Mosbi na Lae, ol ken go het na wokim tu Makam Hai skul long Morobe provins, na Enga Agrikalsa projek long Sauten Hailans provins. Ol i ken wokim tu moa gret 11 na 12 skul insait long kantri.

Sir Julius Chan i tok em i bin lainim planti samting tu long dispela raun bilong em long Saina. Bikos Saina i gat moa long 600 milien manmeri, em i ken lukautim ol. Na

ranim gut ol wok bilong em. Saina i gat planti bikpela wok bisnis na projek. Na dispela i opim tingting bilong Sir Julius long oraitim PNG na Saina long wok wantaim long kamapim ol kain senis olsem tu long PNG.

Olgeta toktok na ol askim Sir Julius Chan i bin givim i go long gavman bilong Saina i no kisim tokorait yet. Tasol ol i amamas long dispela tingting bilong Sir Julius Chan. Na ol bai ripot i kam bek long bihain, taim gavman bilong Saina i sindaun na glasim gut ol rot bilong kamapim dispela kain wok poroman wantaim PNG.

JUST ARRIVED

BASS GUITAR K195 NARAPELA K220 LEAD/RHYTHM GUITAR K160, K203 K288 ALSO, STRINGS, KEYS ETC
4 INPUT PA - 100W, 2 SPEAKER FOR CHURCH K730.
8 INPUT, 4 CHANNEL PA 100 WATT 2 SPEAKER FOR CHURCH K900
BIG POWER PA, 12 INPUT FOR DISCO 2 SPEAKERS ON STANDS K1670
GUTPELA BATRI EMPLIFIER K183 POST NATING.

Rook's Radio P.O. Box 191
Lae, 2nd St IPI Bld Ph: 42 4616

TR TOO
TORO WOK OLSEM HAUS-BOI LONG HAUS BILONG WANPELA MASTA...

LONG MONING EM KISIM SARIP (GRASS-NAIP) NA GO KATIM GRAS ARERE LONG HAUS BILONG MASTA NA KLINIM PLES I GO APINUN...



EM SINDAUN MALOLO I STAP NA MASTA IKAM KAMAP...
AFTANUN TORO!...UMN! YU KAT GRAS GUD TRU!



NALI MASTA I TOKIM TORO LONGI PUTIM KARA LONG OL PLAU...
ORAIT... TAIM-AP NAU... INAP YU KISIM DISPELA GRIN-SNEK AND NOTATRIM FLAUA



TASOL BOI-ROSS I KIRAP NA TOK-INLIS LONG EM NA MASTA I LONGLONG OLGETA...



WANTOK

NIUSPEPA BILONG OL PAPA NIUGINI STRET

Helpim ol trangu long Ruwanda

KATOLIK Komisen bilong Pis na Jastis i askim nau ol manmeri insait long kantri long givim mani, na sapotim ol trangu manmeri long kantri Ruwanda, insait long Afrika.

Ol manmeri na pikinini indai nabaut. Ripot long las wik i tok moa long 3,000 pipel indai long wanwan de. Planti pikinini i nogat nau papamama. Ol i lukim papamama na ol arapela famili memba indai. Ol pipel ya i ranawe long pait namel long rebel paitman na soldia bilong Ruwanda gavman.

Mipela long PNG i mas save olsem mipela i laki tru. Na nogat kain birua olsem i kamap long mipela. Mipela mas tenkim God Papa long dispela.

Olsem na mipela mas sapot long dispela apil. Na givim sampela mani bilong helpim ol trangu pipel long hap.

Tingim sapos nogat wanpela man, pik, dok, kakaruk o enimel nabaut long dispela graun. Yu wanpela i stap long dispela graun. Laip i nogat mining tru. Ol arapela manmeri i stap na mipela i amamas long stap long graun.

Olsem na helpim ol arapela olsem long Ruwanda.

Ol Bogenvil ripot wantaim Veronica Hatutasi na Aloysius Sami

BRA kilim komanda bilong resisten grup

WANPELA komanda bilong ol resisten grup long Nagovis eria insait long saut wes Bogenvil i dai long las Sande long han bilong ol Bogenvil Revoluseneri Ami.

Nem bilong man ya em Joe Ladoma. Em i bilong ples Sianeki long Nagovis. BRA i banisim ka we Ladoma na ol arapela lain i stap long em na sutim em indai.

Bogenvil Tude i ripot olsem ol nrapelalain long ka i no kisim bagarap. Birua i kamap klostu long

Moratona taim Joe wantaim ol arapela lain i go bek long Sovele kea senta, bihain long sip *MV Sankamap* ilusim ol long Marau.

Birua long Sande em i namba tu taim we BRA i kamapim long Bana eria insait long tupela wik tasol.

Long namba wan birua, wanpela sios woka i kisim bagarap long taim sampela rebel paitma bilong BRA i sut long em. Em i kisim sampela bagarap na i kamap nau long Sovele Helt senta.

Sevis go nau long Buin eria

PLANTI pipel long Bogenvil i laik kisim ol gavman sevis. Tasol ol kain hevi wantaim sekyuriti na mani i sot i stapim sevis i go long hap bilong ol.

Buin distrik long saut Bogenvil em wanpela long ol eria we BRA i strong yet. Tasol i luk olsem ol lain ya i slek nau. Na larim ol pipel i painim gutpela sindaun.

Ol pipel husat i stap long Oria kea senta i wok bung long kisim sevis i go long hap bilong ol. Wanpela long ol projek we ol i helpim long mekim em long klinim na stretim Oria ples balus.

Nau yet ples balus i redi long ol opisa bilong Civil Efiasen dipatmen i sekim gut. Na bai tokorait sapos ples balus i redi long yusim o nogat.

Niusleta bilong gavman, *Bogenvil Tude* we i givim ripot long ol wok kamap long Bogenvil Ailan i tok wanpela komyuniti skul na helt senta long Oria i op pinis. Skul i kisim ol sumatin long gred 1 i go inap long 5.

Ripot i tok tu olsem tripela nes na wanpela helt ekstensen opisa i go hetim imunaisesen sut progrem long helt senta nau.

Ol i kirapim pinis tu ol rihabilitesen progrem we i karamapim sosel laip na wok bilong lotu. Olgeta wok i go gut tasol.

Ol viles kot laikim sapot bilong komyuti

OPISA bilong ol viles kot long Bogenvil i laikim gutpela helpim i kam long komyuniti na ol pis opisa long holim pasim ol trabel man. Na lo i ken stretim ol.

Singaut long dispela samting i kam long provinsal viles kot opisa, Morris Semoso. Em i mekim dispela singaut bihain long trabel insait long planti hap bilong bikples Bogenvil i stapim wok go het bilong ol mejistret.

Mista Semoso i laikim tu mani bilong viles kot seksen igo long wanpela tras akaun bilong ol yet. Dispela em ol mani we ol opisa i katim long holim pasin na sasim ol man husat i wokim rong insait long ol ples na komyuniti.

Em i tokaut long dispela samting bihain long sampela paul wok we sampela viles kot opisa i putim ol kot fain mani long akaun bilong interim atoriti. Mista Semoso i tok taim provinsal gavman i stap long saspensen, kot fain i mas go long wanpela tras akaun bilong ol yet.

Em i tok stat long las yia, opis

bilong em i holim skul bilong ol viles kot mejistret long Bogenvil. Kos ya i bilong skruim save bilong ol man i wok olsem mejistret na ol pis opisa. Ol wankain kos i bin kamap long Buka, Siwai na Kunua/Keriaka.

Wok bilong viles kot i kamap gut nau long Buka, na sampela ples long not wes eria long bikples Bogenvil. Tasol Mista Semoso no klia tumas sapos wok i go gut long ol arapela hap long bikples Bogenvil. Bikos wokabaot long ol hap nau i no orait tumas.

Mista Semoso i mekim bikpela singaut nau i go long komyuniti na ol pis opisa long helpim wantaim wok bilong holim pasim ol lain husat i brukim lo. Em i askim tu 4-pela level bilong kot olsem viles, lokol, distrik na nesanel i ken skelim pasin bilong ol man long kamapim bek gutpela pasin.

Sampela viles kot insait long provins i nogat mani long akaun bilong ol long go hetim wok. Bikos sampela opisa i no sasim ol trabel man gut. Na tu ol i daunim fain.

IWDA opisa helpim nau ol meri Bogenvil

WANPELA opisa bilong Intenesenel Wimens Dvelopmen Ejensi (IWDA) long Australia i stap nau long Not Solomons. Em i lukluk long wok bilong ol meri. Na helpim ol long skruim save long ol liklik dvelopmen projek insait long ples.

Meri ya em Rae Smart Kataha. Em no nupela meri long Bogenvil. Em i winim 15 krismas pinis long Arawa bipo ol hevi long ailan i kamap na bagarapim ples long 1989.

Misis Smart Kataha i bin ranim Tiare prining kampani. Na skulim ol yangpela manmeri long prining singles na ol arapela klos wantaim ol piksa bilong tumbunayet. Na tu em i skulim ol yangpela long samap na bilas gut. Em i bin tisa tu long Arawa Teknikel Koles long 8-pela yia.

Bikos em i bin stap longpela taim long Bogenvil, ol asples i ples wanbel long wok bilong em. Olsem na ol i givim em nem bilong ples. Nem ya em Kataha.

Las wik Misis Smart Kataha lukluk raun long Buka na not wes eria. Na toktok long ol meri. Em i wok tu long gavman, na kisim tingting bilong ol meri long ol samting ol i ken mekim long helpim go hetim gut laip na sindaun bilong ol.

Em i amamas long lukim olsem ol meri Bogenvil i wokhatru long kamapim wok bilong ol long ples klia. Tasol em laikim gavman i givim moa helpim na luksave i go long ol meri long go hetim gut ol wok.

Nau yet, ol meri long planti hap long kantri i redi long salim sampela lain go long bikpela bung long Beijing, Saina long 1995. Misis Smart Kataha i laikim ol meri Bogenvil long makim ol save meri long makim maus bilong ol insait long dispela bung tu.

Em i laikim ol meri i skul long raitim ripot bilong ol wok insait long ples. Long kisim helpim wantaim ol projek, em i tok ol meri mas i gat save long kisim helpim long ol ogenaisesen bilong em, IWDA na ol arapela grup, husat i no kam aninit long gavman.

Helpim grup bilong Australia, AIDAB i stretim wokabaot bilong Misis Smart Kataha i go long Bogenvil.

Long narepal ripot, AIDAB i promis pinis long helpim ol meri long go hetim ol projek na wok bilong ol wantaim mani inap long K35,000. Dispela mani i stap aninit long helpim we ogenaisesen i givim long helpim provins wantaim ol progrem bilong stretim ples. Na sindaun bilong

ol pipel long Bogenvil. AIDAB i givim dispela promis long ol Bogenvil meri long bung bilong ol Niugini Ailan meri lida long Jun, 1994.

MV Sankamap katim kona nau long Bogenvil

SIP MV Sankamap nau i raun long olgeta hap bilong Bogenvil. Em long Buka, ol liklik ailan na long bikples Bogenvil.

Sip i mekim namba wan raun i go long ol hap insait long ples Bogenvil long Mande las wik stat long em i kam aninit long lukaut bilong nupela menesmen. Em long Atols Dvelopmen Faundesen. Faundesen ya em i wanpela bisnis han bilong Not Solomons provinsal gavman.

Opis bilong Stet Minista long Bogenvil Afeas, Mista Ogio i tok sip i mekim namba wan raun i go long Torokina na Motupela long saut na wes kos Bogenvil antap long ron em i mekim long Tinputz, Wakunai, Lolohe, Buin, na Mamagota. Pastaim ol sip i save mekim ol sata ron long ailan tasol.

WANTOK

NIUSPEPA BILONG OL PAPA NIUGINI STRET

P.O. Box 1982 BOROKO
Telepon Namba: 25 2500
Feks Namba: 25 2579

PE BILONG WANPELA YIA 52 NIUSPEPA

PLES	AIR
Mosbi	K30.00
Arapela PNG eria	K60.00
Australia na Nu Silan	K92.00
Esia pasifik na Japan	K123.00
Amerika na Yurop	K180.00





□ Kanage em i wanpela pilsman long Vanimo. Wanpela taim em i kisim malolo bilong em na em wantaim famili bilong em i kalap long wanpela sip bilong Luteran Siping ol i kolim MV Nagada na go long ples bilong Kanage long Yangoru long Wewak. Ol i ron i kam na stap namel long Vanimo na Aitape na bikipela win i kam na mekim solwara i bikhet olgeta. Solwara i bruk bikipela na sip i wok long i go i kam na i laik kapsait. Kanage lukim misis bilong em wantaim ol pikinini pret nogut tru na em i ron i go antap long liklik rum bilong kepten bilong sip. Na em i singaut: Kepten, kepten, kepten. Yu mas stiaim gut sip. Sapos kago bilong mi lus, mi bai no inap wari. Sapos ol pikinini bilong mi lus, mi bai no inap tingting tumas. Tasol sapos mama bilong ol pikinini lus, mi tokim yu kepten, mi bai soim yu bikhet bilong mi.

Robwoodz Nalaik
VANIMO

■ Kanage i bilong Wewak long Is Sepik provins. Em i go long Lae na painim wok i go long M.C.C., na bos i kisim em long wok. Kanage wok keswol long M.C.C. i stap na bos givim em fom bilong pilim long kisim pe.

Kanage kisim dispela fom na go long haus. Long haus em painim hat long pilim dispela fom.

Mekim nogat na Kanage tokim wanpela manki Morobe long pilim fom long em. Manki ya i kisim fom na askim olsem, "Yu bon long wanem yia?" Na Kanage i bekim, "Mi bon long 1975." Manki ya i askim gen, "Hamasa yia bilong yu nau? Kanage bekim: Yia bilong mi em 50." Manki tingting i go i go na askim Kanage, "Kanage, yu giamanim mi ya." Na Kanage i tok, "Tru tumas mi tok tru ya, Yia bilong mi 50. Mi save sanap long sikel na 50 i save kamap."

Mi no longlong olsem yu tingim. Ol plisman tasol i paitim het bilong mi, na sampela save i ranawe pinis.

Andrew Baksi
LAE

□ Kanage i bilong ples Rabitok long Is Nu Briten provins. Em i save stap long Mosbi klostu long Godens maket. Wanpela Sarere em waswas gut tru na go saitim long Godens maket i stap.

Em lukim sampela smatpela meri Mekeo i salim buai na go sanap arere long ol. Sampela minit bihain em kamautim 20t na tromoi i go daun long baim buai long wanpela bilong ol dispela meri Mekeo.

Meri ya tanim het na tok, "Hei tobaras, em 30t ya. I no bikipela mani!" Boi Rabitok tanim het na lukluk go daun long pes bilong meri ya, na tok: "Em i orait, na hamasa long yu."

Yangpela meri Mekeo harim na i paul liklik. Bihain em kisim mining bilong askim na bekim, "Sorj mi no bilong baim. Mi fri tasol ya. Baim tasol sop wantaim sempo bilong wasim mi, na kisim i go long haus bilong yu."

Kelly Koma
MOSBI

MOA TOK PILAI LONG PES 17

Ol Viles kot laik kamap pablik sevan

YAKAM KELO i raitim

VILES kot sistem insait long ol rurel eria bilong Morobe provins i no klia gut long sindaun bilong ol long bihain taim.

Dispela singaut i kamap bikos ol mejistret insait long Gurakor Viles Kot long Mumeng i no klia sapos ol bai gat sampela kain pinis pe o pensen mani taim ol i pinis long wok bilong ol na stap nating.

Viles Kot Klek, Giam Lingayam i tok ol kot mejistret na kuskus bilong ol kisim

riplot pinis long Lae opis, olsem ol bai bungim sampela gutpela senis long bihain taim.

Mista Lingayam i tok het opis long Lae i tok ol bai kisim yunifom bilong ol. Dispela em wanpela samting tu ol i mas i gat. Bikos ol manmeri i mas luksave long ol. Na wok bilong ol long stapim hevi bilong lo na oda.

Narapela hevi tu em planti wokman insait long viles kot sistem i bin wok moa long 20 krismas olgeta. Na i save kisim pe bilong ol long olgeta mun. Tasol taim ol i laik pinis, ol i nogat gutpela pinis pe. Ol

i kisim tasol las pe bilong ol long mun na i go.

Mista Lingayam i tok dispela i no gutpela tru. Bikos ol viles kot i save mekim bikipela wok tru long helpim ol plis long stapim ol bikhet pasin long ples na haiwe rot.

Em i tok long haiwe bilong Lae, Mumeng na Wau, Bulolo i gat planti hevi tru. Na viles kot i bin mekim bikipela wok tru long daunim planti bilong ol dispela hevi. Na planti taim plis i no save kam insait long holim ol.

Olsem na sapos ol viles kot i lusim wok na larim tasol long han bilong plis, haiwe

bilong Lae, Bulolo na Wau bai kamap nogut olgeta.

Em i tok ol viles kot insait long Mumeng distrik i no amamas long sapot na helpim bilong gavman. Bikos ol i laikim bai gavman i mas givim ol sampela gutpela tingting long sindaun bilong ol dispela viles kot long bihain, nating ol i lapun na laik sindaun nating long ples.

Ol i askim sapos gavman i ken luksave na putim ol insait olsem pablik sevan. Dispela i ken helpim ol long kisim liklik pinis pe o pensen long taim ol i pinisim sevis bilong ol.

Duadua bai skulim ol yangpela long tumbuna pasin

LONG las wik Fonde Duadua tiata grup bilong Lae i putim kamap wanpela tumbuna na krietiv danis o pilai drama. Nem bilong dispela pilai em "Talinia Hamos." Dispela tupela hap tok ya i min olsem laip bilong dispela graun.

Dispela pilai drama i gat tupela hap bilong en. Na i toktok long wanem rot ol pipel bilong Noten Morobe i bin kamap long taim bipo tru. Ol pipel bilong Noten Morobe i gat bilip olsem ol tumbuna stori kamapim kinkain laip. Laip i bin stat long ol pisin, na tu long ol arapela samting long bus olsem snek.

Dispela tumbuna stori bilong wanpela ples ol i kolim Yangla long hap bilong Siassi. Tupela man, nem bilong tupela, Pou na Amos i raitim dispela tumbuna stori. Dispela i no namba wan taim Duadua i putim kamap dispela pilai drama. Bikos Duadua i putim kamap dispela pilai drama pinis long 1987. Dispela i kamap bihain long ol i karimaut rises wok long ol kinkain tumbuna singsing, na pilai drama long ol rurel eria insait long Morobe provins.

Morobe provinsal gavman i papa long Duadua Provinsal Tieta Grup. Na Duadua i kam aninit long kalsa seksen bilong Divisen bilong Spot, Kalsa na Lika.

Dairekta bilong Duadua, Amos Berg i tok aninit long 5 yia plen (1992-1996) bilong provinsal gavman, Duadua bai karimaut bikipela wok long promotim na lukautim kalsa bilong Morobe provins.

Wok bilong stretim Umi bris go gut

SAMPSON BONAI i raitim

OL wok bilong stretim bris long Umi bris long Makam haiwe, Morobe provins i wok long go gut. Na namba wan ka i ran i go long narapela sait long las wik Sarere.

Dispela em i namba tri wik bihain long bris i bruk. Tasol wok i wok long go isi isi yet long stretim olgeta samting.

Ol soldia bilong Igam Bareks na Woks dipatmen long Lae i wok long wokim wanpela giaman bris bilong ol ka i ken ron inap ol i wokim strongpela bris long bihain. Dispela giaman bris i sanap olsem 300 mita i go daun long hap bris i bin bruk long en. Na masin i bungim wara i go long wanpela sait long mekim kamap dispela giaman bris.


Long taim ol i wokim dispela giaman bris, bikipela ren i bin kam na wara i brukim ol diwai na graun em Woks na Difens fos enjinia i bin bungim long

wokim dispela giaman bris. Tasol nau ol i stretim gen na i orait long ol ka i ran long en. Tasol dispela bris i no inap long sanap strong sapos ol bikipela haiwe ka, husat i karim bikipela kago we hevi bilong em i moa long 300 ton.

Lutunen Kenel Ben Norrie i tok Praim Minista Paias Wingti wantaim tupela gavman opisa, Sir John Kaputin na Michael Ogio i bin go long las wik Fonde long lukim dispela bagarap. Na ol wok i wok long kamap nau.

Kenel Norrie i tok tu olsem ol lain bilong Australian Intanesenel Developmen Asisten Bureu (AIDAB) tu i bin go lukim dispela bagarap wantaim tupela sinia ami opisa bilong Australia. Ol i traim long skelim dispela bagarap, na wanem kain helpim ol bai givim.

Praim Minista wantaim tupela gavman memba bilong em i bin kisim ripot long ol wok ya wantaim ol bagarap long Ken Norrie, Leith Anderson bilong Nesenel Disasta na Imejensi Sevis.



NATIONAL PRESS CLUB OF PNG

Invites you to an address by

WINSTON LORD

US Assistant

Secretary of

State for East Asia

and Pacific Affairs.



Venue: ISLANDER TRAVELODGE

DATE: MONDAY AUGUST 8, 1994

Time: 12 - 2.15pm

Refreshments and savouries will be served.

K7.50 members, K10.00 non members

Bookings through Sibona Dikana on Ph: 24 6888.

TU MINIT TINGTING

SAMPELA STORI BILONG HELPIM TINGTING

NAMBA wan stori i gat tok long pasin bilong slek long mekim wok. Sampela man i stap insait long dipatment bilong wok didiman ol i save wok wantaim olkain binatang. Ol i save stori olsem long ol laus; em dispela kain i stap nabaut long Hailans na i save kalap antap long ol enimal na ol manmeri na kaikaim skin bilong ol. Em i pasin bilong laus em i save kalap longwe moa.


Long taim ol didiman i wok wantaim ol dispela laus, pastaim ol i save pulimapi ol insait long wanpela botol i gat bikipela maus. Pastaim ol laus i save kalap i go ausait long botol wantu. Tasol nau ol didiman i putim tuptup long botol. Na olgeta taim ol laus i kalap i go antap, ol i bamin het bilong ol. Bihain ol i bin bamim het planti taim, ol laus i kisim save. Kwiktaitim ol i skul long kalap antap liklik tasol, inap long ol i no paitim het bilong ol moa.

Bihain ol laus i lainim dispela pinis, nau ol didiman i ken tekewe tuptup bilong botol na ol

laus i no save kalap i go ausait. Ol i no inap moa long kalap i go antap. Ol i bin trenim lek bilong ol long kalap liklik tasol; na tu ol masol bilong lek i no gat strong moa long kalap longwe. Olsem na ol laus i no save rananwe.

Planti yangpela bilong PNG i wankain long ol dispela laus. Inap long 10-pela yia samting ol i save stap long skul, na ol i save kisim kaikai fri long olgeta de. Ol i no baim. Ol i no wok bilong painim. Long planti haikul, kaikai i save kamap nating long tebol long moningtaim, belo na apinun. Dispela pasin i skulim ol studen olsem: kaikai i save kamap nating; yu no mas baim na yu mas wok long painim o kisim o kisim o winim. Em i eksperiens bilong ol. Long taim ol i aut long skul, ol i hatwok tru long bilipim dispela aidia long kaikai i no kamap nating.

Narapela stori i go olsem. Wanpela boi swim long solwara na biksi i pulim em i go longwe long nambis. Wanpela man i lukim dispela, an em i swim i go ausait na i pulim boi i kam bek.



FRANK MIHALIC i raitim

Boi ya i pret nogut tru. Klostu em i dring wara pinis. Nau em i tok long man ya, "Tenkyu tru long sevim laip bilong mi."

Man i lukluk strong long ai bilong boi na i tok long em, "Maski. Sapos yu laik tenkim mi tru, orait, yu go nau na yu yusim gut dispela laip mi bin sevim pinis. Yu mekim olsem na bai yu tenkim mi."

Dispela stori i sut long ol yangpela husat i nupela studen nau

long wanpela haikul o koles o yunivesiti. Ol i gat wanem kain plen o tingting o gol nau long taim ol i stap long skul? Nogut ol i olsem sampela man long dispela stori.

Tripela haikul studen i limlimbur insait long bus. O i wok long painim wanpela spesel hul long maunten, we planti save i hait i stap. O i bin harim pinis planti stori long dispela hul long maunten. Orait, tripela i kamap long hul ya na wanpela sekyuriti sanap i stap. Tripela i tambu long go insait long hul sapos ol i no bin stretim tok pastaim wantaim dispela sekyuriti.

Sekyuriti ya i gat wanpela kwesten tasol long askim tripela. Na tripela i mas pasim tok long givim wanpela ansa tasol long em. Sekyuriti i promis bai ol i kisim wanpela lida i save tumas long stiam ol nabaut insait long hul save ya. Kwesten bilong sekyuriti i go olsem: "Yutripela i laik go insait tru long dispela hul maunten i pulap long save, na raun nabaut lukim

olgeta rum billong em? O yutripela i laik mekim wanem?"

Na tripela i paitim tok na ol i kam bek long sekyuriti na i tokim em olsem: "Mitripela i no laik go insait tumas. Nogat. Mitripela i laik go insait liklik tasol na lukluk nabaut hariap, bai mitripela i ken tokim ol wantok olsem, mipela i bin stap long dispela hul pinis."

Sekyuriti i no hepi long harim dispela tokbek bilong tripela. Tasol em i singautim wanpela poroman bilong stirim ol nabaut insait long hul maunten. Ol i hariap i go na i lukluk insait long hul maunten. Ol i hariap i go na i lukluk insait long hul maunten klostu long dua tasol. Bihain liklik ol i kamaut bek na i wokabout i go. Nau sekyuriti i tokim poroman bilong em olsem: "Ol i wankain olsem ol studen tude, husat i hariap hariap tasol long pinisim skul bilong ol. Ol i no gat interes long bungim planti save. Nogat. Ol i resis tasol long holim wanpela pepa ol i kolim setifiket."

Buka Tenksgiving de bungim K10,000

Ol yut mas redi long Pop John Paul II - Sir Kurongku

DANIEL MONA i raitim

IS BUKA Yunaited Sios Seket i bungim moa long K10,000 long Tenksgiving de bilong ol las Sande.

Mani ya bai i helpim sios long ol wok bilong em neks yia. Moa long wan tausen kristen manmeri na pikinini long ol hap olsem Kunua, Sapos, Novah, Sohano Suhin, Tahetahe na Halia i bin bung long Hutjena Yunaited Sios long bikipela sios sevis na givim ofa bilong ol.

Long Buka ol kolim dispela kain bung long "Hasiku." Ol save holim Hasiku long wan wan taim olgeta yia long bungim mani bilong helpim sios i go hetim wok bilong em. Ol kristen manmeri long hap bilong Papua rijon i kolim kain bung ya "Boubou."

Maski bikipela ren i pundaun long dispela de, ol pipel i kam yet long sios long amamasim Bikman antap na givim ofa bilong ol.

Siaman bilong sios komiti, Ruben Tokome i tok ol pipel i givim bikipela helpim tru. Maski ol gat hevi wantaim mani. Na em i amamas tru long ol. Em i tok dispela mani bai go hetim wok bilong sios long Is Buka seket neks yia.

Bipo long ol hevi long Bogenvil, dispela seket i save bungim moa long K30,000 long Hasiku bilong ol olgeta yia.

ASBISOP bilong Mosbi Katolik Asdaiosis, Sir Peter Kurongku i singautim ol yut long strongim bilip bilong ol. Na redi long taim hetman bilong Katolik Sios long wol, Pop John Paul II i kam long kantri neks yia.

Asbisop i mekim dispela singaut long Alaip Yut reli bilong ol Katolik yut we ol i holim long Mosbi las wiken.


Em i tok raun long Pop John Paul i kam long kantri i strongim bilip bilong planti Katolik manmeri long Mosbi Asdaiosis. Em bai kam long kantri long santuim Peter ToRot, wanpela katekis bilong Rabaul we ol soldia bilong Japan i bin kilim em indai long namba tu Wol Woa.

Asbisop Sir Peter i tok long Pop i kam long kantri long namba tu taim em i bikipela samting tru. Bikos em i no

mekim raun i go long sampela arapela kristen kantri yet. Em i strongim tu ol yut long prea long God bai i was long hetman bilong sios. Na em bai lukautim gut ol sipsip bilong em long graun.

Em i tok Pop John Paul II bai go pas long wanpela lotu insait long Sir John Guise Stedium long Janueri 18. Planti manmeri tru bai kam long dispela lotu. Wanpela komiti i redim ol wok long dispela samting nau.

Sir Peter i laik klia tingting bilong ston kaling ol arapela kristen lotu husat i bilip olsem Katolik Sios i save lotu long bilong Santu Maria. Dispela paul tingting i rong. Katolik Sios i save givim hona na rispek long Santu Maria. Bikos em i mama bilong Jisas. Sios i no adorim em olsem em i adorim



• Sampela bilong planti yangpela manmeri husat i kamap long yut reli long Mosbi las wiken.

God Papa, Pikinini na Santu Spiritu.

Reli ya i bin pulim planti yut na papama long bung wan-

taim, singsing prea long amamasim Bikipela Antap.

Sir Peter na Bruder Brian Welsh i strongim

ol yut long antapim bilip bilong ol. Narapela Yut Alaip reli bai kamap long Don Bosco hol long Septemba.

PNG bai stap insait long IFFLP kibung long Polan

TUPELA meri husat save wokhat long helpim planti famili, bai lusim PNG na go long Rom na Polan long wanpela bikipela kibung long wok bilong Kristen Famili Laip.

Dispela kibung bai kamap long Septemba 16 i go inap long namba 24 de.

Wanpela bikipela grup, husat i gat het opis bilong em i stap long Amerika, i go pas long stiam dispela bikipela kibung "Wol Kongres" long Kristen Famili Laip. Nem bilong dispela grup em Intanesenel Federesen bilong Famili Laip Promosen (IFFLP).

Planti kantri bai salim wanpela memba i go long dispela kibung. Katolik Famili Laip Grup bilong

PNG na Solomon Ailan tu i salim tupela meri. Misis Maggie Turwait bilong Hagen i makim PNG. Na Sista Stefania bai go wantaim long helpim Misis Turwait long Polan.

Katolik Famili Laip Grup bilong PNG i ful memba bilong Intanesenel Federesen bilong Famili Laip Promosen. Olsem na Misis Turwait i kisim fri tiket na fri ples bilong slip. Na tu em i ken vot long lain i stiam dispela grup.

IFFLP i save givim gutpela helpim long tisim Naturel Famili Plening (NFP), olsem Bilings Metod em mipela kolim Ovulesen Metod, arapela NFP, we meri save was long mak bilong skin na

pilim bilong em, na tu we bilong givim susu long pikinini longpela taim. Dispela tu i wanpela gutpela we mama i ken spesim pikinini.

Insait long bikipela kibung bai i gat skul tu olsem we bilong tisim NFP, long ripotim, long helpim ol long save tru tru, gutpela samting long susu bilong mama, na planti samting moa yet.

Na tu ol bai tilim we bilong sindaun long kain kain famili tude, wari bilong sampela kantri i larim abosen i go het tasol. Bai i gat skul long tisim ol yangpelai redi long marit, na skul olsem mipela i kolim hia "Yu Yet I Samting Tru".

Na moa yet, bai sampela yunivesiti saveman na bikipela dokta i

tokaut long nupela samting, em ol i bin painimaut long naturel we bilong plenim pikinini. Ol bai tokaut tu long nupela samting bilong sik AIDS.

Sista Stefania na Misis Turwait i bin wok hat long daiosis na, provins long Hagen. Dispela em long helpim planti famili na ol yangpela husat i gat wari. Tupela i bin givim planti kos long strongim marit long Naturel Famili Plening, na tu kos bilong ol yangpela ol i kolim 'Yu Yet I Samting Tru'.

Tupela i no bin holim dispela ol kos long katolik sios tasol. Tupela i bin givim long arapela sios o gavman grup tu. Olsem long Julai 28 na 29, tupela i bin stiam

bikipela kos long Hagen Pak Hai skul.

Tupela i bin bungim 14 manmeri long kain kain sios. Na ol i helpim tupela long tisim moa long 700 studen.

Dispela tim i bin soim olsem ol sios i mas wok bung wantaim. Na ol tim memba na studen i bin amamas tru long dispelak kos. Bikos ol i bin painim moa save tru long ol yet, long mipela wanwan i husat, i mas o meri i gat bikipela nem long ai bilong God, i gat pilim, i gat pren, na inap long yusim ol pawa bilong sex long gutpela we na stretpela taim insait long marit.

Ol meri bilong Yunaited Wes Galp seket gat nupela bos

MOA long 250 memba long Westen na Galp Yunaited Sios Wimens Felosip i bin bung long ples Masingara long tupela wik i go pinis. Ples Masingara i stap long Westen provins.

Bung ya i stat long Julai 17 na i go pinis long de 21 de. Bung i lukluk long progrem bilong skulim ol manmeri long rit na rait, baibel stadi na ol arapela bikpela samting we i karamapim wok bilong ol meri long tupela provins.

Bung i makim tu nupela rijonal eksekutiv bilong ol meri. Ol i makim Lari Loko bilong Moru seket olsem nupela presiden bilong Wes-Galp seket. Amara Sedu bilong Bineturi seket i kamap namba tu bilong Lari.

Long Sarere Julai 16, bisop bilong Wes-Galp rijon, Evara Meakoro wantaim ol lain bilong Kiunga, Bamu na ol lain long Galp seket i bihainim wara Bineturi na pul long kanu long Daru i go kamap long ples Mawatta.

Orait ol memba bilong wimens felosip i wok-



• Ol memba bilong Masingra Yunaited Sios Wimens Felosip i go pas long bisop na ol arapela memba long stat bilong bikpela lotu long ples. Poto na stori: Ian kakarere.

about wantaim ol bikman bilong sios i go long ples. Ol meri singsing tumbuna na danis long welkamim ol lain. Na givim kaikai i go long ol.

Bisop Meakoro i opim tru Bineturi seket opis long dispela taim.

Long Sande, ol ol meri long felosip wantaim bisop na ol ara-

pela kristen manmeri i lotu long ples Mawatta. Lotu ya em long tingim tupela namba wan misinari long kamap long Wes-Galp eria. Nem bilong tupela em Reveren Stephen MacFarlane na Andrew Murray.

Bihain long lotu, ol meri givim presen long Mawatta Yunaited Sios.

Ol Hanuabada mama bung long woksop

VERONICA HATUTASI i raitim

OL MERI long Lahara Yunaited Sios Kongriksen long Hanuabada Mosbi i holim wanpela woksop long dispela wik.

Woksop ya i skruim save bilong ol memba long wokim ol henkraf, somap na kuk. Na tu long strongim wok felosip insait long kongriksen bilong ol.

Wanpela memba bilong kongriksen, Misis Heni i tok Lahara Kongriksen i hap bilong tupela felosip grup bilong ol meri long Poreporena Yunaited Sios seket long Hanuabada. Narapela em long Laurabada Kongriksen.

Orait, insait long tupela grup i gat de na nait felosip grup. De taim grup bilong Lahara Wimens felosip i gat 30 memba husat nau i sindaun long dispela woksop. Nait grup i gat 60 memba. Nait grup i ken sindaun wantaim de taim grup long dispela woksop sapos ol i laik, Misis Heni i tok.

Em i tok tu olsem long ol moning ol stap insait long devosen. Na bihain long em ol mekim ol henkrap wok, somap na kuk.

Grup kamap long helpim arapela famili

TOKARARA Katolik peris long Mosbi i kirapim pinis wanpela famili grup long helpim ol arapela famili husat i gat hevi.

Grup ya bai helpim ol famili husat i gat kain kain hevi olsem bilong marit, na givim skul bilong kamapim gutpela kristen famili.

Long Sarere Julai 30, Katolik Famili Laip Apostulet i holim wanpela kos long Tokarara sios. Sampela marit grup long Gerehu, Yunivesiti, Jun Veli, Waigani, Morata, Tokarara na Ensisi i sindaun

long dispela kos. Ol lain long Apostulet i makim sampela marit grup long kamap trena long helpim ol hevi famili insait long wanwan peris bilong ol. Ol skelim ol marit husat i sindaun gut wantaim gutpela kristen laip long helpim ol narapela brata susa i gat hevi i kamap trena. Ol dispela marit bai i gat taim tu long helpim ol arapela.

Sista Lucy i go pas long dispela wok bilong helpim ol arapela olsem kodineta.



TOYOTA DYNA

THE TOUGHEST MIDDLEWEIGHT TRUCK IN ITS CLASS

Built Tough, Toyota Dyna Trucks give you an excellent choice, with either petrol or diesel power, long or short wheel base, cab/chassis, flat bed, dump truck and the latest styled extra-wide cab with mighty 3.7 lt. direct injection diesel power. We also offer a wide range of Dyna Special Purpose Vehicles, including Agitator Trucks, Fuel Tankers, Panel Vans, Crane Trucks, and Refuse Collector Trucks. When it comes to the Middleweights, you can't beat Toyota Dyna.



TOYOTA

Ela Motors

PORT MORESBY 229400 • LAE 422322 • RABAUL 921988 • MADANG 822188 • GOROKA 721844 • MT HAGEN 521888 • WEWAK 862255
KAVIENG 942132 • KIMBE 935155 • TABUBIL 589060 • VANIMO 871254 • PORGERA 579367
ALOTAU : WALTERS WORKSHOP PH 611174

Amerika salim soldia nau long Ruwanda

AMERIKA salim pinis ol namba wan 60 soldia bilong em i go long Ruwanda. Ol i bin kamap long biksiti bilong Ruwanda, Kigali long Sande Julai 30.

Ol soldia i kamap long helpim ol trangu refuji pipel husat i bin ranawe long Ruwanda. Bikos long bikpela pait namel long soldia bilong gavman na ol rebel paitman. Ol rebel paitman i tekova pinis long kantri. Na ol soldia i ranawe na stap nau long ol refuji kem.

Difens Seketeri bilong Amerika, William Perry i tok long neks wik, 4,000 Amerika soldia olgeta bai kamap long Ruwanda.

Long Sande Julai 30, Mista William i kamap long Yuganda. Na sekim planti tausen refuji long hap. Moa long wan milien pipel bilong Ruwanda i bin ranawe i go long ol kantri klostu olsem Yuganda.

Na stap olsem ol refuji long hap.


Mista Perry i tok Amerika bai salim moa kaikai wantaim klos laplap na wara i go long moa long wan milien refuji pipel long Goma refuji kem. Ol saplai bai kamap long Kigali. Na bihain bai ol soldia kisim i go long Goma, na ol arapela refuji kem.

Kigali i stap 160 kilomita longwe long Goma.

Planti manmeri na pikinini long Goma i bin indai na ol i planim. Ripot i tok long Sarere Julai 29, ol helpim wokman i planim 3,000 pipel. Na long Sande Julai 30, ol i planim narapela 3,000.

Long Kigali, Perry bai toktok tu wantaim nupela gavman. Na askim ol long noken bagarapim o kolim indai ol refuji husat i go bek long Ruwanda.

Nau yet ol refuji i pret long go bek. Maski ol ripot i tok nogat birua bai kamap long ol. Ol i gat bikpela bilip olsem nupela gavman bai kilim ol.



• Tupela memba bilong ol Jewis pipel long Ajentina i stap insait long protes long biksiti bilong Ajentina, Buenos Aires. Ol i protes egens wanpela bom em i bin pairap, na kilim indai sampela pipel. Dispela birua i bin kamap long las mun.

Jeles meri katim sem bilong man

WANPELA meri bilong Filipino Ailan i bin katim sem bilong man bilong em.

Plis givim nem bilong dispela meri olsem Gina Espina. Espina i gat 21 krismas, na i save wok long samapim klos laplap.

Ripot i tok Gima askim man bilong em, Donald Jacolo i go long wanpela haus slip, we tupela i ken stretim toktok. Bikos Donald i gat narapela prenmeri.

Orait tupela pren pinis na bihain slip. Na long nait. Gima kisim sisos na katim sem bilong man. "Mi mekim dispela bikos mi laikim em tumas. Mi no laikim narapela meri i kisim em,"


Gima i tokim ol plisman na niusman olsem.

Ripot i tok Donald bai kisim Gima i go long kot.

Dispela em wanpela bilong planti ripot bilong ol meri i katim sem bilong man long Filipino Ailan. Ol pasin ya i kamap bikpela bihain long wankain pasin i kamap long Amerika, we bikpela ripot i bin kamap.

Wanpela meri Amerika, Lorena Bobbitt i bin katim sem bilong man bilong em.

Ripot i tok wanpela meri Filipino Ailan i putim pawa waia long sem bilong man, taim man i slip. Na bihain em putim pawa na katim sem bilong man bilong em.



• **Asbisop Desmond Tutu** i amamas na danis bihain long bikpela lotu. Man long lephan em **Very Reveren Michael Mayne**. Ol i holim bikpela tenks giving lotu bilong Saut Afrika i kamap memba bilong Komonwel.



• Wanpela Muslim soldia hangamap long salt bilong bikpela pasindia ka long Sarajevo long pinis bilong mun Julai. Soldia ya i kam bek bihain long em i pait long fran lain. Ol paitman bilong Sebja i pretim long kilim indai ol pasindia. Mekim na ol pasindia ka i go long Sarajevo i ran isi tru.



• Long ol liklik refuji kem klostu long Goma, planti Ruwanda refuji olsem dispela man i indai. Namba bilong ol manmeri na pikinini indai long wanwan de i winim 3,000. Goma em bikpela refuji kem, klostu long Salre. Goma i gat moa long wan millen refuji olgeta.

Meri resis long Angoram Open sia

VERONICA HATUTASI i raltim

WANPELA meri givim nem pinis long resis long sia bilong Angoram open ilektoret insait long Is Sepik provins. Nem bilong en em Roberta Alman. Em i wanpela memba bilong Is Sepik Katolik Wimens Asosiesen. Tripela man tu i putim pinis nem bilong ol long dispela resis.

Ripot i kam long Wewak i tok nem bilong tupela kendidet em Stanley Lumbia na Gabriel Sandu. Oli no givim nem bilong narapela kendidet.

Ripot i tok samting olsem 10-pela kendidet

olgeta bai i sanap resis long bai ileksen bilong Angoram open. Kempen i go gut tasol nau bihain long sampela hevi i kamap las wik.

Gavana Jenerel Sir Wiwa Korowi i bin givim ol nominesen pepa long nesenel palamen bai ileksen bilong Angoram open ilektoret long Julai 21.

Wantaim tu narapela tripela sia olsem Suave ilektoret insait long Simbu provins na Komo-Margarima wantaim Koroba Lek Kopi-ago insait long Sauten Hailans provins.

Nominesen long 4-pela bai ileksen bai pas long Ogas 19. Taim bilong makim vot bai i kisim wanpela wik. Em bai stat long Oktoba 1 na pinis long de namba 7. Oli bai tokaut long husat tru i win long Oktoba 19.

Ilektoret opisa long Wewak i tok opis bilong em i go het nau long redim ol wok bilong ileksen.

Long Mas 18 bilong dispela yia, Lidasip traibunel i painim olsem nesenel memba bilong Angoram Open, Philip Laki i paulim pablik mani. Olsem na Mista Laki i risain. Na sia i stap nating.

Morobe provins bai ileksen pulim 19 kendidet

MOROBE Provinsal bai ileksen pulim pinis 19 kendidet long resis long 6-pela sia em i bin stap nating.

Dispela bai ileksen bai karamapim 6-pela konstituensi olgeta. Nem bilong ol em Sab Manga, Ahi, Kotte, Jabim Mape, Morobe na Mongi.

Long Ahi, tupela kendidet i givim nem

pinis, Mongi em 10-pela, Morobe em 4-pela, Sab Manga em tupela, Kotte em wanpela na Jabim konstituensi em nogat kendidet i givim nem yet.




Ileksen i bin op pinis long Julai 28 long ol kendidet i stat rejistaim nem bilong ol. Buk bilong rejista bai pas long Septemba 15.

Taim bilong ol manmeri i ken vot bai stat long Septemba 2. Na vot bai pas long Septemba 9.


Ripot i kam long provinsal gavman opis i tok bihain long olgeta samting i pinis, bai asembli i gat ful memba long Septemba 21. Na holim Tutumang bung wantaim ful memba long haus.

PAWA WANTAIM OL PIPEL

F.G. Wilson ol i nambawan save lain long desain na wokim gutpela disel jenerator inap 5Kva to 5000Kva.



► Toksave long lokol ejent bilong yu, Morgan Equipment long sels, Pats na Sevis.



A member of the UMM Group of Companies

MORGAN EQUIPMENT PTY. LTD.

LAE	Aircorps Road	Phone: 42 2444	Fax: 42 3342
PORT MORESBY	Morea Tobo Road	Phone: 25 5766	Fax: 25 0805
RABAUL	Airport Road	Phone: 92 2488	Fax: 92 2482

A/ME09/P

WINDSCREENS

To suit most models

FROM

1250


Available at



BOROKO MOTORS
THE GOOD GUYS FOR BEST BUYS



PORT MORESBY: 255255 LAE: 421144 RABAUL: 922777 KIMBE: 935566 MADANG: 822433 MT.HAGEN: 521433 HIGATURU: 297175 ARAWA: 951566 TABUBIL: 589061



NIUS BILONG WAN SOLWARA

Fiji laik daunim namba bilong pablik holide

FIJI: Infomesen minista bilong Fiji, Ratu Josefa Dimuri i gat sans long daunim namba bilong ol pablik holide long neks yia.

Holide bilong makim Mama lo De i gat bikpela sans long Fiji i lusim. Julai 25 em Mama lo De bilong Fiji. Na i bin gat holide.

Minista i tok opis bilong leba minista i makim 14 pablik holide long 1995. 1994 i gat 13 holide. Tasol kabinet i lukluk long rausim tupela holide.

Grup bilong ol yangpela Fiji manmeri na studen, Fiji Yut na Studen Lig, i tok Mama lo De, em de bilong sore o tingim ol manmeri i bin indai. Long Mande Julai 25, ol i protes na putim blak plag long olgeta kona bilong kantri. Dispela i makim protes bilong ol.

Bikpela as bilong ol dispela senis em Fiji i no mekim inap mani. Bikos long planti holide tumas. Dispela em wanpela as kabinet i lukluk long en.

Wanpela oposisen memba, Maan Singh i tok i nogat as long holim Mama lo De. Bikos Mama lo em Fiji i gat nau i no lukautim pawa na fridom bilong ol pipel.

Ripot tok siaman bilong Polynesian Airlines risain

WESTEN SAMOA: Ol ripot i kam long Westen Samoa i tok siaman bilong Polynesian Airlines i risain pinis. Polynesian Airlines em nesenel balus kampani bilong Westen Samoa.

Ripot i tok Jack Netzler i risain long bod ov direkta bilong balus kampani. Dispela i bin kamap bihain long ol strongpela niusepepa na radio ripot i egens em. Strongpela salens i kam tu long ol pipel bilong Westen Samoa olsem Mista Netzler i no mekim gut wok. Olsem na balus kampani i bungim hevi long mani.

Tasol namba tu bos bilong Polynesian Airlines, Muliagatele Gina Moore i tok ol i no kism stretpela ripot yet olsem Mista Netzler i risain.

Lida bilong oposisen, Tuiatua Tupua Tamisefe Efi i askim tu Mista Netzler long risain o lusim tu sia bilong minista bilong sivel aviasen.

Solomon Ailan askim BRA long kibung

SOLOMON AILAN: Solomon Ailan i askim gen ol top lida bilong Bogenvil Revolusinari Ami long kibung gen. Na kamap wantaim sampela gutpela tingting na plen long stretim sindaun long ailan.

Gavman bilong Solomon Ailan i askim BRA long yusim kantri bilong ol, na kibung wantaim gavman bilong Papua Niugini.

Foren minista bilong Solomon Ailan, Francis Saemala i tok em i wetim yet bekim bilong BRA, bihainim dispela askim.

Namba tri kibung em ol i bin makim long Jun 19 i no bin kamap. Bikos PNG i laik kibung wantaim ol bikman bilong BRA stret, na i no ol mausman.

Tasol mausman bilong BRA, Mike Foster i tok sapos BRA lida, Francis Ona i tokorait wantaim PNG long stretim sindaun, olgeta pipel bilong Bogenvil i no inap sapatim dispela tokorait.

Vanuatu laik kirapim taun bilong ol Esia

VANUATU: Gavman bilong Vanuatu i plen nau long kirapim wanpela taun long Luganvil i go bikpela. Luganvil i stap long noten sait bilong kantri Vanuatu.

Minista bilong Ekonimik afeas, Serge Vohor i tok gavman bai go het long dispela plen. Em i tok olsem bihain long yunien i egens dispela nupela mov.

Mista Vohor i tok dispela plen i no bilong bringim ol Esia pipel i kam insait long kantri. Em i tok dispela mov em long bringim ol mani lain long wok bung wantaim long developim kantri.

Ol provinsal gavman bai kamap klostu. Na Mista Vohor i tok, ol dispela provinsal gavman bai baim sea long nupela bisnis beng. Bisnis beng ya em ol Taiwan pipel bai kamapim.

Mista Vohor i tok dispela plen bai kamapim moa wok long ol pipel.



• (raithan) - Ol plisman paitim na rausim ol Rwanda refuji husat i brukim lain na laik kism fri rais. Planti tausen manmeri na pikinini i hangre na dai. Tasol helpim i no kamap hariap long ol.

• (antap) - Wanpela pikinini Rwanda dring kus marasin em wanpela wokman bilong Red Cross i givim. Dispela em long wanpela refuji kem klostu long Goma. Kain kain bikpela sik i kamap long ol refuji kem. Bikos i gat planti manmeri tumas na i nogat gutpela sindaun.



• Isrel i larim go fri planti handred Palestain pipel pinis. Dispela em bikpela rot long tupela grup ya long stretim tok na sindaun. Poto i soim ol famill na pren i kamap long bungim wantok bilong ol i kam aut long haus kalabus.

Hevi bilong marit kamap long ol kea senta long Bogenvil

VERONICA HATUTASI i raitim

WANPELA hevi ol pipel insait long ol kea senta long Bogenvil i bungim em long sindaun bilong ol marit. Hevi i kamap taim planti pipel i bung wantaim long wanpela hap insait long longpela taim.

Mekim na planti pipel insait long ol kea senta i laik go bek na sindaun gut long asples bilong ol.

Bihain long ol i toktok wantaim planti lain pipel long wanpela lukluk raun i go long Arawa na Loloho tupela wik i go pinis, Bruder Pat Howley na Melissa Croome i luksave long dispela samtig. Tupela opisa ya i wok wantaim Faundesen bilong Lo na Oda.

Stat long mun Janueri, 1994, Bruder Howley na Melissa i ranim ol kos bilong kamapim gutpela sindaun long Buka. Ol kos ya i givim gutpela tingting na trening long ol pipel long pasin bilong stretim ol hevi insait long famili, komyuniti na ples. Na tu long trenim ol lida long go pas long ol wok.

Tupela i tok sindaun long Arawa na Loloho i kamap gutpela nau. Ol pipel i no pret long raun. Ol yangpela na ol arapela manmeri wantaim i helpim ol sekyuriti fos long klinim Arawa taun.

Moa long 2,000 pipel i stap pinis long Arawa kea senta. Na planti haus bilong Bogenvil Kopa kampani, wantaim bilong gavman na ol praivet bisnis kampani husat i bin stap long Arawa bipo long hevi, i stap gut tasol. Long wankain taim tu, ol kea senta pipel i klinim planti bilong ol dispela haus. Na wan wan famili i stap insait long ol.

Ol i tok bikpela bagarap ol i lukim i kamap long Arawa haus sik, provinsal gavman opis, na ol stua long taun. BRA i bagarapim ol dispela samtig.

Plis stesin long Arawa i op pinis. Na ol sekyuriti fos bilong PNG Difens Fos i redi long kisim 60 plisman i go wok long plis stesin ya.

Tupela opisa i tok stap bilong ol pipel long Arawa na Loloho i gutpela tasol. Planti pipel long hap i tokim tupela opisa olsem ol i amamas long go stap long kea senta. Bikos ol li es pinis long pasin bilong BRA i mekim nabaut long ol.

Long Loloho, tupela opisa i lukim olsem ol pipel i strong long wok. Na stretim sindaun bilong ol. Ol i bihainim wanpela wok progrem we long tupela de insait long wanpela wik, ol i helpim long mekim wok bilong gavman. Na long ol arapela taim, ol i wok long gaden bilong ol. Ol pilai o spot i stap insait long progrem bilong ol yangpela manmeri insait long kea senta. Tasol ol pipel i autim strongpela tingting long go bek long ol liklik plesbilong ol taim sindaun na stap long sentrel Bogenvil i kamap orait.

Tupela opisa ya i tok ol pipel long Arawa i laik amamasim independens de bilong kantri long Septemba 16. Olsem na ol wok long redim ol progrem we ol laik putim kamap long dispela taim.

Dispela em ol singsing kwaia na ol singsing tum-buna, ol pawa na string ben resis, resis bilong ol pikinini, pilai soka, sofbal, basketbal na volibal resis.

Ol i plenim tu long holim bikpela bung bilong prea long dispela taim.

25 mama skul long kukim pis

FUZO PAUL i raitim

LONG las wik, 25 mama insait long Is Sepik provins i bin stap insait long wanpela wan wik woksop ol i kolim "Women in Fisheries."

Divisen bilong Fiseris na Marin Risoses na Divisen bilong Hom Afeas na Yut long Dipatmen bilong Is Sepik i bin ogenaism, na ranim dispela wan-wik woksop.

Insait long dispela woksop, sampela opisa bilong Fiseris na Marin Risoses na Hom Afeas na Yut i lainim dispela 25 mama long yusim pis bilong solwara na fres wara long kukim ol kaikai olsem pis bols, pis sosis na pis baga. Dispela 25 mama i kam long olgeta 4-pela distrik bilong provins-Wewak, Angoram, Maprik na Ambunti.

Dispela woksop i helpim ol mama. Na oli ken yusim sampela save ol i kisim long dis-



• Seketeri bilong Dipatmen bilong Marin Risoses na Fisar, Joe Gabut givim K2,000 sek mani i go long Presiden bilong ESCOW, Lucy Goro. Poto na stori: FUZO PAUL.

pela kos long senisim stail na we bilong kukim kaikai bilong famili bilong ol. Long wankain taim, ol mama i ken yusim moa long wanpela stail long kukim kankain kaikai.

Na tu ol i ken salim dispela ol kaikai long kisim.

Divisen bilong Fiseris na Marin Risoses i givim K2,000 aninit long mini dinau skim

bilong Is Sepik Kaunsil Bilong ol Meri (ESCOW). Dispela em long helpim ol mama husat i gat tingting long kisim helpim long kirapim ol liklik fising projek.

Ol Yungzaing bai tingim 83 yia bilong gutnius

PLES Yunzaing insait long Morobe provins bai amamasim 83 yia taim gutnius bilong God i kam long ol.

Dispela i bin kamap long Ogas 15, 1991, taim ol misinari i karim gutnius bilong God i go long ol pipel bilong Yunzaing long Morobe provins.

Long dispela taim ol planti papa bilong Yunzaing viles yet i bin wok klostu wantaim ol Luteran misinari long skruim tok bilong God i go long ol arapela. Na mekim em i wok gut insait long ol pipel bilong ples.


Ogas 15 bai i 83 yia olgeta. Na ol pipel bilong Yunzaing viles i laik bungim olgeta pikinini bilong ol long ples, na amamasim dispela bikpela de. Dispela em long tingim tu bikpela wok ol lapun

bilong ol i bin mekim long brukim tudak bilong pasin nogut, na kisim lait bilong pasin kristen i kam.

Ol bikman long ples i salim pas pinis long olgeta pikinini i stap long taun long tingim dispela bikpela de long ples. Na givim helpim long kaikai na liklik mani bilong dispela wok.

Man husat i go pas long redim ol dispela samtig em Sipail Yuenga. Na em i salim tok welkam long olgeta pikinini bilong Yunzaing long go bek. Na amamasim dispela de long ples wantaim ol brata susa na papamama.

Mista Yuenga i tok bai gat planti bikpela man long sios na gavman tu i kam long lukim dispela samtig. Bai i gat tu planti bikpela singsing na pilai i kamap long dispela taim.



KATOLIK KOMISEN BILONG JASTIS, PIS NA DIVELOPMEN RWANDA APIL

Sampela ripot long ol bagarap long Ruwanda:

- Moa long 14,000 Ruwanda refiji indai pinis bikos long sik kolera, planti manmeri na pikinini indai nau long olgeta de.
- Planti tausén pikinini i stap nau wantaim pen, bikpela wari, na i nogat papamama o famili long lukautim ol. Planti lukim papamama bilong ol indai. Planti bilong ol dispela pikinini em bel i solap na bun nating, pekpek wara na painim hat long kisim win.
- Bodi bilong planti daiman, meri na pikinini i pulap arere long ol rot. Planti kain stori nogut bilong mekim mipela i wari i kamap long ol niuspepa na televisen long wol olgeta de.

Mipela i laki tru long i gat planti samting long laip. Mipela mas kam wantaim nau na helpim ol trangu brata, susa na pikinini long Ruwanda.



Mi laik givim sampela mani long
Ruwanda Apil.

Mi putim K _____

Mista/Misis/Mis. _____

Adres: _____

Katolik Komisen bilong Jastis Pis na Dvelopmen i gat "Tarangau Apil" em i save kamap long olgeta yia. Ok Katolik manmeri na pikinini insait long Papua Niugini save givim helpim bilong ol igo long dispela apil.

Mani apil i bungim i go long helpim ol pipel husat i bungim hevi olsem long hai wara, guria na strongpela win o graun i bruk na kapsait. Apil i helpim tu ol manmeri husat i nogat tru mani na i laikim sapot.

Nau yet, komisen i askim olgeta katolik, kristen na olgeta arapela pipel long salim helpim long helpim ol pipel bilong Ruwanda, Afrika.

Ol lain husat i laik helpim i ken salim mani bilong

yupela i kam long:

KATOLIK KOMISEN BILONG
JASTIS, PIS NA DIVELOPMEN,
P. O. BOX 6576,
BOROKO, N.C.D
PAPUA NIUGINI

o i ken givim helpim bilong ol i go long pater o pastoi stap klostu long ol, husat i ken salim i kam long adres antap.

Ol lain husat i laik painimaut moa long dispela apil, plis ringim Eksekutiv Seketeri bilong CCJPD, Mista Ludger Mond long telipon namba 25-6485/25-6497.

PUBLIC NOTICE

To all Merchants, Wholesalers and Retailers

Winfield

are happy to announce.....

As from 18th July 1994
the price of Winfield 25s cigarettes
has been reduced from K1.90*
to K1.69* PER PACK.

* Recommended retail price excluding provincial sales taxes.



GOVERNMENT WARNING
SMOKING IS DANGEROUS TO HEALTH

Mit go long ovasis bun stap long PNG

Dia Edita

Mi laik autim belbevi bilong mi long wanpela samting mi lukim i no stret long gavman bilong Praim Minista Pias Wingti. Dispela samting em Minista. Bilong Fainens na Plening Masket langalio i bin tokaut olsem gavman i sot long mani. Seketeri bilong Fainens dipatmen tu i bin mekim wankain toktok. Na em i askim wan wan gavman dipatmen long speri gut mani aninit long baset bilong ol.

Olsem wanpela man long ples, mi no inap bilipim dispela toktok bilong dispela tupela bikman bilong Fainens dipatmen. Bikos mi save ting olsem gavman i no inap sot long mani. Gavman i lukautim olgeta wok na samting bilong dispela kantri bilong yumi.

Mipela ol pipel bilong Papua Niugini na tu ol pipel bilong ol ovasis kantri i luksave olsem Papua Niugini em i wanpela liklik ris ailan kantri insait long Saut Pasifik. Bikos Papua Niugini gat planti minerel risos i winim ol arapela liklik ailan kantri insait long Pasifik. Papua Niugini gat timba, gol, kopa, wel, pis na tu ol kes krop olsem kakao, kopi na kopra. Dispela i min olsem gavman bilong mipela i mas i gat inap ol planti mani long yusim long givim sevis i go long ol pipel. Tasol olgeta yia gavman i save tokaut olsem em i sot long inap.

Taim dispela hevi kamap (sot long mani), planti bikipela projek insait logng kantri save pundaun.

Sampela i no save ran gut na karim kaikai. Bikos gavman i nogat inap mani long karim aut wok bilong dispela ol projek. Gavman i nogat mani long kisim ol saveman long ol ovasis kantri i kam insait long Papua Niugini long kirapim, ranim na menesim dispela ol projek. Wanpela bikipela askim i mas stap olsem: Husat i save bungim bikipela hevi taim gavman i sot long mani? Ansa em mipela ol pipel-bikipela tru mipela ol pipel long ples na rurel eria. Mipela i no lukim ol gavman sevis. Nogat gutpela rot, bris, helt sevis, sosel sevis na tu ol arapela sevis.

Gavman i tokaut olsem em i nogat inap mani. Watpo na kantri bilong mipela em i wanpela ris kantri long sait bilong ol risoses na yet gavman i tok em i nogat inap mani? Mani gavman i wok long kisim long ol risoses olsem gol, kopa, wel na timba i go we? I luk olsem mipela i wok long salim nating ol risoses bilong mipela long ol ovasis kantri ya. Ol i kisim ol mit na lusim o givim bek bun i kam long mipela. I luk olsem mipela i wok long lainim yet olsem samting na tu i stap yet long pasin tumbuna. Olsem na ol Saina, Kong Kong, Malesia na ol arapela manmeri bilong ol ovasis kantri i wok long paulim mipela.

Miles Pinis VANIMO

Lukautim ol samting bilong misin

Dia Edita,

Mi no amamas long sampela yangpela manki bilong Mingendi insait long Simbu provins. Dispela ol manki i go insait long skul na haus sik bilong Misin na stilim na bagaapim ol samting.

Sapos mipela ol lain long misin i raunim ol na ol i kisim liklik bagarap, ol save askim mipela long baim ol.

Dispela kain pasin i no stret tru. Na mi askim yupela ol yangpela bilong Mingende long lusim dispela pasin. Maski long singaut long kompens-

esen mani taim yupela i stil na bagarapim ol samting bilong misin.

I moa gutpela sapos yupela ol yangpela manki i go long ples. Na developim ples bilong yupela. Tu, no ken dring ol strongpela dring na kam komplem. Sapos yupela i gat sampela wari, moabeta yupela i kam nating na i no long taim yupela i spak pinis.

Mi askim yupela long lukautim gut ol samting we i kamap long ples bilong yupela.

Nicky Yamo SIMBU

No ken toktok moa long ol memba/minista

Dia Edita,

Mi laik putim givim dispela toksave bilong mi go long olgeta manmeri husat i save raitim pas i go long *Wantok Niuspepa* na komplem long ol memba na minista long provinsal gavman na tu long nesanel gavman.

Ol gutpela bratasusa bilong mi, i luk olsem mipela i save westim taim bilong mipela long westim ol gutpela toktok bilong mipela long komplem long ol

memba bilong mipela. Mi pilim olsem mipela i mas stapim dispela pasin mipela i save mekim long raitim pas na komplem long ol. Bikos ol komplem bilong mipela i save go nating-nogat wanpela gutpela samting i save kamap bihainim ol komplem bilong mipela.

Plantu taim ol manmeri save rait na komplem long memba bilong ol long em i no wokim rot, bris, skul, stretim etpos i klinik na tu planti arapela samting. Mipela i

save komplem tasol dispela ol bikman ya i no save kisim komplem bilong mipela.

Mi yet mi luksave olsem komplem bilong mipela i save popaia nating. Bikos mipela ol manmeri long ples i nogat pawa long mekim wanpela samting. Mipela i nogat pawa long kikim as bilong dispela lain. Taim dispela lain i stilim wanpela vot na kamap bikman, hariap tru ol i kisim haus long siti, statim bisnis na tu ol arapela samting. Husat i givim ol pawa long mekim dispela samting? Mipela ol lain long ples i givim ol. Tasol taim mipela i komplem long ol, ol i no save harim komplem bilong mipela.

Long fran pes bilong *Wantok Niuspepa*, i gat wanpela hap tok i tok olsem: **WANTOK NIUSPEPA-NIUSPEPA BILONG OL PAPUA NIUGINI STRET.** Tasol dispela ol bikman ya i no save baim *Wantok Niuspepa*. Olsem na ol i no save lukim ol komplem, wari na belhevi bilong mipela. Ol i gat wanpela niuspepa bilong ol yet. Nem bilong dispela niuspepa em **SP-BIA BILONG YUMI YET.**

Mipela i ken rait na komplem, autim wari na belhevi bilong mipela. Nogat wanpela samting bai kamap. Bikos ol lain ya i no save tingting long baim *Wantok Niuspepa* na ritim.

Charles Walok LAE

No ken dabolim wok

Dia Edita,

Mi laik komplem long sampela manmeri husat i save mekim tupela wok na kisim tupela potnait.

Mi save lukim sampela man i save wok olsem pablik sevan na bihain long apinun o long wiken ol i go na mekim narapela wok gen.

Mi ting husat kampani o gavman opis i kisim dispela kain man long wok i mas sekim em. Na rausim em long mekim tupela kain wok.

Dispela pasin i no gutpela tru long tingting bilong mipela sampela man. Bikos planti bilong mipela i wok long painim wok i stap. Mipela i hat tru long painim ol kain wok olsem risev plis o welda na kapenta, printing wok na ol arapela moa.

Mi lukim planti opis man o mekenik na printa man long ol bikipela wok i save mekim ol kain pravit wok olsem. Sampela i wok long kampani na gavman pinis orait long nait o wiken ol i werim yunifom bilong plis na wok olsem risev plisman.

Dispela em i no gutpela pasin. Bikos yu wok long pasim spes o wok bilong narapela man husat i hatwok long painim wok.

Plis, husat kampani o gavman opis i save long ol kain man olsem i wok wantaim ol, ol i mas rausim ol na larim ol i mekim wanpela wok tasol.

Gabby Tom BIALLA

Kilim ol posin/sanguma man

Dia Edita,

Mi laikim olsem gavman i mas mekim wanpela samting long ol sanguma na posin man. Bikos planti manmeri na pikinini i dai long han bilong ol dispela lain man nogut.

Mi stap long Tabubil tasol long ples stret bilong mi long Is Sepik, planti pipel i lusim laip bilong ol long pasin bilong posin na sanguma. Planti lain i wanbel long posin man i mas dai tu taim ol i painim aut olsem em i kilim ol arapela manmeri. Sapos ol i sutim tok long man i posinim narapela, no ken putim em long kalabus. Kilim em na pinisim olgeta belhevi.

Amasa Jimmy TABUBIL

Lusim tingting na stail bilong kago kal

Dia Edita,

Mi laik komplem long tupela memba bilong Pomio-Alois Koki na Francis Koimanrea long giaman na grisim ol pipel bilong Pomio long lusim Is Nu Briten provins na kamapim Pomio olsem wanpela provins bilong em yet.

Mi laik tok stret olsem dispela tupela lida ya em ol kago kal lain. Olsem na tupela i wok long giamanim ol pipel bilong Pomio. Kain mauswara o giaman toktok olsem i ken bagarapim tru sindaun bilong ol pipel long ples.

Olgeta taim tupela i save holim ol liklik bung wantaim ol pipel bilong ples na kamapim ol kain tingting olsem long bruk na

lusim Is Nu Briten provins. Na kamapim Pomio olsem wanpela provins bilong em yet.

Mi lukim olsem dispela em pasin bilong ol politiks man. Na i laik mekim long kamapim ol tingting bilong kago kal ol i gat long en.

Tupela i save komplem na tok olsem Is Nu Briten provinsal gavman i no save givim wanpela gutpela helpim i go long ol pipel bilong Pomio distrik. Tasol mi ken lukim klia olsem Is Nu Briten provinsal gavman i no inap long westim taim bilong em wantaim yupela bikos yupela i les lain.

Mi lukim ol manmeri bilong Pomio i save bilip tasol long politiks na kago kal olsem ol

samting bai kamap nating long ol.

Yupela bai komplem olsem na wetim driman bilong yupela long kago kal i stap. Na bai nogat wanpela kaikai bilong wok i kamap long yupela. Gris bilong ol lida bilong yupela tu bai no inap long kamapim wanpela gutpela developmen long Pomio distrik.

Yupela i save les nabaut long wok na sindaun nating tasol. Bikos long dispela as nogat wanpela gutpela developmen bai kamap long Pomio. Yupela i gutpela moa long toktok. Tasol long mekim wok, yupela i nogat tu stret.

Petrus Tonilaun Pomio, RABAU

Luteran Revaivel em wanem kain lotu

Dia Edita,

Mi laik autim wari bilong mi long tripela man husat i bin holim wanpela bikipela lotu/kruset long Kaiapit long las mun.

Dispela tripela man em Jack Bukwa, Imunai Garaina na Tom Saking.

Mi lukim pasin tripela man ya i ronim dispela kruset i no bihainim stret pasin bilong holim kain bikipela lotu bilong ol manmeri.

Ol i kolim nem bilong Luteran Rivaivel na planti manmeri bilong Luteran sios i paul tru. Bikos mipela i no save harim kain nem olsem bipo insait long Luteran sios.

Mi yet i bin pret tru taim tripela man ya i autim tok i go na bihain soim han long ol manmeri na ol manmeri i pundaun i go daun long graun. Bihain ol i karim ol i go long wanpela haus tudak na bungim wanpela man na meri wantaim. Orait ol i givim skul toktok long tupela.

Dispela em i wanpela nupela pasin mipela ol manmeri bilong Luteran sios i no save lukim bipo na mi yet i pret tru long dispela.

Narapela tu em ol manmeri i kalap na danis strong tru olsem ol manmeri save danis long disko ples wantaim ol pawa gita.

Dispela i bringim tingting bilong mi go bek long taim bilong Moses taim em i go long maunten Sinai long kisim 10-pela lo. Na

Aaron i wokim giaman god na ol manmeri mekim bikipela danis tru.

Dispela em i wankain pasin na mi ting dispela tripela lain ya i laik pulim ol manmeri bilong Luteran i go insait long narapela kain lotu we pasin bilong em i narakain olgeta long pasin

bilong lotu stret.

Mi laik mekim dispela tok save i go ples klia long ol manmeri bilong Luteran long no ken kirap no gut long nem Luteran Rivaivel. Na joinim ol bikos pasin bilong lotuim God i no stret long dispela lotu bilong ol.

Sikiat Singayagi Kaiapit.

Ripota egensim pasin nogut

Dia Edita,

Mi laik bekim pas bilong Caspan Vairon bilong Aitape. Pas bilong em i bin kamap long *Wantok Niuspepa* long Jun 30, 1994.

Long dispela pas bilong em, Caspar i bin egensim *Wantok* ripota Godfried Yassafar long ripot bilong em long Godfried Yassafar i save rait na egensim pasin bilong ol plisman na meri long paitim ol manki taim ol i holim ol na kisim i go long rum gad.

Mi laik tokim brata ya Caspar olsem ating yu mekim bikipela rong tru long egensim Mista Yassafar. Bikos mi ting olsem em (Yassafar) i mekim gutpela ripot tru long sampela pasin nogut we i wok long kamap insait long kantri.

Mi ting Yassafar em i wanpela gutpela saveman tu long ol kain pasin bilong lo na oda insait long kantri. Olsem na em i raitim dispela ripot bilong egensim ol kain pasin nogut olsem long sevim lo na oda bilong mipela.

Mi yet i wanpela olupela plisman long taim bilong Australia gavman. Na mi ting planti samting long nau yet i no bihainim gut lo. Ol plisman na meri tu i no klia gut long wok bilong ol long karim aut lo na oda. Olsem na mi tu mi pret long egensim Yassafar. Bikos nogut bai em i daunim mitupela wantaim.

Alphonse Tatak MT HAGEN

Husat i laik salim pas i kam long edita i mas raitim stret nem na salim i kam long dispela adres: Pas i go long Edita, Wantok Niuspepa, P.O.Box 1982, Boroko, NCD.

Wanem as bilong rabisim na bihain kirapim gen Wingti gavman no gutpela

Dia Edita,

Olsem wanpela man na tu sitisen bilong dispela kantri bilong yumi Papua Niugini, mi laik autim wari bilong mi long wanpela samting mi luksave na tu pilim i no stret.

Dispela wari bilong mi toktok long wanpela samting gavman bilong Praim Minista Paias Wingti mekim. Na mi bilip planti pipel bilong Papua Niugini i no amamas long dispela samting.

Taim Rabbie Namaliu i stap praime minista, gavman bilong em i kamapim dispela tingting o plen bilong wokim Poreporena Friwe insait long Pot Mosbi siti. Tasol bihain tasol long 1992 nesanel ileksen na Paias Wingti wantaim Sir Julius Chan i fomim gavman, gavman bilong tupela i rabisim dispela plen bilong olpela gavman. Gavman bilong tupela i tok olsem olpela gavman bilong Rabbie Namaliu i no bihainim stretpela rot long kamapim dispela plen.

Na givim kontrak i go long tupela bikpela ensinering kampani-Kinhill Krammer na Curtain Brothers long wokim dispela friwe.

Wingti/Chan gavman i sutim tok i go long olpela gavman na tok olpela gavman i laik sponem bikpela mani bilong kantri. Ol i tok lain bilong Mista Namaliu i no bihainim lo bilong givim kontrak wok i go long dispela tupela kampani. Wingti/Chan gavman i mekim kain kain toktok na rabisim dispela plen bilong Namaliu gavman long wokim dispela Poreporena Friwe.

Bihainim dispela ol toktok bilong ol, Wingti/Chan gavman i putim kamap wanpela Komisin ov Enkwairi (wok sekap). Astingting em long sekim sapos Mista Namaliu wantaim lain bilong em i kamapim sampela paul na krangi pasin taim ol i kamapim dispela friwe plen. Taim ol i pinisim dispela wok sekap, ol lain husat i karim aut dispela wok sekap i tokaut olsem lain

bilong Mista Namaliu i no bin kamapim sampela paul na krangi pasin taim ol i kamapim dispela plen. Na tu ol i no kamapim sampela paul na krangi pasin long givim kontrak wok i go long Kinhill Krammer na Curtain Brothers. Dispela Komisin ov Enkwairi tokaut olsem lain bilong Namaliu i bihainim stretpela rot long kamapim dispela plen.

Tasol bihain long sampela taim, dispela Wingti/Chan gavman husat i rabisim dispela Poreporena Friwe plen bilong lain bilong Mista Namaliu, i wokim wanpela bikpela politikel disisen long go het na wokim dispela friwe. Praime Minista Paias Wingti tokaut long Palamen olsem gavman bilong em bai go het na wokim dispela friwe.

Taim Wingti/Chan i rabisim dispela plen, Kinhill Krammer na Curtain Brothers i kisim gavman i go long kot long sas bilong brukim kontrak. Dispela tupela

ensinering kampani sasim gavman long baim tupela long brukim kontrak.

I luk olsem Wingti/Chan gavman i no bin tingting gut pastaim na bihain rabisim dispela plen bilong olpela Namaliu gavman. Gavman bilong dispela tupela bikman ya i giman tasol long soim olsem ol i ken ranim dispela kantri long stretpela na gutpela pasin na rot. Na ol i giman tasol long tokim ol pipel bilong Papua Niugini olsem olpela gavman bilong Mista Namaliu i no ranim kantri long stretpela rot na pasin. Na tu i kamapim kain kain paul na krangi pasin.

Olsem wanpela man bilong dispela kantri, mi luksave olsem Praime Minista Wingti wantaim lain bilong em i wok long mekim kain kain samting long soim mipela ol pipel olsem ol i ken ranim dispela kantri gut. Na long wankain taim ol i pulim na grisim ol pipel long

bilip olsem Wingti/Chan gavman i ken stretim olgeta hevi kantri wok long bungim long dispela taim.

Tasol planti pipel i luksave olsem Wingti/Chan i wok long mekim kain kain samting long stap yet long pawa. Maski ol i rong, ol i mekim kain kain samting long karamapim ai bilong mipela ol pipel long luksave long ol rong bilong ol. Tasol dispela ol samting ol i mekim i no pasim ai bilong mipela ol pipel. Mipela i luksave olsem gavman i wok long salim kantri.

Man Ples LAE

Shell Sport program bilong Mosbi tasol

Dia Edita,

Mi laik sapotim pas bilong Tongia Sandos. Pas bilong Tongia i bin kamap long *Wantok Niuspepa* long Jun 30 long dispela yia. Long pas bilong em, Tongia i tok olsem EM TV i save soim ol spot stori bilong Pot Mosbi na tu bilong sampela ol ovasis kantri tasol.

Mi wanpela man husat i save lukim dispela nesanel televisen stesin bilong mipela EM TV. Bihain long nius long olgeta apinun long 6 klok, wanpela program ol i kolim Shell Sports i save kamap.

Insait long dispela program, ol wokmanmeri bilong EM TV i save ritim na tu soim ol spot stori. Orait bikpela belhevi bilong mi olsem watpo na ol i save ritim na soim ol spot stori bilong Pot Mosbi tasol? Sampela taim ol i save ritim na soim ol spot stori bilong ol ovasis kantri. Watpo ol ovasis

Dia Edita,

Mi laik komplem long dispela gavman bilong mipela long nau olsem em i mas lusim sia na givim i go long ol lain oposisen long ranim kantri.

Mi tok olsem bikos gavman bilong Paias Wingti no ranim gut kantri. Planti manmeri long dispela kantri no amamas moa long em wantaim ol kain lo na wok bisnis bilong kantri.

Mipela i save pinis olsem gavman bilong Wingti kamapim planti dinau pinis long ol bikpela beng na kantri long wol. Dispela bai givim hatpela taim tru long bekim.

Mipela i lukim tu olsem Pais Wingti pusim tru planti samting long kamap. Tasol em i no skelim gutpela na nogut bilong en.

Dispela i soim olsem dispela gavman i nogat save long skelim gut samting na mekim. Em i no wari long hevi bai kamap. Em i pusim ol samting long kamap tasol.

Plis, mi ting dispela gavman i mas senis long sevim dispela kantri long kamap gut. Na narapela kantri long wol i no ken kam na ranim ol wok na bisnis bilong PNG.

Oscar Numapo KOKOPO

No ken salim kaikai long ol skul pikinini

Dia Edita,

Mi raitim dispela pas bilong mi long autim wanpela wari bilong mi. Wari bilong mi em long wanpela samting mi lukim sampela mama i wok long mekim insait long Mosbi siti. Tasol mi bilip olsem ol mama insait long ol arapela provins long kantri tu i wok long mekim dispela samting.

Insait long Mosbi siti, mi save lukim ol mama i save kisim ol kaikai bilong stua olsem loli, swit bisket, twistis, hababa na tu ol arapela samting i go na salim long ol skul pikinini.

Ol mama i save kirap long moning tru na kisim dispela ol samting i go na salim i stap long geit bilong skul. Taim ol pikinini i go long skul, ol i save baim dispela ol samting. Long belo, ol mama ya bai kisim dispela ol samting i go bek na salim long ol skul pikinini.

Long nau yet insait long Mosbi siti, dispela pasin bilong salim ol kaikai bilong stua long ol skul pikinini wok long kamap bikpela. Bikpela tru em ol mama i save salim dispela ol kaikai bilong stua long ol komyuniti skul pikinini. Sapos wanpela man o meri go raun long ol komyuniti skul insait long Mosbi siti, tupela aim bilong em bai no inap abrus long lukim ol mama i salim ol

kaikai bilong stua long ol skul pikinini ausait tasol long geit bilong skul.

Mi lukim dispela pasin i go na mi pilim olsem em i no gutpela tumas. Bikos dispela pasin ol mama i wokim i ken kamapim hevi long famili bilong ol pikinini husat i save baim dispela ol kaikai. Eksampel-olgeta moning wanpela skul pikinini bai askim papamama bilong em long givim em mani. Sapos tupela i no givim em mani, em

bai krai i go inap tupela givim em sampela mani. Sampela taim tu, wanpela pikinini bai no inap kaikai mama bilong em i kukim. Em bai go nating long skul na baim dispela ol mama i salim. Wanpela arapela hevi ken kamap em sapos wanpela pikinini askim papamama bilong em long mani na tupela i no givim em, em bai stat long stilim mani bilong tupela.

Mi laikim olsem het-

masta bilong wan wan komyuniti skul insait long Mosbi siti mas opim maus bilong ol na toktok long dispela samting. Na bringim dispela samting i go long ol atoriti long Edukesen dipatmen na tu long Nesanel Kapitel Distrik Komisin. Na ol i ken putim kamap wanpela bikpela lo long stapim ol mama long salim kaikai bilong stua long ol skul pikinini.

Mino Amamas Gerehu, MOSBI

Skelim gut samting na komplem

Dia Edita,

Mi laik bekim pas bilong Veronica Warapa i bin kamap long *Wantok Niuspepa* long Epril 28. Susa ya i toktok long ol Mosa sekyuriti man na ol mobail skwat plisman long Wes Nu Briten provins.

Mi tokim yu susa, wok bilong ol lain Mosa sekyuriti na ol plisman em i wankain tasol. Ol i bihainim wankain disiplin long wok bilong ol. Tasol ol mobail skwat em ol sekyuriti bilong gavman na Mosa

sekyuriti em i wanpela praiwet kampani.

Susa dispela Mosa sekyuriti man yu toktok long em i putim yunifom bilong ol mobail skwat lain na sanap long dua bilong stua. Ating yu mas mekim mistek taim em i putim blupela yunifom bilong Mosa yet we klostu luk wankain long yunifom bilong ol mobail plisman.

Ating yu no go long skul. Sapos yu bin go long skul, yu inap save long mining bilong wok sekyuriti na wanem

wok tru em ol lain sekyuriti i save mekim long en.

Long pasin bilong disiplin em samting bilong olgeta manmeri na pikinini. Yumi olgeta i mas gat disiplin long stiaim yumi long gutpela rot.

Mi askim susa ya long go bek long skul na bihain em i ken raitim pas i kam long *Wantok Niuspepa* long pablik i ritim ol tingting bilong em.

Nelson Jay LAE

Mi painim kasen bilong mi

Dia Edita,

Mi wanpela manki long Menyama na mi stap long Kaundi Tisa Koles long Wewak. Mi raitim dispela pas long olgeta pablik manmeri long helpim mi long painim

kasen susa bilong mi. Long 1978, em i bin martim wanpela SDA pasto bilong Popondeta taim em i go wok pasto long hap bilong mipela long Menyama, Morobe

provins. Tupela i bin lusim Menyama na go long Mosbi. Tasol bihain mipela harim olsem pasto ya i lusim susa ya na susa ya i stap nating lona Mosbi.

kantri?

Mipela ol manmeri husat i save lukim EM TV i les pinis long dispela pasin. Olgeta taim long dispela program bilong Shell Sports, ol samting bilong Pot Mosbi tasol i save kamap. Wankain tu long oo nius stori. Olsem wanem-dispela televisen stesin i bilong Pot Mosbi tasol o bilong olgeta hap bilong kantri? Olgeta samting long sait bilong Mosbi tasol. Wanem ol manmeri insait long Mosbi siti tasol i save lukim EM TV na olgeta samting long Mosbi siti tasol? Sapos nogat orait ol manmeri long Mosbi tasol i save pilai ol spot?

EM TV, sapos yupela i no save orait bai mi tokim yupela wanpela samting. Dispela samting i olsem-ol manmeri long Wewak i save pilai soka, volibal na basketbal, ol meri long Goroka i save pilai net-

bal na tenis, ol man long Vanimo na Rabaul i save pilai ragbi na ol yangpela na marit man long Madang tu i save brukim bun long soka. Traim na kisim stori bilong dispela lain tu na putim long dispela Shell Sports program. Ating mipela i mas nogut gen ya. Olsem na yupela i les long putim stori bilong mipela.

Sapos yupela i tok olsem EM TV em i wanpela nesanel televisen stesin, ol spot stori mas kam long olgeta provins o senta-Wewak, Enga, Mendi, Kerema, Manus na tu ol arapela senta. Maski long Mosbi tasol. Yupela promotim Mosbi siti go na bai inap long wanem hap? Ol meri insait long siti tasol i save long pilai netbal? Man, ol meri Manus tu i save pilai netbal ya.

Siro Meltie Bulolo, LAE

Gavman mas luksave long wari/belpen

Dia Edita,

Mi laik sapotim pas bilong Anna Drong i bin kamap long *Wantok Niuspepa* long Julai 4 long dispela yia. Long pas bilong em, susa ya i toktok long bikpela hevi long Bogenvil. Na tu em i toktok long planti soldia i lusim pinis laip bilong ol bihainim dispela hevi.

Mi meri bilong wanpela soldia. Na mi no wanbel long planti soldia i lusim pinis laip bilong ol taim dispela hevi long Bogenvil i stat i kam inap long dispela yia. Bikos long dispela as, mi save wari tru long man bilong mi taim em i save lusim mi wantaim ol pikinini bilong mitupela na i go long Bogenvil. Mi save wari

tru long em na tingting planti. Dispela long wanem mi no save em bai dai o em bai stap laip yet.

Em i taim nau gavman bilong kantri bilong mipela i mas daunim na pinisim dispela hevi olgeta. Gavman i no ken westim taim long paitim toktok wantaim ol bikman bilong Bogenvil Revoluseneri Ami (BRA) olsem Francis Ona, Sam Kauona na Joseph Kabui. Gavman i mas luksave long wari, belpen na hevi dispela hevi long Bogenvil i kamapim pinis na tu i wok long kamapim. Planti meri, pikinini na tu ol papamama i stap wantaim bikpela wari na belpen bikos pikinini, man o ankol bilong ol i lusim laip bilong em pinis.

Sapos man bilong mi dai, mi no laikim ol bikman bilong Difens Fos na tu ol bikman bilong gavman i salim toksori bilong ol i kam long mi wantaim ol pikinini. Sapos ol i givim toksori long dai bilong man bilong mi, em ol i westim taim na mani bilong ol. Bikos em i dai pinis na dispela toksori bilong ol i no inap kirapim em gen.

Man bilong mi, em i go stap long dispela trabel ailan longpela taim tru nau na mi wantaim ol pikinini no lukim pes bilong em. Olsem wanem-em bai kisim sampela kain malolo na lusim dispela trabel ailan Bogenvil o nogat. Sapos nogat orait watpo?

Christina Akrum Bulolo, LAE

Islands Nationair wok 10-pela yia nau long PNG

STORI BILONG KAMPANI

ISLANDS Helicopter Services Pty Ltd i wok aninit nau long nem ISLANDS NATIONAIR. Ol Papua Niugini stret i papa long Islands Nationair. Dispela balus kampani i kisim tokorait pepa bilong wok bisnis long 1984, na Sir Julius Chan em bikpela siaholda long

kampani.

1994 em namba 10 yia bilong kampani long stap long bisnis. Kampani i stat wokim bisnis wantaim wanpela helikopta. Na nau em i gat 8-pela helikopta na 13 liklik balus.

I no longtaim i go pinis, kampani mekim sampela bikpela senis

long groa bikpela. Dispela senis em long tekova long Stolip Aviation Pty Ltd, husat i wok i bin wokim bisnis aninit long nem NATIONAIR. Dispela senis i mekim na kampani i kisim moa balus na helikopta. Na tu kamapim bikpela bisnis wk long Mosbi, na i go long ol arapela rijon bilong Papua Niugini.

Insait long dispela senis, kampani i gat

bikpela woksop o hanga wantaim opis na samting bilong givim sevis long ol bikman na meri (VIP).

Ol wok bilong helikopta

Wok i stat long Ogas 1984, wantaim wanpela wan Bell 4-pasindia JetRanger. Kampani stat wok long ol jada sevis long Niugini Ailan rijon. Na tu i bin

wok long ol namba wan wok sekap na stadi long Lihir Gol main projek long Nu Ailan provins.

Long 1985, Islands Nationair em namba wan balus kampani long baim wanpela Bell 6-pasindia Longranger helikopta i kam insait long kantri. Helikopta ya i gat planti pasindia sia. Na tu i ken apim ol kago. Dispela i soim olsem helikopta ya i

gutpela long wok insait long PNG. Nau yet kampani i gat 8-pela bilong ol dispela kain helikopta.

Long 1988, Islands Nationair wok long sampela kampani husat i kam painim wel insait long kantri. Na tu ol wok bilong stadi long ol eria i gat bikpela guria.

Long Ogas 1990, kampani i pinisim kontrak bilong stadi long ol eria i gat guria. Dispela em i wanpela kontrak insait long kantri em nogat wanpela helikopta kampani i mekim, na i karim gutpela kaikai.

Insait long dispela kontrak, tripela helikopta i wok long Striklen Riva eria bilong West-en Provins. Ol helikopta ya i wok long SSL-Pecten Group. Na long tu na hap yia, ol helikopta i flai long 7,500 aua olgeta we nogat birua i kamap. Dispela i strongim o soim olsem Islands Nationair i gat gutpela nem long sapotim ol kampani bilong painim wel na ges ong bihasn taim.

Wantaim dispela gutpela nem, Carson Pratt Group i yusim ol helikopta (husat i bin wok aninit long SSL-Pecten kontrak) long mekim sampela sapot wok bilong Command Petroleum na Mobil long ol wel fil insait long Sauten Hailans provins.

Nau yet tupela helikopta i stap long Mendi, Sauten Hailans provins, tupela long Lae, Morobe provins, wanpela long Hagen, na wanpela long Rabaul, Is Nu Briten provins. Taim i gat wok long ol narapela hap, kampani save tilim ol helikopta.

Wok bilong ol balus

Muv bilong kampani long yusim ol balus long bisnis wok i stat long 1988. Long pinis bilong sem yia, Islands i stretim wanpela Briten Norman Islander balus, na tu i baim wanpela Cessna 206 balus. Tupela balus em kampani i yusim long ol liklik jada wok. Na tu long karim ol pailot na ensinia long ol eria we helikopta i wok long en. Dispela i helpim long pinisim hariap ol mentenens wok.

Long 1990, kampani tokorait na mekim bikpela senis, na stat long karim pasindia. Kampani i kisim namba tu Norman Islander balus, wanpela Twin Otter Series 300 balus, na wanpela Beechcraft Baron balus. Ol namba

wan hap ol balus i stat long ran em Is na Wes Nu Briten provins, Nu Ailan provins na ol liklik ailan bilong en, wantaim Not Solomon provins.

Long Desemba 1991, kampani i baim namba tu Twin Otter balus. Bikos sevis i go bikpela. Sevis i groa bikpela moa na kampani i baim namba 3 Otter balus long Epril 1993 wantaim wanpela KingAir balus long mun Me, na narapela KingAir long pinis bilong sem yia.

Nau yet kampani kisim pinis tripela moa balus. Bikos jada wok bilong kampani i go bikpela.

Taim Islands Nationair stat long karim ol pasindia, em i bin daunim prais bilong tiket i go daun long 30 pesen. Long Rabaul i go long Namatanai em K30 long wanpela we. Dispela em i liklik prais tu insait long Papua Niugini.

Bikos long bikpela askim bilong ol kastoma, Islands Nationair plen long yusim ol nupela taimtebol long seviim 38 ples balus insait long ol dispela provins:

- Is na Wes Nu Briten;
- Nu Ailan
- Not Solomons;
- Morobe;
- Isten Hailans;
- Westen Hailans;
- Oro;
- na Milen Be provins.

Jada ran i save go long olgeta eria bilong PNG, wantaim Irian Jaya.

Long Mas 1989, kampani i stap long mekim ol ausait wok. Bikos em yet i gat planti wok bilong mekim.

Lae ples balus i bin pas na olgeta wok i go long Nadzab ples balus. Orait olgeta wok bilong kampani long hap i go long Rabaul we ol i kirapim wanpela bikpela woksop.

Dispela woksop i ken mekim ol liklik na bikpela mentenens wok bilong helikopta na balus wantaim. Woksop o hanga ya i gat edministresen opis, opis bilong ol sief pailot, sten bai rum bilong ol pailot, rum bilong ol pasindia long wet, na ples bilong ol pasindia long kisim kago.

Long 1993, kampani i tekova long NATIONAIR na ol samting bilong em. Olsem na nau, Islands Nationair i gat wanpela ensiniaring haus ong Mosbi.

Long 1994, kampani i plenim long mekim dispela hanga long Jacksons ples balus i go moa gutpela. Wok i go moa long pes 17



10 Year Anniversary For Islands Helicopter Service Pty. Ltd.

COME & JOIN THE CELEBRATION!
25% DISCOUNT for passengers paying cash from the
 1st through to 6th August 1994.
(Not valid for students or children under 12 years old.)

TICKET DRAW- Travellers from 25th July, 1994 to 30th August could win cash prizes

1 ST PRIZE K500.00
2ND PRIZE K300.00
3RD PRIZE K200.00

10 CONSOLATION PRIZES K100.00 EACH

NOTES:

1. Islands Aviation Ticket butt must have travel dates between 25/07 and 30/08/94.
2. Put your name, address and contact number on the back of the ticket.
3. Submit your entries at any Islands location.
4. Prizes will be drawn on 31st August at Islands Aviation Head Office, Rabaul.
5. Winners will be advertised in The National / Post-Courier.
6. Islands staff and agents are not eligible to enter competition.

Phone: 92 3500 For Reservations

Rabaul Park St. Office 92 2550 Fax: 92 2812 Airport Charters 92 2900 Fax: 92 2812

Port Moresby Charters/ Reservations Phone: 25 4055/ 25 4266 Fax: 25 5059



Olsem Wanem Na Makam Veli I Gat Planti Wel Pik



LONG bipo bipo tru i gat wanpela man i stap long maunten ol i kolim Netine. Nem bilong man ya em Miluno. I gat planti abus i pulap tru long dispela maunten.

Man yai i no gat maus. Maus bilong em i stap antap long het bilong em. Na dua bilong haus bilong em tu i stap antap long rup bilong haus.

Wanpela taim, wanpela man i stap long maunten Sunivi na em i lukluk i go antap long maunten Netine. Na em i lukim man ya long Netine i wok long kukim kaikai na smuk bilong paia i go antap tru long maunten. Dispela man bilong Sunivi, nem bilong em Komogofafe.

Komogofafe i kirap na i go long lukim wanem ma tru i wokim paia na

smok i wok long go antap long maunten. Komogofafe i kisim pikinini pik, dok, na sampela kaikai na i wokabout i go, i go na em i go kamap klostu long haus bilong Miluno. Na em i smelim sampela kaikai.

Miluno i save kaikai abus tasol em i no save tromoi ol bun i go ausait. Em i save putim tasol i stap insait long haus. Komogofafe i go klostu tru na em i lukluk long dispela haus na i go gat man i stap long haus.

Na em i lukim haus tu i no gat dua na em i painim dua i go na bel bilong em i hat tru. Orait, em i sindaun long graun i stap inap samting olsem 2 awa.

Bihain em i lukluk i go antap long haus na em i lukim wanpela stik i hangamap i kam daun

long ruf bilong haus. Na em i go antap long stik na rausim diwai na taim em i lukluk i go insait man, bun bilong ol abus i no pilai pilai. Pipia nating stret.

Miluni i no stap long haus bilong em. Em i go long bus long painim abus. Orait Komogofafe i go insait long haus bilong Miluno na mekim save long kaikai ol abus i stap.

Long taim Miluno i kam longwe yet, em i smelim pinis man i stap insait long haus bilong em. Na em i kam hariap tasol na tromoi ol kaikai i stap na em i go antap long lata.

Em i rausim diwai na lukluk i go daun an lukim Komogofafe i stap insait long haus bilong em. Komogofafe i sindaun gut i stap na bihain em i tanim lukluk i go antap em i lukim Miluno i kam daun long lata. Miluno i kam daun na tupela i stat long pait.

Tupela i pait i go, i kam na Komogofafe i wok long toktok i go long Miluno. Tasol Miluno i no bekim. Em i pasim maus i stap. Nau tupela i sotwin na ol i pait moa.

Tupela i stap gut inap

wanpela wik. Na wanpela taim Komogofafe i wokim naip long mambu. Nem em i kisim lip bilong kumu ol i kolim Kifinae na em i kam haitim i stap.

Wanpela moning tupela i kukim na kaikai pinis na Komogofafe i mekim wanpela giaman stori. Miluno i laik lap and hap maus bilong em i mov liklik. Tasol maus tru i stap antap long het bilong em. Tupela i slip na long biknait, Komogofafe i kisim mambu nap na lip knifinae na em i holim pasim Miluno na katim maus bilong em stret. Miluno i kirap nogut na holim Komogofafe na paitim em. Tasol Komogofafe i mekim save long katim maus bilong em. Em i katim pinis na Miluno i gat maus nau na tupela i stap wantaim long dispela ples.

Wanpela taim Miluni i salim Komogofafei go daun long wara Bafo long katim suga. Tasol Komogofafe i go na em i singaut na tok, Miluno, Miluno yu tok yu taitim long wanem diwai?" Na Miluni i stok mi planim suga long Komogofafe na singaut na tok, yu tok gen. Na em i tok, "Mi pasim

long Komogofafe." Man ya i harim olsem Miluno kolim nem bilong em, Komogofafe, na em i belhat nogut tru. na em i no katim suga, em i go bek nating.

Em i go long haus na askim Miluno, "Yu tok wanem na mi kam bek gen." Na Miluni i tok, "Mi no mekim tok nogut. Em mi toktok tasol na bilong wanem na yu belhat. Nat Komogofafe i tok, "Mi katim maus bilong yu na nau yu toktok na yu laik hambakim mi."

Em i tok olsem na tupela i pait nogut tru. Na paia i kukim haus bilong tupela na ol i pait i go i go, abrusim namba wan maunten i go long namba tu maunten. Na long namel stret tupela i sot win olgeta.

Na bihain tupela i sori gen na tupela i krai nogut tru na i tok, "Mitupela i no stap wantaim ol man. Mitupela yet, na em asua bilong mitupela. Na tupela i go tanim olsem wel pik long Makam Veli. Olsem nau wel pik i pulap tru long Makam Veli.

Itoto Jumao, Kesavaka Viles, Heganofi, EHP.



■ Nem bilong meri bilong Kanage em Hanga. Wanpela taim Hanga kalap long MV Momase na go long Madang. Taim sip i go kamap long Madang, kepten bilong sip i lukim olsem bris i pulap long sip. Em nau em i tokim ol pasindia olsem ol bai go aut long Kranget ailan na tromoi anga bilong sip na wet inap bris i klia nau ol bai go insait long bris. Taim meri bilong Kanage i harim kepten bilong sip i tok olsem em i kirap na tok strong tru olsem: Husat i tok olsem. Hanga i baim sip olsem na Hanga bai stap yet antap long sip. Kepten bilong sip i kisim sip i go aut long Kranget ailan na tokim ol boskru long tromoi anga i go daun long solwara. Meri bilong Kanage harim olsem na em i kros olgeta na kirap singaut: Mi tokim yupela pinis ya. Hanga baim sip olsem na Hanga bai no inap go daun long solwara. Em bai stap yet antap long sip. I no longtaim na wanpela boskru bilong sip i wokabout i go olsem long ples meri bilong Kanage i sanap i stap. Boskru ya i laik tromoi anga bilong sip i go daun long solwara. Taim meri bilong Kanage i lukim boskru ya wokabout i kam, em kirap krai na tokim em olsem: Plis brata, mi baim sip pinis long Wewak ya. No ken tromoi mi go daun long solwara.

Peter Jeromex
WEWAK

□ Kanage wok long Ok Tedi Main na em i gat wanpela poroman nem bilong Konman. Wanpela taim Kanage wantaim Konman nek drai stret long dring bia na i go baim wanpela katen bia. Tupela baim na kisim i go na sindaun arere long war Ok Tedi na mekim-save i stap. Tupela dring i go na spak na stat long mekim kain kain toktok. Taim Kanage mekim wanpela stori, Konman bai kirap na tok: Turu iee, turu iee. Mekim i go na Kanage les olgeta long harim Konman i wok long mekim dispela hap tok. Em nau Kanage kisim wanpela tingting na kirap tokim Konman olsem: Mitupela dring arere long wara Ok Tedi na gutpela kolwin tru i wok long kam. Tasol sapos mi sanap long bek-sait bilong yu, ating yu bai kisim gutpela filings stret ya. Konman i no harim gut na tu i no kisim mining bilong toktok bilong Kanage na kirap tok: Turu iee, em bai naispela stret ya. Taim Kanage harim Konman i tok olsem, em i trautil olgeta bia i kam ausait.

Jay Tee
TABUBIL

■ Kanage em i lida bilong wanpela raskol geng long Is Sepik provins. Em i wanpela bikhet man tru na olgeta pipel long Wewak taun i save pret nogut tru long em. Wanpela taim em i kisim ol raskol manki na ol i go blokim rot long Yangoru haiwe na hensapim wanpela PMV ka. Sem taim wanpela haiwe patrol plis ka i kam kamap. Na ol ol plisman i sutim Kanage long sot gan na em i dai. Em nau ol lain bilong em i krai long bodi bilong em i go tulai na kiim i go long matmat long planim. Ol i go kamap long matmat na askim kandre bilong Kanage Eganak long beten. Eganak kirap na tokim ol manmeri long pasin ai na em bai beten. Ol i pasim ai na Eganak i beten olsem: Papa God, yu yet save olsem Kanage em i wanpela bikhet man. Na em i bagarapim sindaun bilong mipela ol pipel bilong Is Sepik. Nau mipela i salim em i kam antap long yu. Sapos em i bikhet na bagarapim sindaun bilong yupela long antap, salim em i kam daun long hia na mipela ol Sepik yet bai mekim save long em.

Fada Kanage
Dog Street, GOROKA

Islands Nationair wok 10-pela yia nau long PNG

i kam long pes 16 bilong olgeta helikopta wantaim ol KingAir balus enjinia wok bai Mosbi i lukautim. Hanga long Rabaul bai lukautim yet ol balus long hap.

Kampani i gat wanpela liklik hanga tu long Mendi. Na tu i gat wanpela long Hagen we em i yusim long lis.

Ol opis bilong kampani

Nau yet kampani i gat ol opis long Rabaul, Mosbi, Lae, Mendi, Kimbe, Buka na Hagen.

Wokman

Islands Nationair nau i gat moa long 130 wokman. Ol Papua


Niugini wokman na meri stret i wok olsem senis pilot, midel menesmen, risevesen, tiketing opisa na enjinia o mekanik.

Kepten Tony Skelton em genel menesa bilong kampani. Em i bin Sief Pilot bilong Talair long bipo. Na joinim Islands Nationair long 1990. Jeffrey

Dunn em Operesens Menesa.

Ol plen bilong bihan taim

Tenpela yia bihain long wok i go bikpela, Islands Nationair i amamas long plen na gutpela groa bilong em. Kampani lukluk i go bek long ol yia, na makim gutpela sevis



• Poto i soim wanpela balus bilong Islands Nationair.



PABLIK NOTIS

Sapos yu laik advertais, telephon 25 2500 na askim long

Ph: Miri Aiori Ext. 203
Jeffrey Maliou Ext. 216
Joe Naime Ext. 232

PAUL PARAKA LAWYERS

PAUL PARAKA, LLB, LLM.

olpela tisa bilong Lo, long Yunivesiti bilong PNG na
olpela Het Loya bilong Nesenel Kapitel Distrik Komisen
i stat pinis long wok olsem Praivet Loya long Jun 1, 1994 olsem

PAUL PARAKA LAWYERS

Adres na ol telipon namba i stap olsem:
PAUL PARAKA LAWYERS
RURAL DEVELOPMENT BANK BUILDING
FIRST FLOOR
HUBERT MURRAY DRIVE
BOROKO

P O BOX 499
WAIGANI, POST OFFICE
WAIGANI
NATIONAL CAPITAL DISTRICT

TELIPON NAMBA : 23 1256
FACSIMILE: 23 1823

FRI BAIBEL KOS YU KEN KISIM SKUL LONG SALIM PAS

Salim num na edres long:
WORLD BIBLE SCHOOL, Dept. PNG4
P.O. Box 9346, Austin, TX 78766 USA



**PEPA BILONG
MUN JULY
I REDI NAU
LONG OLGETA
HAP BILONG PNG.**

Ph: 25 2500

PABLIK NOTIS

PNG Cocoa & Coconut Research Institute i laik toksave long olgeta kastoma olsem Tavilo Plantessin i no yusim moa Pos Opis Box 1742 Rabaul.

Sapos yupela laik salim pas i go long Tavilo Plantessin, plis salim i go long Institut Dairekta, PNG Cocoa & Coconut Research Institute, P.O Box 1846, Rabaul.



Kopi Industri Kopresen (Statutory Functions and Powers) Act 1991

Kopi Industri Kopresen laik toksave olsem em i gat pawa aninit long CIC Ek 1991 long stapim ol man i laik salim o baim kopi bin long we i no bihainim Minimum Kwality Stended. Ol dispela stended i stap long aninit.

Minimum Kwality Stended bilong salim na baim kopi

1. Ol kopi bin bilong salim o baim mas i nogat ol dispela samting:
 - (a) ol kopi bin we i mau nogut tru na i sting, o i blak na braun long kala; o
 - (b) moa long tripela kopi bin long olgeta 100 we i grin long kala; o
 - (c) ol pipia nabaut olsem stik na ston.
2. Ol drai kopi bilong salim o baim mas i nogat pipia na:
 - (a) moa long 70 nogut kopi insait long olgeta 100 grem; o
 - (b) wet we i ken bagarapim kopi.
3. Ol Grin kala Kopi Bin bilong salim long ovasis i mas redi bihainim Papua Niugini Stended Namba: PNGS 1626 - Grin Kopi.

Man husat i no bihainim dispela notis i brukim lo aninit long Seksen 6(2) bilong Ek, na i ken bungim mekimsave bilong lo o baim fain.

Toksave i kam wantaim tokorait bilong:

Ron Ganarafa
Sief Eksekutiv Opisa

ADVERTISEMENT

ELECTORAL COMMISSION



INDIPENDEN STET BILONG PAPUA NIUGINI

MORobe PROVINS

Provinsal Ileksens Ek 1979

RIT BILONG KARIMAUT ILEKSEN LONG WANPELA MEMBA BILONG MORobe PROVINSAL ASEMBLI LONG KISIM SIA I NOGAT MEMBA NAU.

To: Kala Rawall Ahl Ritening Opisa bilong Konstituensi

Halo:

Dispela em long tokim yu long ileksen em bai kamap bihainim Lo long Wanpela Memba bilong Morobe Provinsal Asembli long makim sia bilong Ahl Konstituensi insait long Provinsal Asembli, na Mi makim ol dispela de bilong ileksen:

1. Nominesen - Ogas 12, 1994.
2. Namba wan de bilong ileksen insait long Konstituensi - Septemba 2, 1994.
3. Las de bilong ileksen insait long Konstituensi - Septemba 9, 1994.
4. Rit bai go bek - Septemba 15, 1994.

Mi kisim long Mosbi, long Julai 28, 1994.

REUBEN T. KAIULO, MBE
ILEKTOREL KOMISINA

INDIPENDEN STET BILONG PAPUA NIUGINI

MORobe PROVINS

Provinsal Ileksens Ek 1979

RIT BILONG KARIMAUT ILEKSEN LONG WANPELA MEMBA BILONG MORobe PROVINSAL ASEMBLI LONG KISIM SIA I NOGAT MEMBA NAU.

To: Kala Rawall Kotte Ritening Opisa bilong Konstituensi

Halo:

Dispela em long tokim yu long ileksen em bai kamap bihainim Lo long Wanpela Memba bilong Morobe Provinsal Asembli long makim sia bilong Kotte Konstituensi insait long Provinsal Asembli, na Mi makim ol dispela de bilong ileksen:

1. Nominesen - Ogas 12, 1994.
2. Namba wan de bilong ileksen insait long Konstituensi - Septemba 2, 1994.
3. Las de bilong ileksen insait long Konstituensi - Septemba 9, 1994.
4. Rit bai go bek - Septemba 15, 1994.

Mi kisim long Mosbi, long Julai 28, 1994.

REUBEN T. KAIULO, MBE
ILEKTOREL KOMISINA



INDIPENDEN STET BILONG PAPUA NIUGINI

MORobe PROVINS

Provinsal Ileksens Ek 1979

RIT BILONG KARIMAUT ILEKSEN LONG WANPELA MEMBA BILONG MORobe PROVINSAL ASEMBLI LONG KISIM SIA I NOGAT MEMBA NAU.

To: Kala Rawall Mongi Ritening Opisa bilong Konstituensi

Halo:

Dispela em long tokim yu long ileksen em bai kamap bihainim Lo long Wanpela Memba bilong Morobe Provinsal Asembli long makim sia bilong Mongi Konstituensi insait long Provinsal Asembli, na Mi makim ol dispela de bilong ileksen:

1. Nominesen - Ogas 12, 1994.
2. Namba wan de bilong ileksen insait long Konstituensi - Septemba 2, 1994.
3. Las de bilong ileksen insait long Konstituensi - Septemba 9, 1994.
4. Rit bai go bek - Septemba 15, 1994.

Mi kisim long Mosbi, long Julai 28, 1994.

REUBEN T. KAIULO, MBE
ILEKTOREL KOMISINA

INDIPENDEN STET BILONG PAPUA NIUGINI

MORobe PROVINS

Provinsal Ileksens Ek 1979

RIT BILONG KARIMAUT ILEKSEN LONG WANPELA MEMBA BILONG MORobe PROVINSAL ASEMBLI LONG KISIM SIA I NOGAT MEMBA NAU.

To: Kala Rawall Morobe Ritening Opisa bilong Konstituensi

Halo:

Dispela em long tokim yu long ileksen em bai kamap bihainim Lo long Wanpela Memba bilong Morobe Provinsal Asembli long makim sia bilong Morobe Konstituensi insait long Provinsal Asembli, na Mi makim ol dispela de bilong ileksen:

1. Nominesen - Ogas 12, 1994.
2. Namba wan de bilong ileksen insait long Konstituensi - Septemba 2, 1994.
3. Las de bilong ileksen insait long Konstituensi - Septemba 9, 1994.
4. Rit bai go bek - Septemba 15, 1994.

Mi kisim long Mosbi, long Julai 28, 1994.

REUBEN T. KAIULO, MBE
ILEKTOREL KOMISINA



INDIPENDEN STET BILONG PAPUA NIUGINI

MORobe PROVINS

Provinsal Ileksens Ek 1979

RIT BILONG KARIMAUT ILEKSEN LONG WANPELA MEMBA BILONG MORobe PROVINSAL ASEMBLI LONG KISIM SIA I NOGAT MEMBA NAU.

To: Kala Rawall Sabmanga Ritening Opisa bilong Konstituensi

Halo:

Dispela em long tokim yu long ileksen em bai kamap bihainim Lo long Wanpela Memba bilong Morobe Provinsal Asembli long makim sia bilong Sabmanga Konstituensi insait long Provinsal Asembli, na Mi makim ol dispela de bilong ileksen:

1. Nominesen - Ogas 12, 1994.
2. Namba wan de bilong ileksen insait long Konstituensi - Septemba 2, 1994.
3. Las de bilong ileksen insait long Konstituensi - Septemba 9, 1994.
4. Rit bai go bek - Septemba 15, 1994.

Mi kisim long Mosbi, long Julai 28, 1994.

REUBEN T. KAIULO, MBE
ILEKTOREL KOMISINA

INDIPENDEN STET BILONG PAPUA NIUGINI

MORobe PROVINS

Provinsal Ileksens Ek 1979

RIT BILONG KARIMAUT ILEKSEN LONG WANPELA MEMBA BILONG MORobe PROVINSAL ASEMBLI LONG KISIM SIA I NOGAT MEMBA NAU.

To: Kala Rawall Yabim-Mape Ritening Opisa bilong Konstituensi

Halo:

Dispela em long tokim yu long ileksen em bai kamap bihainim Lo long Wanpela Memba bilong Morobe Provinsal Asembli long makim sia bilong Yabim-Mape Konstituensi insait long Provinsal Asembli, na Mi makim ol dispela de bilong ileksen:

1. Nominesen - Ogas 12, 1994.
2. Namba wan de bilong ileksen insait long Konstituensi - Septemba 2, 1994.
3. Las de bilong ileksen insait long Konstituensi - Septemba 9, 1994.
4. Rit bai go bek - Septemba 15, 1994.

Mi kisim long Mosbi, long Julai 28, 1994.

REUBEN T. KAIULO, MBE
ILEKTOREL KOMISINA



CONSTITUTIONAL COMMISSION

PRESS STATEMENT

Nesenel primia konfrens em bikpela bung tru insait long kantri we i save kamap olgeta yia na olgeta primia wantaim ol nesenel memba bilong palamen i save bung long toktok long ol hevi bilong provins.

Lukluk bilong dispela bung bilong nesenel primia i no gut-pela bikos ol i no larim Konstitusenel Rivi Komisin long stap insait long dispela 16 Nesenel Primia Kaunsel Konfrens.

Ol i ken abrusim mi long dispela kibung tasol mi bai soim sapot na rispek bilong mi yet long dispela konfrens bilong ol primia.

Sapos sampela samting i kamap, mi laik tok olsem sampela man i bin mekim ol rong toktok na Komisin i no bin kamap long dispela kibung. Dispela i no wok bilong mi o ol lain Komisin long mekim dispela na kibung ya long Milen Be provins i no bin pinis gut.

Minista bilong Provinsel Afes na Viles Sevises, John Nilkare i bin salim pas long Julai 12 na askim Komisin long kamap long dispela konfrens. Ol i skruim taim long dispela konfrens bai kamap long Julai 28-29 long Fonde na Fraide.

Long Trinde Julai 27, Komisin i stretim ol balus tiket na ples bilong slip long Diputi Siaman bilong Komisin, Bernard Narokobi, MP Hon Moi Avei MP na Hon Vincent Auali MP long go long kibung ya. Tasol long bihainim lo, Komisin i no inap long go long dispela kibung.

Sapos i gat ol politikel problem i kamap long ol primia na Eksekutiv Gavman, dispela i no rong bilong Komisin bikos long konfrens ya i no bin kamap gut.

Sampela lain i tok komisin i laik kamapim ol kain rot bilong brukim ol provins nabaut. Dispela em ol toktok bilong ol primia.

Mipela askim ol dispela lida long lusim dispela kain tingting na bungim tingting wantaim long kamapim dispela senis long gutpela rot na pasin.

Ol i mas tokaut klia long wanem hap bilong dispela nupela lo we i gat hevi long pasin bilong skelim pawa na wok bung wantaim namel long nesenel na long ol provins.

Sapos no gat, ol i mas stap isi na no ken giaman pusim bel na tingting bilong ol nesenel palamen memba long ol kain tingting bilong brukim ol provins i go hap hap bikos ol dispela kain tingting i bilong ol liklik lain grup tasol.

Ripot bilong ol primia i soim olsem ol i no ritim gut dispela ripot bilong senis long lo bilong provinsel gavman. Sampela i ritim na klia tasol ol i kamapim arapela kain tingting long pasim rot bilong dispela senis.

Sapos wanpela primia i no klia gut long ol samting i stap insait long dispela ripot, ol i mas toktok wantaim dipatmenel het bilong ol na askim ol long ritim gut na tokim ol moa long dispela samting. Ol i mas traim na kisim gut tingting long wanem senis bai i kamap long wok bilong lejislesen, fainens, edministresen na wok politiks insait long ol provins.

Ating ol primia i no traim long glasim o ritim gut ol dispela ripot olsem na ol i no klia yet.

Komisin i tromoi bikpela mani pinis long raun long ol provins long toktok wantaim ol manmeri na kisim tingting bilong ol long dispela samting na traim skulim ol.

Komisin i redi long salim gen dispela ripot bilong senisim lo bilong provinsel gavman sistem i go long olgeta 19 provins. Tasol ol i mas sindaun wantaim ol het bilong dipatmen na lida bilong ol long stadi gut long dispela senis. Ol i mas kamap wantaim ol strongpela na gutpela tingting bilong sapotim na senisim olpela sistem.

Mi laik tok olsem dispela kantri i wok long kam bihain longpela taim nau. Sapos Praim Minista na Kabinet i laik go het long kamapim dispela senis, ol i mas kamapim tingting bilong ol nau. Kantri i mas save sapos palamen na Nesenel Eksekutiv Kaunsel i gat bikpela tingting long kamapim dispela senis.

Hon. Ben MICAH, MP
Siaman, Konsitusenal Komisin
Mimba bilong Kavieng.

RAGBI LIG

NIUS



1993 Cambridge Kap sempion nogat sans long holim bek taitel

Goroka Tarangau i sot long ol gutpela nem pilaia

GOROKA RIPOT

SAPE METTA i raitim

1993 Cambridge Kap sempion, Goroka Tarangau i no stap moa long gutpela posisen bilong holim bek dispela taitel long 1994.

Nau yet Tarangau i sindaun long namba 5 ples aninit long 4-pela arapela klap olsem Tigers, Brothers, Panthers na Royals.

Tarangau em i wanpela gutpela na strongpela tim. Em i gat gutpela sponsa long Goroka lig resis. Na tu em i

bin winim K9,000 Cambridge Kap prais mani.

Tasol bikpela hevi bilong Tarangau nau em klap i no traim long kamapim sampela gutpela pilai long risev gret long go antap na pilai long A gret. Olsem na hevi nau i kamap em Tarangau i sot long ol gutpela pilaia.

Tupela nem pilaia bilong Tarangau i lusim klap pinis na stap long Mosbi. Nem bilong tupela em olpela Kumul kepten, Tony Kila, husat i pilai olsem faiv eit na prop, Michael Mondo. Mondo i pilai nau wantaim Tarangau na i bin stap insait long Mosbi Vipers tim long SP Inta Siti Kap resis bilong dispela

ya. Sapos Goroka lig i pilaim kain rul bilong PNG Ragbli Futbol Lig long oraitim tasol hap namba bilong tim i pilai long dispela resis i go long ol nokaut, bai Tarangau i nogat sans olgeta long holim bek Goroka Winfield Kap na Cambridge Kap taitel. Tasol Goroka Lig i save larim top 5-pela tim i pait long ol nokaut inap long gren fainal. Olsem na Tarangau bai pait hat long winim tripela gem olgeta long kamap long gren fainal.

Dispela bai i hatwok long Tarangau. Bikos ol arapela tim i winim pinis tiket bilong Tarangau. Na tu planti pilaia bilong Tarangau i stap insait

long Goroka Lahanis tim bilong Inta Siti Kap resis. Olsem na tim i wok long lusim planti gutpela gem em inap winim.

Ol arapela 4-pela tim olsem Tigers, Panthers, Brothers na Royals i ken pait hat long holim bek dispela Cambridge Kap taitel long Goroka, sapos Tarangau i abrus long dispela ya.

Planti man i wok long soim laik strong long Royals. Bikos em i wanpela tim we i gat ol gutpela pilaia. Na strong bilong em i gutpela wantaim 4-pela Kumul pilaia na planti arapela pilaia husat i save makim Goroka long ol bikpela pilai.

Charlie Sinatau sevim United

LAE JUNIA RIPOT

SENTA Alfred Sinatau sevim laip bilong United long go insait long semi fainal long Lae Winfield Lig Anda 19 resis wantaim tupela gutpela trai.

United i bagarapim sindaun bilong United 14-6. Sinatau i no wet long ol Panthers long bringim gem i kam. Em i kisim gutpela posisen tru long ol fowat pilaia olsem Lukie Pinia, Kelly Mazi na James Anea.

Olsem na em i skoarim dispela namba wan trai. Wan pilaia James i kikim konvesen na United i go pas long skoa 6-0. Tasol Panthers i kamap wantaim wanpela trai we senta, Michael Steven i putim. Winga Francis Tiofi i kikim kik bilong tupela poin, na mekim skoa i go wankain 6-6.

Tasol long namba tu hap bilong gem, Panthers i no inap long painim wanpela spes moa long brukim banis bilong United. Ol boi bilong United olsem Maino Kauri, Wesley Ivan, Ben Baiko, Maxi na Kimbe Mata i bung wantaim na kisim bal i go long sait bilong Panthers. Long dispela taim ol i givim bal long Charlie, emdanis i go insait long mak bilong Panthers na skoa.

Bihain long ol i pinisim dispela gem, Ivan ran i go insait long banis bilong Panthers na skoa arere long mak bilong Panthers, na winim dispela gem 14-6 long ful taim.

Long dispela wiken Sarere, bai United i bungim Morobe Tigers. Wina bilong dispela gem bai bungim lusa bilong Spiders na Brothers long neks wiken.

Anda 17 resis

Long resis bilong Anda 17, Brothers bai salensim Royals long Sarere. Na Spiders bai traim Panthers. Husat tim i lus long dispela gem bilong Spiders na Panthers bai hangamapim su. Wina bai go bungim lusa bilong Royals na Panthers.

NEKS WIK Ful ripot bilong Mosbi Ragbi Lig Fainal

Panthers autim maina primia taitel

LAE RIPOT

ZEPH AIGAL i raitim

PANTHERS em maina primia tim nau bilong lae Winfield Lig resis.

Em i kisim dispela taitel bihain long em i bagarapim tru sindaun bilong Morobe Tigers 34-14 long las wik Sande.

Dispela win i pusim Tigers i go daun long namba 4 ples. Ol arapela top tim bilong resis em Difens na Spiders.

Ples i bin ren na pilai graun i malumalu. Tasol Panthers i no wari long dispela na pilai strong tru long ful 80 minit.

Long stat bilong pilai, Tigers i mekim Panthers i kirap nogut taim Simon Peju i skoa bihain long tupela minit bilong pilai. Peter Malangan i kikim gut konvesen o kik bilong tupela poin, na Tigers i go pas long skoa 6-0.

Longpela taim liklik na bihain yangpela pilaia, Kosling Karon bilong Panthers i bekim dinau. Eddie Mark i kikim konvesen na tupela tim i pas long skoa 6-0.

Tasol i no longtaim na Karon i kikim wanpela fil gol. Na Panthers i tekova long skoa 7-6. Tasol bipo lomng hap taim, Chris Samo i skruim skoa bilong Panthers wantaim wanpela gutpela trai. Hap taim skoa em Panthers 11 na Tigers 6.

Long namba tu hap, Tigers i kam bek wantaim bikpela strong na senta, Micel Gaboi i skoarim wanpela gutpela trai insait long trai lain bilong Panthers. Konvesen kik i karim kaikai na Panthers i tekova long skoa 12-11.

Tasol man nogut bilong Panthers, KP Aninnui i skoa gne long Panthers. Olpela Kumul faiv eit Ngala Lapan i kikim konvesen na Panthers i go pas gen long skoa 17-12.

Tasol referi, Luxie Metta i bin givim tripela penalti i go long Tigers. Bikos ol Panthers pilaia i mekim sampela paul pilai. Tigers i laki long wanpela penalti kik, na ran bihain long tripela poin tasol, 17-14.

Kosa bilong Panthers, Norbert Bulumaris i salim toksave i go long ol boi bilong em long daunim belhat pasin na pilai isi. Olsem na Panthers i harim tok na strongim banis wantaim ol gutpela takel. Panthers i skoarim tripela moa trai na winim Tigers 34-14.



• Ol Tarangau A gret pilaia bilong Mosbi Winfield Lig i ran bihainim long givim strongpela takel long Hawks pilaia. Ol boi woda long 9 Mail i strong na bagarapim stret Hawks long winia maina primia taitel. Lukim ful ripot bilong Mosbi lig long neks wik.

Fil gol bilong olpela Kumul huka helpim Is long daunim Tigers

FUZO PAUL i raitim

PORA OVAL long Wewak i bin paia stret long las wiken taim Is i bungim Tigers. Planti manmeri stret i bin kamap long lukim dispela gem. Na i painim spes stret long sindaun gut na lukim pilai.

Dennis Ome, olpela referi long Papua Niugini i lukautim dispela gem. Dispela em i namba wan taim bilong em long lukautim wanpela gem insait long Is Sepik provins.

Is em olpela Kumul huka na Mosbi Wes pilaia, Roy Heni i go pas long en. Tigers em Karu Paul i

go pas.

Dispela pilai i bin kamap strong tru. Klostu long pinis bilong pilai, tupela tim i pas long skoa 13-13. Tasol Heni i yusim save bilong em, na kikim wanpela fil gol. Dispela i helpim Is long win 14-13.

Planti gem bilong Wewak em oltaim pait o trabel i save kamap na stapim. Tasol dispela gem i bin kamap gut tru. Ol pilaia i soim tasol gutpela stail bilong pilai long winim narapela.

Ol pilaia bilong Is husat i pilai strong em Michiel John, Alex Anis, Paul Labu, yangpela huka Wawo Mosco na Heni yet.

Ol pilaia husat i pilai strong long Tigers em Willie Beare, Dama Karo, Karu Paul, Peter Krampu.

RICKY WINIM LEWA BILONG OL ARAPELA PILAIA

Ol nem pilaia bilong Canberra winim vot

Ricky Stuart ... em abrusim Langer nau olsem top hap bek long Sidni Winfield Lig resis.

Allan Langer ... i no kisim inap vot bilong ol arapela Sidni Winfield Lig pilaia olsem las yia.



Photo: COL WHELAN

OL pilaia bilong Sidni Winfield Lig i makim Ricky Stuart olsem namba wan hap bek bilong Australia na i no Allan Langer.

Rugby League Week i askim sampela pilaia na ol i tokaut olsem.

Long olgeta yia, *RLW* niuspepa i save mekim dispela wok painimaut long 100 top pilaia long olgeta 16 klap insait long resis. Dispela kain wok painimaut i bin stat long 1985.

Na dispela em i wanpela rot tasol we ol pilaia i ken tokaut long tingting bilong ol long lig.

Insait long wok painimaut bilong dispela yia *RLW* i painimaut olsem 63 pesen bilong ol pilaia ol i askim i makim hap bek bilong Canberra Raiders, Stuart olsem namba wan hap bek long Sidni Winfield Lig resis. Na 21 pesen tasol i makim hap bek na kepten bilong Brisbane Broncos, Alfie Langer. Dispela wok painimaut i soim olsem namba bilong ol pilaia husat i sapotim Ricky i goap nau.

Long wankain wok painimaut bilong las yia, Rickie i kisim 40 pesen. Na Langer i kisim 46 pesen olsem top hap bek.

RLW i tok dispela i soim olsem Ricky i gat bikpela sans long holim hap bek posisen insait long Tes tim bilong Australia. Australia Kangaroo bai go pilai raun long Yurop long pinis bilong dispela yia.

Wok painimaut ya i soim tu olsem Canberra i gat bikpela sans long go insait na winim 1994 gren final bilong Sidni Winfield Lig. Bikos ol arapela pilaia bilong Canberra Raiders i kisim namba wan vot i kam tu long ol dispela pilaia.

Fulbek Bret Mullins em ol arapela pilaia i makim em olsem namba wan fulbek insait long resis. Mullins i kisim 70 pesen, na Laurie Daley (faiv eit, 64 pesen), Stuart (hap bek, 63 pesen), Brad Clyde (lok, 76 pesen), Steve Walters (huka, 76 pesen). Ol arapela Raiders pilaia em ol pialia i makim olsem top long posisen bilong ol.

Clyde i tekova long Stuart olsem namba wan pilaia bilong Winfield Kap. Dispela stail lok i kisim moa vot egens Daley na Stuart.

Long askim bilong husat bai kepten long Kangaroo i go long Yurop, 74 pesen bilong ol pilaia *RLW* i askim i makim Mal Meninga. Tasol long askim bilong husat em ol namba wan senta, Meninga i kisim tripela pesen tasol.

Ol pilaia i makim olsem top senta olsem Steve Renouf (70 pesen) na Paul McGregor (19 pesen).

Rugby League Week



Poru oval meknais....No ken ting olsem ol lain long dispela poto i bung long wanpela pati kaikai. Nogat ya. Ol sapota bilong ragbi na ol arapela lain i go insait long fil na kisim ples bilong ol pilaia bihain long wanpela liklik hevi kamap namel long ol pilaia bilong Tigers na Tarangau long tupela wik i go pinis. Foto: Fuzo Paul.

Semi fainal stat nau long Kiunga

1994 sempion Souths bungim Brothers na Tarangau bungim United long nokaut

KIUNGA RIPOT

IAN KAKARERE i raitim

TARANGAU na United bai bung long semi fainal bilong Kiunga ragbi lig resis long dispela wiken. Lusa bilong tupela bai hangamapim su.

Tarangau em nupela tim long Kiunga lig long dispela sisen. Olsem na em i nogat inap ol nem pilaia husat i i ken strongim tim long kain fainal olsem. United i gat moa save pilaia na i save long kain strongpela resis bilong fainal. Bikos em i joinim Kiunga lig resis long 1986.

Ol fowat pilaia bilong United olsem Sirie Ute, Kevau Guba na Sentry Rapanda i gat gutpela save long givim hat taim long ol pilaia bilong Tarangau. Tasol Tony Bob, Philip

Hailavila na Mark Milona bilong Tarangau bai traim olgeta stail ol i save long stapim sans bilong United long skoa.

Tasol faiv et bilong Tarangau, Bani Diboga, em i wanpewla top pilaia bilong skoarim trai. Wankain tu long ausait senta Wamoa. Olsem na United i mas was gut long tupela.

United bai yusim faiv et Heni Owen, Livai Dugutari, Paul Anton na Thomas Mazana long lukautim pilai long beklain. Ol i gat sampela gutpela save long tilim bal na painim hul long skoa., sapos ol fowat pilaia i lukautim gut gem long fran lain.

Narapela semi fainal gem bai kamap namel long Brothers na

Souths. Souths i winim gren fainal long 1993 resis.

Wina bilong dispela gem bai wetim gren fainal, em bai kamap long Ogas 21. Lusa bilong tupela bai bungim wina bilong Tarangau na United.

Ol fowat pilaia bilong Brothers i strong na bikpela long sais olsem prop John Hailavila na Robinson Vanoh. Tupela bai traim long slekim strong bilong Souths long brukim ol strongpela takel na kliam rot bilong ol beklain pilaia long skoa.

Nelson Gamai bai lukautim pilai long beklain. Tasol em i sambai long banisim gut Charlie Nago bilong Souths. Bikos Charlie i em hap man tu ya.

Tasol tupela wantaim i longpela. Na ran bilong tupela i gat strong, spit na pawa long brukim ol strongpela takel na

skoa.

Dispela wiken sapos nogat ren i kam, fil bai stap gut na ol pilai bai kamap gut.

Souths mas lukaut long beksait

POPONDETTA RIPOT

SAMUEL BASIM i raitim

ORO KAI Souths i sambai tasol long bungim Coral Sea Brothers long bikpela A gret gem bilong Popondetta lig resis long dispela Sande.

Souths i pasim tok long holim pasim Brothers long kain strongpela pilai long fowat lain. Olsem na ol Brothers pilaia i mas lukaut gut. Bikos nogut ol i salim kaikai long bikpela skoa.

Souths i pilai gut long las wiken na win long gutpela skoa. Olsem na ol pilaia bilong em i redi tasol long win.

Tasol Souths i mas tingting gut tu. Bikos Brothers em i wanpela tim bilong stap isi tasol na skelim stail long fil.

Brothers i gat planti nem pilaia husat i ken winim gem. Hap tok bilong Brothers em: "We bilong Onsen, go pas mi kam bihain".

Wantaim dispela kain hap tok na Brothers i memem Kokoda las wiken. Olsem na Souths i mas lukaut gut long las minit win bilong Brothers.

Unagi tokaut long baim tupela Goroka pilaia

YAKAM KELO i raitim

PATRON bilong Mosbi Winfield Lig, David Unagi i tokaut olsem em bai kisim tupela pilaia bilong Goroka long go pilai long Mosbi insait long bikpela na strongpela siti kompetisen.

Mista Unagi i tokaut long dispela bihainim ol niuspepa ripot olsem sampela Goroka pilaia bai kam pila long Mosbi. Mista Unagi i tok dispela em i no wanpela samting bilong haitim. Bikos nau em i taim bilong ol pilaia i mas stat pilai long kamapim sampela kain rot bilong mekim mani. Dispela em bilong sapatim ol yet sapos ol i kisim bagarap na i no inap pilai moa long bihain taim.

Tupela pilaia ya em Kumul fulbek, David Buko na hap bek, Stanley Gene. Tupela i save pilai long Goroka Lahanis tim long SP Inta Siti Kap resis.

Mista Unagi i tok em i no makim tupela long wanpela klap insait long Mosbi. Tasol em bai larim tupela pilaia ya i makim wanem tim tupela i laik pilai wantaim.

Em i tok nau em i taim bilong ol pilaia i putim dispela stail bilong ol

long maket long mani em ol klap inap long kisim. Na wok i stap long han bilong ol klap opisal long stretim.

Tasol sapos Goroka Lahanis i laik holim pasim dispela tupela pilaia, laik i stap long ol yet. Tasol ofa mi givim i moa gutpela. Insait long dispela ofa, pilaia i ken pilai moa long 10-pela yia.

Mista Unagi i tok dispela i no nupela samting. Bikos em i bin mekim pinis long bipo wantaim Philip Ralda bilong Hagen. Ralda em olpela nem Kumul pilaia. Em i save kisim balus long Hagen na go daun long Mosbi long olgeta wiken long pilai. Na bihain pasim em wantaim kontrak olsem namba wan PNG pilaia long pilai long Ingran. Dispela taim Mista Unagi i wok olsem opisal bilong Air Niugini klap long Mosbi.

Mista Unagi i tok em i bin mekim wankain samting tu long Ifisoe Segeyaro husat i save pilai wantaim Air Niugini klap.

Mista Unagi i tok nau em i taim ol pilaia i mas kisim gut kompensesen long pilai bilong ol. Olsem na em i no inap tok sori long husat klap o ragbi senta sapos em i laik askim ol pilaia long pilai na wokim mani bilong ol.


POPONDETTA RAGBI LIG

DRO - SANDE OGAS 7, 1994

TIM	DIVISEN	TAIM
Country vs Royals	B	1200pm
Souths vs Brothers	B	0100pm
Country vs Royals	A	0200pm
Souths vs Brothers	A	0300pm

BYE: Kokoda

















10 WEEKLY DRAWS
8:30 FRIDAY NIGHTS ON EM TV
COMMENCING FRIDAY, JULY 29th
UNTIL FRIDAY, SEPTEMBER 30th, 1994

HOW TO ENTER

NAME: _____
 ADDRESS: _____
 TELEPHONE: _____ AGE: _____

SEND COMPLETED ENTRY FORM WITH 3 EMPTY 2-MINUTE NOODLES PACKETS IN A STANDARD SIZE ENVELOPE TO:

MAGGI 2-MINUTE NOODLES
K10 000 CASH SURPRISE
PRIVATE MAIL BAG
BOROKO NCD

DRAWN UNDER POLICE SUPERVISION

Peka sapatim toktok bilong PEA bos

YAKAM KELO i raitim

NESENEL kosa bilong oi junia pilaia, Ludwig Peka i laikim wok bilong kirapim tru soka insait long kantri i mas stat wantaim ol yangpela.

Ludwig Peka i mekim dispela toktok long sapatim tru toktok bilong presiden bilong Pablik Emplois Asosiesen (PEA), Napoleon Liosi long statim developmen bilong soka insait long junia level.

Ludwig i tok dispela tingting bilong Mista Liosi em i wanpela gutpela tingting tru bilong strongim junia developmen. Bikos ol dispela manki bai i stap yet long bihain na pilai soka yet.

Em i tok sapos 5 o 6-pela lida i bungim han na traim long sapatim dispela junia program, bai ol yangpela i gat gutpela rot bilong kisim trening insait long kantri na tu long ovasis. Dispela bai givim skul long ol yangpela long lainim ol kain stended bilong PNG yet. Na tu long arapela kantri na ol


bai sanap na makim kantri long bihain.

Mista Liosi i bin tromoi tok long PNG Futbol Asosiesen (PNGFA) i mas sut stret long wanem level bilong ol pilaia em i wok long wok strong wantaim. Sapos em i wok strong long ol wimens o sinia man long pusim ol i go insait long ol intanesenel gem, i luk olsem PNG bai olgeta taim i lus long ol dispela salens.

Mista Liosi i tok as tru bilong kirapim soka insait long kantri em insait long junia level. Olsem na em i askim PNGFA long kamapim moa junia tonamen insait long kantri long mekim ol yangpela i pilai. Na soim ol yet na tu kirapim laik na interes bilong ol long pilai.

Bikos PNGFA oltaim i no gat mani long salim tim i go long ol ovasis trening o pilai. Na tu insait yet long kantri long ol trening kem, em i mas stretim gen ol plen bilong em, na sut stret long statim wantaim junia program.

Nesanel kosa i tok em i amamas tru long wanpela bikpela man insait long bikpela



• Nesanel junia soka, Ludwig Peka ... as tru bilong kirapim soka insait long kantri em long junia level.

opis bilong pablik i kam aut na givim kain tingting olsem long sapatim soka.

Ludwig i tok PNGFA i laik kamapim wanpela kain pilai ol i kolim Supa Seven. Tasol dispela pilai bai kamap na bihain bai i no gat kaikai bilong em. Ol bai pilai tasol inap long taim bilong em i pinis. Na resis ya bai stap inap long narapela taim gen long kamap.

Olsem na Ludwig i ting sapos PNGFA i ken toktok strong na senisim dispela plen bilong Supa Seven na wanem kain mani bilong dispela pilai i ken go bek long junia developmen program, bikos i gat kaikai bilong em bai kamap long bihain.

Ludwig i tok yut soka insait long PNG em i bikpela samting tru long strongim nau. Bikos dispela lain bai lainim ol kain stended bilong pilai long dispela taim nau. Na taim stail bilong soka i wok long senis bihain, ol tu bai wok long lainim na senis tu wantaim long kirapim na strongim kantri long pilai insait long kain intanesenel tonamen long bihain taim.

Nupela soka blut bilong Goroka



STORI BILONG PILAIA

NEM: Ken Ebung
KRISMAS: 18
HEVI: 66 kg
LONGPELA: 170cm
KLAP: PTC soka klap, Goroka.
POSISEN: Midfil

STORI BILONG PILAIA:

Ken i mekim gret 10 long Goroka Demonstration Hai skul. Na em i gat tupela brata long famili. Ken i stat pilai taim em i gat 9-pela krismas. 1986 skul tim, anda 10, 1987-1988 Buresong soka klap, anda 15, 1989, Nokondi, anda 15, 1990-1991 Morobe Yunaited, anda 16, 1992-1994 PTC, anda 18.

MAKIM GOROKA: Anda 10 1986 long Madang, Anda 15, 1988 long Lae, anda 16, 1992 long Wabeg na anda 23, 1993 long Hagen.

Ken i soim olsem em i wanpela gutpela manki bilong pilai soka. Na em i wok hat yet long pilai strong, na lainim ol nupela stail bilong pilai. Em i gat planti sans yet long makim Goroka.

LAIKIM: Tok pilai, harim musik, pilai spot na singsing.

FEVERET MUSIK: Lucky Dube na Maxie Priest
FEVERET MUVI: Late Lee Marvin na Disney muvi piksa

FEVERET OVASIS PILAIA: Roger Miller (Cameroon)

ARAPELA SPOT: Ragbi na ovasis pilaia em Laurie Dailey na PNG pilaia em Stanley Gene.

JOHN WOKENUWE i raitim

Vanimo soka tim go pilai long Jayapura

WAJI PENG i raitim

VANIMO soka skwat bai lusim Vanimo long Fraide Ogas 5 long go pilai long independens de 52 aniveseri bilong Indonesia. Dispela pilai bai i stap long biktaun Jayapura.

Tim menesa bilong Vanimo tim, Francis Poma i tok ol i redim pinis tupela skwat bilong dispela pilai. Wanpela skwat i bilong ol man na narapela i bilong ol meri. Na bai gat 5-pela opisal i go wantaim ol. Skwat bilong ol man i gat 21 pilaia na ol meri em 23 pilaia.

Francis i tok taim ol i go long Jayapura, bai ol i gat sans long pilai wantaim ol tim olsem Sentani, Abepura, Yunivesiti, Kotoraya, Hamadi, Argapura, Jayapura, Sentral na Mandala. Bai i gat narapela tupela tim i kam olsem long Manokwari na Sorong.

Dispela pilai bai stat long Sande na go pinis long Ogas 13.

Opis bilong Konsolet Jenerel bilong Indonesia i bin stretim dispela rot


bilong Vanimo tim long go pilai. Na ol yet i redim rot bilong i go i kam na haus slip wantaim kaikai bilong ol pilaia.

Olsem na Francis i tok dispela em i gutpela pasin tru bilong bungim tupela kantri wantaim long gutpela pasin olsem.

Em i tok dispela pilai bung wantaim i bin stat long 1966 we wanpela soka tim bilong Jayapura i bin kam pilai long Vanimo. Sampela biknem soka pilaia olsem Bonny Anea, Andrew Yigrin, Michael Wau na ol arapela tu i bin pilai long dispela taim.

Olsem na dispela pilai i wok long kamap yet namel long Vanimo na ol Irian Jaya long olgeta yia i kam.

Em i tok tupela tim ya i nogat bikpela tingting long winim ol gem. Tasol ol i laik amamas wantaim ol brata na susa long hap. Na tu traim long lainim kain pilai bilong ol Indonesia. Na kisim save long em long pilai insait long Vanimo yet, na tu long Momase soka tonamen.



• Pilaia bilong Guria i kalap hetim bal na birua nogut bilong PTC i pilai kaskas tasol long aninit. Tasol PTC i soim moa pawa na i winim dispela gem.

Basketbal resis long Mumeng kamap gut long 1994

YAKAM KELO i raitim

BIKPELA basketbal gem insait long Mumeng distrik, Morobe i bin kamap gut tru long dispela yia. Na i wok long pulim moa yangpela manmeri i go insait long pilai, na stapim ol long mekim planti kain trabel nabaut.

Dispela basketbal gem i bin pulim moa long 5-pela ples olgeta. Na ol i save kam wantaim klap bilong ol long pilai. Ol ples ya em Parakris, Nu Kem, Patep Ambu, Patep Skul, Patep Maumba, Patep Bris, Patep Munanyu na Zenag Fam. Dispela pilai i raunim dispela olgeta ples long givim sans long ol manmeri long pilai raun long olgeta ples.

Dispela basketbal gem i bin pulim tingting na sapatim bilong planti papamama tu long ples. Na ol i save bihainim ol pikinini i go long wanem hap ples em pilai i stap long en.

Tonamen i save kamap insait long olgeta tupela wik. Tasol we bilong dispela tonamen i narakain liklik long ol kain pilai olsem long taun, we ol tim i

save pilai na long olgeta wiken na bihain bung long gren fainal long pinis bilong sisen.

Dispela pilai i olsem wanpela projek bilong olgeta dispela klap husat i stap insait long asosiesen ya. Namba bilong ol klap i go kamap olsem 15 pinis insait long ol dispela ples ya. Wanpela ples i gat olsem tripela o 4-pela klap bilong man na meri.

Mak dispela tonamen i sut long em i olsem wanpela projek bilong olgeta klap ya. Olgeta klap i save gat sans long lukautim pilai. Na ol i save kisim mani long geit. Na tu ol i save kisim K20 long wan wan klap long olgeta taim bilong pilai.

Dispela K20 i olsem registresen mani we ol tim husat i kamap wina long resis bilong ol man na meri bai kisim. Na klap husat i lukautim pilai bai kisim ol geit mani na arapela fi em sasim.

Wantok i bin luksave olsem ol klap i save pulim moa long K1,000. Na dispela mani i bilong lukautim klap. Na klap i ken yusim tu long ol arapela fan raising wok bilong em.

Dispela basketbal pilai i wokim gutpela mani. Na ol manmeri insait long wanwan klap i amamas.

LAE RUGBY LEAGUE SEMI-FINALS DRAWS

Saturday August 6, 1994.

Time	Division	Teams	Vs	Teams
Major semi final				
12.00pm	U/17	Brothers	vs	Royals

Major semi final				
1.15pm	U/19	Spiders	vs	Brothers

Minor semi final				
2.30pm	U/19	Tigers	vs	United

Major semi final				
3.30pm	Res	Brothers	vs	Spiders

Sunday 7 August 1994

Minor semi final				
11.00am	U/17	Spiders	vs	Panthers

Minor semi final				
12.00pm	Res	Tigers	vs	Panthers/

Major semi final				
1.30pm	A	Defence	vs	Panthers

Minor semi final				
3.00pm	A	Tigers	vs	Spiders

Winners of major semi-finals advance to grand finals.
 Losers of major semi-finals play the winners of the minor semi-finals.
 Losers of minor semifinals bow out.

GATES FEES SATURDAY SUNDAY

Adults	K1.00	K2.00
Kids	K0.50	K1.00

AFL

This Weekend's Draw

Rd 20:

Collingwood	vs	Essendon
North Melbourne	vs	Geelong
Richmond	vs	St Kilda
Hawthorn	vs	West Coast
Footscray	vs	Adelaide
Brisbane	vs	Melbourne
Sydney	vs	Fitzroy

BYE: Carlton

AFL LADDER

TABLE

Teams	W	L	D	F	A	Pts
West Coast	14	4	-	1772	1236	56
Carlton	13	5	-	1940	1514	52
N/Melbourne	11	6	-	1873	1458	44
Richmond	10	7	-	1579	1588	40
Melbourne	9	8	-	1686	1388	36
Geelong	9	8	-	1839	1667	36
Hawthorn	9	8	-	1719	1588	36
Footscray	9	8	-	1616	1523	36
Collingwood	9	8	-	1534	1529	36
Essendon	9	9	-	1695	1724	36
Brisbane	9	9	-	1591	1807	36
Adelaide	7	10	1	1591	1831	30
St Kilda	4	12	1	1332	1934	18
Fitzroy	4	13	-	1328	1861	16
Sydney	3	14	-	1550	1997	12

NCD BASKETBALL LEAGUE DRAW ROUND THREE

Monday August 8, 1994.	Time	Teams	Vs	Teams	Division
6.00pm		Shell Chariots	vs	Ox & Palm	(W)
7.00pm		Shell Chariots	vs	Ox & Palm	(M)
8.00pm		JDA Exodus	vs	B&H Jokers	(W)
9.00pm		JDA Exodus	vs	B&H Jokers	(M)

Wednesday August 10, 1994.

6.00pm		Post Huon Stars	vs	Bankers	(W)
7.00pm		Post Huon Stars	vs	Bankers	(M)
8.00pm		Victoria Jets	vs	Air Niugini	(W)
9.00pm		Victoria Jets	vs	Air Niugini	(M)

LAE RUGBY LEAGUE POINTS TABLE AS AT 31/7/94 - AFTER ROUND 14 (FINAL)

A Grade Club	P	W	D	L	PF	PA	Pts
Panthers	14	9	1	4	349	238	19
Defence	14	9	1	4	352	249	19
Spiders	14	9	1	4	320	230	19
Tigers	14	8	-	6	392	249	16
United	14	5	2	7	271	226	12
Brothers	14	6	1	7	310	385	13
Tarangau	14	5	-	9	280	425	10
Royals	14	2	-	12	195	467	4

Res Grade Club	P	W	D	L	PF	PA	Pts
Brothers	14	13	-	1	369	150	26
Spiders	14	9	1	4	238	227	19
Tigers	14	8	1	5	260	238	17
Panthers	14	5	2	7	242	244	12
Defence	14	6	-	8	133	233	12
United	14	5	1	8	160	239	11
Royals	14	4	1	9	175	233	9
Tarangau	14	2	2	10	164	237	6

KOIARI RUGBY LEAGUE POINTS LADDER FINAL FIVE: AS 31.7.94

'B' Team	Points
Hooks Tigers	-31
Sirinumu Sharks	-26
Crystal Lakers	-23 (155%)
Sogeri Choice	-23 (117%)
Ice Panthers	-17

'A' Team	Points
Country Brothers	-33
Crystal Lakers	-32
Ice Panthers	-25
Hook Tigers	-20
Sogeri Choice	-18

Draws

S/Sharks vs C/Lakers	(winner meet H/Tiger)
S/Choice vs I/Panthers	(winner meet loser of Sharks/Lakers and loser is out of the race).
Hooks Tigers Bye.	
'A'	
C/Lakers vs I/Panthers	(winner meet C/Brothers)
H/Tigers vs S/Choice	(winner meet loose C/Lakers - I/Panthers losers drops out)
Country Brothers Bye.	
* First B grade game will kick off at 11.00am.	
* All games will be played 40 minutes each way.	

COMBINED BANKERS RUGBY LEAGUE RESULTS

Following are results of the matches played on Thursday July 28 at the Lloyd Robson Oval.

Round Four

BSP vs Indosuez	28 vs 14
Westpac vs ANZ	16 vs 22
PNGBC vs BPNG	29 vs 22

Draws for the matches to be played on Thursday August 4-9 of Round Five.

6.30pm	Indosuez vs AG Bank
7.30pm	BPNG vs ANZ
8.30pm	BSP vs Westpac

POPONDETTA SOCCER ASSOCIATION DRAWS Round 2 Game 9

Saturday 6/8/94

Time	Teams	Vs	Teams	Division	Ground	Referee
1000am	Taragau	vs	Sumbripa	P/Res	1	Wodman
1100am	Excess	vs	N/East	P/Res	1	Donald
1200pm	Kaks	vs	Asum	P/Res	1	Samuel
0100pm	Taragau	vs	Sumbripa	P/Res	1	Danston
0200pm	Exces	vs	N/East	P/Res	1	Wodman
0300pm	Kaks	vs	Asum	P/Res	1	Danston

Sunday 7/8/94

1100am	Kaks	vs	S/Andrew	Woman	2	Samuel
1200pm	Kapit	vs	Sewa	Woman	2	Donald
0100pm	Nami	vs	Sopex 1	Woman	2	Danston
0200pm	Ihane	vs	Sopex 2	Woman	2	Donald
0300pm	Kumusi	vs	Setteles	Woman	2	Danston
1000am	Ihane	vs	BFC	P/Res	1	Danston
1100am	PAC	vs	Kapits	P/Res	1	Wodman
1200pm	Name	vs	PKK	P/Res	1	Samuel
0100pm	Ihane	vs	BFC	Premier	1	Donald
0200pm	PAC	vs	Kapits	Premier	1	Wodman
0300pm	Name	vs	PKK	Premier	1	Samuel

HANUABOYS RUGBY TOUCH FOOTY ASSOCIATION

VOLLEYBALL COMPETITION SUNDAY 7/8/94 GRAND FINAL

Time	Teams	Vs	Teams	Ref
1100am	Inaina 2	vs	D/Knights	Souths
1130am	Souths	vs	Inaina 1	Inaina

Main Game:

1200pm	Official throw up (by President)	
1205pm	Maoruts vs Panthers	1. Mavara 2. Wasape

TOUCH FOOTY COMPETITION SUNDAY 7/8/94 GRAND FINAL

0100pm	Delepou vs Faggies	Doa
0130pm	Delepou vs Irabai	Delepou
0200pm	Delepou vs Drifters	Doa

Main Game:

0235pm	Official kick off (by Patron)	
0240pm	Panthers vs Maoruts	1. J Bagoro 1. M Bemu 2. K Wasape

WAU BASKETBALL ASSOCIATION RESULTS

Saturday 23/07/94

Team	Score	def	Team	Score	Division
WHS	42	def	Makis	40	Men's B
Drifters	24	def	WHS	22	Women's B
St. Francis	31	def	Kolorong	30	Men's B
Kolorong	25	def	St. Francis	22	Women's B
Bucks	62	def	WHS	36	Women's B

Sunday 24/7/94

Bucks	63	def	Makis	14	Men's A
St. Francis	39	def	WHS	20	Women's A
Kolorong	forfeited		Breeze		Men's A
St. Francis	53	def	WHS	20	Men's A

* There won't be any games this weekend.

NATIONAL CAPITAL DISTRICT VOLLEYBALL ASSOCIATION 1994 SEASON PROPER DRAW

DATE: 6th August, 1994

Round 3

Court one (1)

Womens Division

9.00am	PTC	vs	Elcom	(WAR)
11.00am	Uni	vs	Raukele	(WA)
1.00pm	PTC	vs	Elcom	(WA)
3.00pm	Lakers	vs	NCDC	(WA)

Court 2

Mens Division

9.00am	Lakers	vs	NCDC	(MAR)
11.00am	PTC	vs	Elcom	(MA)
1.00pm	Lakers	vs	NCDC	(MA)
3.00pm	Uni	vs	Raukele	(MA)

Court 3

Womens/Mens Res Division

9.00am	Uni	vs	Raukele	(WA)
11.00am	Lakers	vs	NCDC	(WAR)
1.00pm	Raukele	vs	Uni	(MAR)
3.00pm	PTC	vs	Elcom	(MAR)

GEREHU TOUCH ASSOCIATION TRIAL MATCHES

SATURDAY 06/08/94

Time	Grade	Teams
12.00		Bears vs Broncos
12.40		Raiders vs Saints
1.20		Seagulls vs Sharks
2.00		Country vs Rabbits
2.40		Bulldogs vs Magani
3.20		Knights vs Tigers
4.00		Panthers vs Rainbow
4.40		Crusaders vs Roosters

SUNDAY 07/08/94

12.00		Roosters vs Tigers
12.40		Crusaders vs Knights
1.20		Broncos vs Rabbits
2.00		Rainbow vs Raiders
2.40		Magani vs Bears
3.20		Panthers vs Seagulls
4.00		Sharks vs Saints
4.40		Bulldogs vs Country

KIUNGA RUGBY LEAGUE POINTS LADDER. 31/7/94

Draws

Monday 1/8/94
Venue: Town oval

Time	Grade	Teams	Comment
4:30pm	U/19	Brothers vs Tarangau	(Washout)
5:30pm	Res	Brothers vs Tarangau	(Washout)

Wednesday 3/8/94
Venue: Town Oval

Time	Grade	Teams	(Play off for 4th place)
4:30pm	Res	Royals vs Souths	

Thursday 4/8/94
Venue: Town oval

4:30pm	U/19	Royals vs Tarangau	(If necessary if Tarangau beat Brothers on Monday evening)
--------	------	--------------------	--

Saturday 6/8/94
Venue: High School oval

10.00am	U/15	Bulldogs vs Dragons
11.00am	U/15	Diggers vs Raiders
12.00pm	U/19	Souths vs winner Thursday (Semi final loser out)

U/19
Venue: Town oval

2:00pm	U/19	Magani vs United	(Semi final winner to grand final)
4:00pm	Res	Magani vs winner Wednesday game	(Semi final loser out)

Sunday 7/8/94
Venue: Town oval

12:00pm	Res	United vs Tarangau	S/Final
2:00pm	A	Tarangau vs United	S/Final
4:00pm	A	Brothers vs Souths	S/Final

U/19

Team	P	B	W	D	L	F	A	PTS
Magani	15	2	11	-	4	181	106	26
United	15	2	10	-	5	154	108	24
Souths	14	3	8	1	5	140	107	22
Royals	14	3	6	-	8	92	140	18
Tarangau	13	3	5	-	8	110	126	16
Brothers	14	2	6	1	7	102	120	15
Diggers	15	2	3	-	11	84	190	10

Reserve Grade

Club	P	B	W	D	L	F	A	PTS
United	16	3	15	1	-	276	148	37
Tarangau	15	3	8	1	6	150		



*Sanap stret long lain....*Dispela em tupela soka tim bilong Bukawa long Morobe provins husat i bin stap insait long kik resis long Wagang yut tonamen.




*Saitim tasol...*Bal i slip sore i stap na dispela tupela pilaia i wok long saitim tupela yet na traim long kisim bal. Man long raithan i gat tingting long kisim bal na man long lephan tu i laik mekim wankain samting. Kain stail bilong kol ples Goroka ya.



*Bras, pairapim tasol....*Wantok i redi tasol long pairapim bal sapos wanela birua birua i kamap klostu long em. Dispela em kik resis bilong PMSA soka long Mosbl.




*Bal i stap we....*Kandre ya long fran i hapim lek na putim i go olsem em i laik krungutim wanela liklik rokrok o wanem. Mekim na Kasindu long namel tu i putim lek bilong em i kam insait. Stail bilong Mosbl soka.



*Pasim hariap....*Dispela meri husat i putim waltpela singlis i kaikaim tit na pasim bal i kam long wan pilaia bilong em. Tasol wan pilaia bilong em i stap klostu long birua. Liklik samting, susa bilong Pele ya. Em i ken wokim kain kain stail na trik.



*Sampela i smail tasol sampela nogat....*Dispela em wanela soka tim insait long Bukawa long Morobe provins. Ol i bin kik resis wantaim ol arapela tim long Wagang peris yut tonamen.



*Hensap....*Sori tumas, traim gen. Susa ya wantaim bal i no hensapim wan pilaia bilong em long raithan. Nogat. Em i tromoi bal i go long em. Olsem na susa ya long raithan i redi long ket-sim bal.

Wok i stap long wan wan asosiesen

BIKPELA wok bilong strongim na kirapim soka insait long kantri i stap long han bilong wanwan asosiesen insait long ol provins yet.

Olgeta taim mipela i harim ol sinia kosa na ol olupela nesanel pilaia o ol lida bilong kantri i tromoi tok long kainkain rot bilong kirapim na strongim wok bilong soka insait long kantri. Sampela i tok long ol kain progrem olsem long junia level, wimens na long sinia mens long nesanel level.

Tasol sapos mipela skelim gut, olgeta dispela lain manmeri na yangpela i stap long wanwan asosiesen insait long ol provins. Na ol i wok long mekim save long pilai i stap na wetim ol dispela taim we nesanel bodi, (PNGFA) bai singaut long ol nesanel tonamen long kamap.

Tasol mi laik putim dispela poin i go stret long wanwan asosiesen insait long olgeta provins olsem, wok bilong ranim na kirapim soka i stap long han bilong yupela. Sapos yupela i kamapim ol gutpela tingting, na mekim ol gutpela wok bilong kirapim tru soka insait long asosiesen bilong yu yet, bai dispela i kirapim tru bel bilong ol pilaia. Na gutpela pilai bai kamap long olgeta wiken.

Menesmen bilong ol asosiesen


i mas sanap strong long karim hevi bilong dispela asosiesen. Em i mas pait strong long kamapim ol gutpela tenis insait long pilai graun, kamapim ol rot bilong pulim moa manmeri i kam long lukim pilai na sapot. Na kamapim gutpela wok poroman wantaim asosiesen bilong ol referi insait long dispela lokol asosiesen.

Las wik yumi ritim wanpela bikman bilong Papua Niugini, Napoleon Liosi, presiden bilong Pablik Emplois Asosiesen (PEA) i toktok strong long PNGFA i mas bihainim tru plen bilong em. Em i tok strong tu long PNGFA i mas lukluk moa long kirapim soka insait long ol yangpela. Bikos ol tasol bai stap longpela taim bihain. Na go het yet long pilai na kamapim sampela win bilong kantri long ol intanesanel tonamen.

Dispela tingting em i wanpela gutpela tingting tru. Olsem na wanwan lokol asosiesen i mas skelim gut dispela toktok bilong Napoleon Liosi. Na traim kamapim insait long wanwan asosiesen bilong ol yet.

Traim kamapim moa tonanem bilong ol yangpela olsem anda 16, anda 18 na anda 20 insait long wanpela yia. Soim ol dispela yangpela na givim ol sans

GLASIM PILAI



long kirapim laik na interes bilong ol.

Dispela kain tenis i ken givim sampela piksa long asosiesen long luksave long wanem mak em developmen bilong ol junia, sinia man na ol meri i ken go long en. Sapos asosiesen i pasim ai na larim ol tim i pilai long ol wiken tasol na i no glasim gut ol, bai dispela asosiesen i no inap long kamapim wanpela gutpela tenis bilong developim soka insait long ol pilaia na tu long kantri.

Nesanel bodi, PNGFA i olsem was papa tasol long lukim olsem pilai i wok long kamap insait long kantri. Tasol wanwan asosiesen yet i mas sanap strong na pusim soka long groa. Na kamap gut insait long provins bilong ol wanwan. PNGFA i olsem yumi olgeta i joinim han na pilai insait long dispela interes bilong soka. Tasol strong bilong pilai i stap

long han bilong yu wanwan lokol asosiesen.

Wanwan asosiesen i mas gat gutpela eksekutiv wantaim klia tingting bilong kamapim ol gutpela tenis insait long pilai. Em i mas man bilong opim rot bilong kirapim iaik na interes bilong ol pilaia wantaim ol gutpela progrem na plen bilong asosiesen. Em i mas man husat i ken sanap olsem lida na menesa bilong asosiesen.

Kamapim ol developmen progrem bilong yu yet i moa gutpela long redim dro bilong wiken gem tasol i go inap long gren fainel. Yu harim olsem nesanel sempionsip i laik kamap na yu go insait long makim skwat bilong dispela sempionsip. Asosiesen i mas wokim ol plen na progrem we i sut long apim stended bilong pilai, kirapim interes bilong ol pilaia, na tu pulim ol sapota i kam long lukim pilai.

Long lukluk bilong mi raun long Mosbi soka graun (PMSA), Lae soka graun (LFA) na Madang soka graun (YC Graun), ol dispela pilai graun i no pulap long ol manmeri. Liklik lain tasol i save kamap long lukim pilai. Bikos brata o famili memba bilong ol i pilai olsem na ol i kam wantaim. Tasol dispela laik tru

bilong sapot i no gat.

Ol pilaia tu i no save pilai bihainim dispela laik na interes bilong laikim soka. Ol i pilai tasol bikos tim bilong ol i gat nem long pilai long dispela gem o narapela tu em bikos ol i amamas long bungim poroman bilong ol na pilai wantaim.

Sapos wanpela bikpela sempionsip i kamap Mosbi, bai yu lukim olsem planti manmeri tru i kamap long lukim pilai. Ol dispela manmeri em ol sapota tru bilong soka na ol i save stap long Mosbi. Bisini soka graun bai pulap tru na bikpela nais bai kamap. Tasol taim tonamen ya i pinis, bai olgeta dispela manmeri i no inap long kam bek moa long lukim pilai. Dispela sem namba bilong ol manmeri long taim bilong tonamen bai i no inap long kam bek gen long ol wiken gem bilong dispela asosiesen.

Olsem na kisim tingting long dispela kain pasin na skelim yu yet wantaim asosiesen bilong yu long wanem as tru na no gat planti manmeri i save kamap long lukim pilai long wiken. Laik bilong ol sapota na pilaia i stap long wanem hap na asosiesen yet i ran long wanem mak nau.

Hevi bilong Umi bris helpim Hagen redi gut

HAGEN i makim pinis fainal soka skwat bilong em long go pilai long Nesanel Anda 20 sempionsip long Lae long Ogas 19-21.

Het kosa bilong Hagen, Channel Kakehe i tok ol i bin holim tupela wik trening moa bihain long PNG Futbol Asosiesen (PNGFA) i skruim moa taim bilong tonamen. Bikos long Umi bris i bin bruk long Makam Haiwe.

Channel i tok dispela hevi i bin givim moa taim long Hagen long holim gut trening. Na redim gut fainal skwat bilong ol.

Em i tok Hagen Soka Asosiesen (HSA) i stretim pinis ol nominesen fi bilong em wantaim afiliesen fi i go long PNGFA. Tasol ol i no bin putim nem bilong ol wantaim ol arapela senta husat i baim ol dispela fi.

Olsem na Hagen i no inap tingting planti long PNGFA i no stretim nem bilong em hariap. Bikos ol yet i save olsem ol i stretim olgeta fi bilong ol pinis. Na nau ol i redi tasol long go pilai long dispela tonamen long Lae.

Fainal skwat bilong Hagen em; Smit Kamong, Hanz Apo, Herman Pombuai, Kini Jacob, Batsy AKun, Emmanuel Bamingo, Ross Soten, Freeman Kamong, Jeffery Charlie, Robin Malwok, Steven Ludwig, Bob Eric, Wila Maino, Jason Juno, Jeffery Bulan, Robert Batpore, Boki Junior, Kaidon Malwok, Tau Junior, Andrew Upaiga, Posing Kemai na David Rocky. Tupela risev em Mapi Taylor na Jimmy Kawa.

Ol opisal em tim menesa: Dominic Mala, kosa: Channel Kakehe, Asisten Kosa na tren: John Kouzz.



Enga makim U20 skwat

ENGA Soka Asosiesen (ESA) i makim pinis fainal skwat bilong em long go pilai long Nesanel Anda 20 sempionsip long Lae long Ogas 19-21.

Wanpela eksekutiv memba bilong Enga, Ananias Popo i tok ol i redim pinis dispela junia skwat. Na ol i redi tasol long go daun long Lae long dispela sempionsip.

Dispela em i wanpela gutpela skwat. Na ol bai pilai strong long kamapim gutpela nem bilong Enga. Ol bai i no inap long larim ol bikpela senta olsem Lae, Mosbi, Madang na ol arapela long winim ol isi. Ol dispela senta i mas wok strong long winim Enga. Bikos Enga i no moa olsem bipo.

Ananias i tok soka i wok long groa insait long Enga. Na ol gem i wok long ran strong. Na dispela skwat bai soim tru wanem kain pilai em ol yangpela antap long Enga i save pilaim.

Fainal skwat em; Michael Memai, Eddie Gole, Ian Ambros, Saina Nelson, Garry Timothy, Andrew Ibong, Ken Kiwi, Kenneth Sata, Ambros Markus, Mukute Manggin, Roy Jim, Willie Moses, James Winas, Gulu Dagina, Louis Tovia, Alphonse Kambian, George Tony, Emmanuel Malken na Jeffery Daniel.

Opisal em; Francis Pota (kosa), Anton Jacob (tren) na Mahuru Lavari (tim menesa)

Nokaut long neks wiken

GOROKA RIPOT

YAKAM KELO i raitim

GOROKA Soka Asosiesen (GSA) bai statim ol nokaut bilong 1994 soka resis long neks wiken.

Presiden bilong GSA, John Wokenuwe i tok ol i laik pinisim gem hariap. Bikos long bikpela Goroka So em bai kamap long neks mun. Bikos GSA i save holim ol soka resis bilong em long Nesanel Spot Institut (NSI). Na Goroka So tu bai kamap long dispela graun.

Wokenuwe i tok ol i pinisim raun 2 bilong resis na nau bai ol i stretim nem bilong ol tim husat bai kamap long nokaut long neks wiken. Dispela nokaut bai kamap insait long olgeta divisen stat long anda 19, wimens, primia risev na primia divisen.

Long stat bilong dispela yia, 8-pela klap olgeta i pilai insait long soka resis bilong Goroka. Tasol nau i luk olsem 6-pela tim tasol i stap. Bikos GSA i

lusim pinis UNITECH na Waskia long i no stretim fi bilong em i go long asosiesen.

Dispela wiken bai i no gat gem. Bikos ol opisal bilong GSA bai sindaun na stretim sampela samt-ing olsem ol prais, na tropi bilong ol wina insait long fainal bilong 1994 resis.

Long las wiken gem bilong olgeta divisen stat long Sarere; anda 18 resis, PTC autim tiket bilong Elcom 2-1, na Kalibobo rausim trausis bilong Guria 2-0. Long risev gret, waia bilong PTC na Elcom i pas wantaim na tupela i dro 2-2. Na Kalibobo i nekim Guria 2-0.

Long resis bilong ol meri, PTC na Elcom i soim stret pawa bilong tupela. Tasol pawa i wankain olsem na tupela dro 2-2. Na long primia resis, Elcom katim telipon waia bilong PTC 3-2.

Long Sande resis; anda 18, PTC autim Murat long fofit, wimens; Guria givim skul long Kalibobo 3-0, na PTC katim telipon waia bilong Murat 4-0. Long risev divisen em PTC i rausim trausis bilong Murat 3-2. Na long primia divisen, PTC givim bikpela wari long Murat wantaim 2-1 skoa long ful taim.

Rapatona i malolo long las wiken.



• Ol stail meri bilong PTC tim bilong Goroka soka resis i redi long bungim Rapatona las wiken. Wantaim sapot bilong sampela nem pilaia na ol i win.

WANTOK SPOTS



PORT MORESBY SOCCER ASSOCIATION DRAWS

Saturday 06/08/94

Bisini 1

Time	Teams	Division	Referee
7.00	Moukasi vs Defence	U19/2	T. Tambul
8.00	PTC vs GFC	U19/1	S. Pirina
9.00	Garehu High vs Togelu	W2	J. Silikara
10.00	Wanzesi vs Sobou	W1	May Salaigu
11.00	STC vs GFC	D3	R. Tsuga
12.10	Hoods vs Tarangau	D1	M. Kelep
1.20	Defence vs Tarangau	P2	D. Waters
2.55	B/Kumuls vs Guria	P1	S. Asugum
4.30	Cloudy Bay vs Nasemo	D2	M. Sapek

Bisini 2

7.00	Dela Sale vs K/Andra	U19/2	S. Barai
8.00	B/Kumuls vs Koupa	U19/1	Maso Salaigu
9.00	B/Kumuls vs Tarangau	W2	H. Posing
10.00	Uni vs GFC	W1	J. Kepi
11.00	Sobou vs Defence	D3	H. Sareke
12.10	Sunam vs Momase	D1	J. Siren
1.20	Moukasi vs Maset	P2	S. Kalai
2.55	Rapatona vs GFC	P1	S. Mais
4.30	Waliya vs Togelu	D2	Sato

Sunday 07/08/94

Bisini 1

7.00	Momase vs M/Rangers	U19/2	J. Kepi
8.00	Rapatona vs Golo	U19/1	H. Sareke
9.00	K/Andra vs Defence	W2	Maso, S
10.00	Guria vs LSC	W1	T. Tambul
11.00	Masters vs B/Kumuls	D3	M. Sapek
12.10	STC vs Amazon Bay	D1	S. Mais
1.20	PTC vs Wanzesi	P2	B. Manoi
2.55	Sobou vs Uni	P1	S. Kalai
4.30	Murat vs Batu Bros	D2	Ijari

Bisini 2

7.00	Sobou vs Uni	U19/1	M. Sapek
8.00	STC vs Murat	W2	U. Kwilik
9.00	Masters vs Moukasi	W2	S. Barai
10.00	Sunam vs Keezhang	W1	S. Asugum
11.00	PTC vs Waliya	W1	J. Siren
12.10	Keweh vs Batisalem	D1	R. Tsuga
1.20	Koupa vs Golo	P2	D. Niel
2.55	Westpac vs K/Andra	P1	S. Pirina
4.30	Cyclone vs M/Rangers	D2	J. Kepi

MIDWEEK DRAW

Bisini 1 Tuesday 09/08/94 Bisini 2

4.30 Westpac vs Waliya U19/2 Bilawawa vs Guria D3

Wednesday 10/08/94

4.30 K/Andra vs PS Roots D3 PTC vs Golo D3

Bye: Guria U19/1
Babaka D1

Momase tim tok nogat long Jayapura

YAKAM KELO I raitim

RIJONEL soka tim bilong Momase bai i no inap long go pilai long Jayapura long dispela mun long independens de bilong Indonesia.

Siaman bilong Momase Rijonel Soka Asosiesen (MRSA), Clement Paime i tok ol i bin bung long Lae long las wiken na pasim dispela tingting.

Paime i tok bai stapim dispela skwat long noken go long Indonesia. Bikos bikpela sempionsip bilong Nesanel

Anda 20 bai bagarapim sampela rot bilong redim dispela skwat bilong Momase rijon.

Wanpela bikpela hevi ol bai bungim em het kosa bilong Momase Rijonel tim, Ludwig Peka bai stap insait long Nesanel Anda 20 tonamen long makim nesanel skwat bilong em long Osenia Anda 20 sempionsip long Fiji long Septemba. Olsem na dispela bai stapim Ludwig long wok wantaim skwat bilong Momase.

Narapela hevi tu em planti pilaia bilong Momase rijon tu bai stap insait long dispela

nesanel sempionsip. Olsem na bai no gat taim long go long Jayapura.

Bikos tonamen long Jayapura na Nesanel Anda 20 resis long Lae tu bai kamap long dispela mun tasol, eksekutiv bilong MRSA i bung na pasim tok long stapim dispela skwat long noken go long Indonesia.

Paime i tok Spot Opis long Jayapura tu i no bekim wanpela toktok i kam bek hariap long toksave long ol samting ol i redim na ol progrem samting.

Olsem na Momase Rijonel

soka skwat bai i stap inap long neks yia.

Vanimo tasol bai salim tupela soka skwat i go long dispela bikpela de long Jayapura long Ogas 17. Wanpela skwat bilong man na narapela bilong ol meri.

Wantok i kisim ripot i kam long Vanimo olsem olgeta samting i wok long go orait. Na ol i redi long go long Jayapura long dispela pilai.

Vanimo i save kisim dispela askim bilong Indonesia olgeta yia. Na dispela em i olsem wanpela bikpela pilai we Vanimo i save oltaim redi long em.


Ol raskol brukim PNGFA opis

OPIS bilong Papua Niugini Futbal Asosiesen (PNGFA) long Mosbi i bin bungim birua long las wiken. Sampela raskol i brukim windua na go insait.

Seketeri bilong PNGFA, Don Sigamata i tok dispela birua i mas kamap long Sarere o Sande nait long las wiken.

Planti pepa na ol samting bilong opis i kapsait nabaut long floa. Na givim hat taim tru long sekeri long traim bungim na painim ol rekot bilong samting em PNGFA i save bosim.

Seketeri i tokim Wantok olsem ol man no gut i bin brukim windua. Na go insait tasol ol i no kisim wanpela samting. Ol i senisim tasol ples bilong ilektrik taiprait na putim i go long narapela sait na joinim long pawa.



Ol Waganag popaia long taitel •Ol pilala bilong Wagang i sanap redi long pilai insait long Wagang paris yut soka tonamen las wik. Wagang i stap long Bukawa eria bilong Morobe provins. Ol boi Wagang i pilal strong tru tasol ol manki Buso i strong na autim dispela taitel. Foto: Franco Nebas.

Fainal 18 pilaia tim bai makim PNG long Fiji

OL selekta bai makim fainal 18 pilaia tim bilong makim Papua Niugini long Osenia Anda 20 soka resis long Fiji bihain tasol long tonamen i pinis long Lae long Ogas 19-22.

Junia kosa bilong PNG, Ludwig Peka i tok bai ol i glasim gut ol manki long taim bilong pilai. Na makim 24 pilaia olgeta. Olsem na em i askim ol arapela liklik senta husat i soim laik long kamap long dispela tonamen long kam. Bikos i gat

sampela manki we ol i gat gutpela stail bilong pilai i save stap long ol liklik senta.

Ol selekta bai glasim gut wanwan pilaia. Na makim ol gutpela na strongpela pilaia long ol posisen olsem long midfil, beklain na fowat long bihainim stret gem plen bilong kosa.

Ludwig i tok ol bai makim 24 manki insait long dispela tonamen. Na bai bihain bungim ol long trening, na traim long kamap wantaim fainal 18 pilaia bilong go long Fiji.

Planti senta soim laik

Long dispela taim yet, planti senta i givim laik pinis long go pilai long dispela Anda 20 Nesanel Sempionsip long Lae. Tasol sampela i no baim yet olgeta nominesen fi bilong ol. Olsem na ol i gat sotpela taim tasol i stap long stretim dispela hariap.

Ol senta husat i stretim olgeta samting pinis na i redi tasol em; Madang, Mendi, Lahi, Wabeg, Kimbe na Mosbi. Ol arapela senta husat i baim tasol hap fi bilong ol em

Kavieng na Simbu.

Nesanel bodi i wok long traim yet long kisim gut tok save long Popondeta Soka Asosiesen, Lae na Rabaul. Dispela em long painim aut sapos ol i redim nominesen fi bilong ol pinis long dispela tonamen.

Anda 20 tim bilong PNG i stap pinis insait long dro bilong Osenia Anda 20 soka resis. PNG i stap long Pul B wantaim Westen Samoa, Vanuatu na NU Silan. Fiji, Australia, Tahiti na Solomon Ailan i stap long Pul A.

SPAKMAN MATAK

MI NOGUT, O?

KON-MAN!
KUSAI MAN!

M.P!
BIA PES!

JEK
OF OL
TRED!

SPAKMAN!
SO-OFF MAN!

PAS I GO BEK
LONG SENDA !!

DISRIGAD DIS
LETA "RITEN
TO SENDA!!

To, N.E.C
KauNsol

RITEN TO SENDA
NOT VALID!

TRIPELA DE BIHAIN
NA OL PAS BILONG
MINISTA MAIK I GO
KAMAP... PALAMEN
KLAK I SUBIM ANA-
NIT LONG DUA !!

MAIK I KAM WOK LONG 10-KILOK
MONING NA LUKIM OL PAS BILONG
EM !!

EM NAU!
OL PAS BI-
LONG MI
KAM PINIS!!

PAS EM I BIN SALIM IGO NA KAM
BEK I STAP ANANIT TRU WANTAIM
OL ARAPELA PAS...

BIARY, BILLS! BILLS!
BILLS, TASOL! WANEM TAIM
BAI MIKISIM OL GUTPELA
PAS?!

DINALLANOK
BILL BILONG
HOTEL

NAU EM LUKIM GUTPELA PAS
BILONG EM...

WANEM?
EM PAS MI BIN
SALIM IGO!!
NA IKAM BEK
GENZ!

To, NE.C
KauNsol


RITEN TO SENDA
NOT VALID!

BIARY, BIROKRATS! OL
N.E.C TU I WANSAIT LONG
OL OPOSISEN, AH?! AI
WIL TEIK DA META
TU SUPRIM KOT!!




BIK BRO REBO

NOBAT PROBLEM LONG KONVENSEN KIK... NAMEL TRAI, OLSEM NA KIK 1 GO LONG MAUS STRET... NAU SKOA 1 STAP LONG 14-6... P.N.G.B.C I LIDA..



KLOSTU FUL-TAIM NAU... OL SAPOTAS I KAUNTIM MINIT 1 GO FUL-TAIM...



FUL-TAIM NAU NA SAIREN KARAI...




KAPTEN BILONG B.S.P 1 GO TOK AMAS LONG REBO...



OKE, OLGETA GO LONG HAUS NA SENIS.. BAI YUMI BUNG LONG HAUS BILONG MI!



NAU OLGETA GO NA SELEBRET LONG HAUS BILONG REBO...



HEY, WANTOK!!


Yu laik ritim niuspepa long tok ples bilong yu stret?

Orait, Baim.. **WANTOK** 40t

NIUSPEPA BILONG OL PAPUA NIUGINI STRET Ernst & Young advised/ circulation 15,177

Em Niuspepa bilong yumi ol Papua Niugini stret!

BAMBELLI



Twisties

EM I NAMBAWAN KAIKAI BILONG P.N.G.

Train teis bilong Kakaruk na Sis.

BAM NAU!



MUSIK NA TELEVISEN

PAPUA NIUGINI



“Kela” bosim namba wan ples long PNG Top 20

GODFRIED YASSAFAR i raitim

I LUK olsem ol manmeri na pikinini husat i save laikim tru long harim dispela blakpawa singsing bilong Sago Thorns ben “KELA” i mas amamas tru nau. Bikos Papa Kela i wokim liklik *puripuri* na rausim Lokol Turis bilong Barike Land husat i kam lukluk raun long Mosbi siti. Dispela singsing bilong Chris Kuskus i bin stap long namba wan ples long PNG Top 20 long sampela wik. Tasol Papa Kela bilong PS Kantri i strong moa moa yet. Na rausim dispela Lokol Turis i go bek long ples bilong em.

Rekot i soim olsem Kela i go insait long lista bilong PNG Top 20 long samting olsem 7-pela wik i go pinis. Namba wan taim Kela i go insait long lista, em i bosim namba 15 ples. Lokol Turis i stap long namba wan ples. Na singsing bilong Old Dog & Offbeats “Hangu Panu” i stap long namba tu ples.

Bihain long wanpela wik, Kela i mekim save long leta i go antap long namba 10 ples. Bihain long arapela wik gen, Kela i surik i go antap gen long leta na bosim namba 8 ples long lista. Hia em rot Kela i bihainim long dispela tripela wik-namba wan wik-15, namba tu wik-10 na namba tri wik-8. Insait long dispela tripela wik, Lokol Turis i bosim namba wan ples.

Long namba 4 wik, Kela i kalapim tripela hap plang bilong leta na surik i go antap long namba 5 ples. Lokol Turis i stap yet long namba wan ples. Taim em i stap long namba 5 ples, Kela i smelim namba tu ples. Olsem na em i wok long kilim skin long kukim sampela lip bilong tanget long paia na sutim long nil bilong saksak i stap. Long namba 5 wik, Kela i surik i go antap gen na rausim “Oh Mummy” (Shutdown) long namba tu ples na kisim ples bilong en.

Taim Kela i bosim namba tu ples, em i mekim-save long yusim nil bilong saksak long sutim Lokol Turis. Long namba 6 wik, Kela i bosim yet namba tu ples. Long las wik (namba 7 wik), Kela i surik isi tasol i go antap na tokim Lokol Turis olsem: Em i taim nau yu mas lusim dispela ples na surik i go daun. Lokol Turis i laik toktok tumas na Papa Kela i sakim em i go long arere na kisim namba wan ples.

I luk olsem Papa Kela bai stap longpela taim liklik

long namba wan ples long PNG Top 20. Long wanem sapos mipela i skelim rot Papa Kela i bihainim long go antap long namba wan ples, mipela i ken luksave olsem Papa Kela i abrusim samting olsem 4-pela singsing long olgeta wik. Eksampel-long namba tu wik, Kela i lusim namba 15 ples na surik i go antap long namba 10 ples.



• Willie Sebas bilong Is Sepik em man i go pas long Sago Thorns ben. Singsing bilong em “Kela” i bosim nau lada ya. Na i luk olsem bai i bai i stap longpela taim long dispela posisen.

I KAM LONG Ela Motors OL WIL BILONG NESEN

AMERICAN TOP FORTY


AS AT 02/07/94

CUR.	TITLE	ACT NAME
1.	<i>I Swear</i>	All-4-One
2.	<i>Don't Turn Around</i>	Ace Of Base
3.	<i>I'll Remember</i>	Madonna
4.	<i>You Mean The World To Me</i>	Braxton
5.	<i>Stay (I Missed You)</i>	Lisa Loeb
6.	<i>Mr Jones</i>	Counting Crowe
7.	<i>If You Go</i>	Jon Secada
8.	<i>Baby I Love Your Way</i>	Big Mountain
9.	<i>Any Time, Any Place</i>	Janet Jackson
10.	<i>Anytime You Need A Friend</i>	Mariah Carey
11.	<i>Return To Innocence</i>	Enigma
12.	<i>The Most Beautiful Girl</i>	Prince
13.	<i>I'll Take You There</i>	General Public
14.	<i>The Sign</i>	Ace Of Base
15.	<i>Moving On Up</i>	M People
16.	<i>Misled</i>	Celine Dion
17.	<i>Shine</i>	Collective Soul
18.	<i>Wild Night</i>	Mellencamp
19.	<i>Crazy</i>	Aerosmith
20.	<i>Found Out About You</i>	Gin Blossoms
21.	<i>I'm Ready</i>	Campbell
22.	<i>Until I Fall Away</i>	Gin Blossoms
23.	<i>Can You Feel The Love Tonight</i>	Elton John
24.	<i>Always</i>	Erasure
25.	<i>Back And Forth</i>	Asllyah
26.	<i>Come To My Window</i>	Melissa Etheridge
27.	<i>Prayer For The Dying</i>	Seal
28.	<i>Beautiful In My Eyes</i>	Joshua Kadison
29.	<i>Whatta Man</i>	Salt-N-Pepa
30.	<i>Meat</i>	B.C. 52s
31.	<i>Objects In The Rear View</i>	Meat Loaf
32.	<i>Regular Thang</i>	Ovis
33.	<i>Mmm Mmm Mmm Mmm</i>	Crash Test Dummies
34.	<i>Losser</i>	Back
35.	<i>I Wich</i>	Gabrielle
36.	<i>Without You</i>	Mariah Carey
37.	<i>Centsloop</i>	Us3
38.	<i>Now And Forever</i>	Richard Marx
39.	<i>Ain't Got Nothing If You</i>	Richard Marx
40.	<i>Fall Down</i>	Toad The Wet

EMTV TELEVISEN

PNG TOP TWENTY

THURSDAY 4TH AUGUST, 1994		FRIDAY 5TH AUGUST, 1994		SATURDAY 6TH AUGUST, 1994		SUNDAY 7TH AUGUST, 1994	
5.57	STATION OPEN	11.30	NATIONAL EM-TV NEWS REPLAY	11.00	JAKE & THE FATMAN	11.00	STATION OPEN
6.00	INT NEWS (G)	11.57	MEDITATION WITH PASTOR WALO ARNI	12.27	MEDITATION WITH PASTOR WALO ARNI	11.57	STATION RE-OPEN
6.30	DAY BREAK NEWS (G)	12.00	STATION CLOSE	12.30	STATION CLOSE	12.00	MAGAZINE PROGRAMME
7.00	TODAY SHOW (G)	5.57	FRIDAY 5TH AUGUST, 1994	12.30	GILLETTE	12.30	GILLETTE
8.57	EMTV TOK SAVE (G)	6.00	ITN NEWS	1.00	WIDE WORLD OF SPORT	1.00	WIDE WORLD OF SPORT
9.00	STATION CLOSE	6.30	DAY BREAK NEWS	5.00	BONANZA (G)	5.00	BONANZA (G)
1.45	STATION OPEN	7.00	TODAY SHOW (G)	6.00	NATIONAL EMTV NEWS	6.00	NATIONAL EMTV NEWS
1.48	EMTV TOK SAVE	9.00	AN ACT OF JUSTICE	6.30	HEY HEY IT'S (G)	6.30	HEY HEY IT'S (G)
1.50	MIDDAY SHOW (G)	9.10	STATION CLOSE	8.30	SATURDAY NCDC NEWS (G)	8.30	SATURDAY NCDC NEWS (G)
3.00	KIDS KONA (G)	1.37	STATION RE-OPEN	8.50	EMTV TOK SAVE (G)	8.50	EMTV TOK SAVE (G)
4.00	SESAME STREET	1.45	EMTV TOK SAVE	9.00	BURK'S BACKYARD (G)	9.00	BURK'S BACKYARD (G)
4.30	THE BOOK PLACE (G)	1.48	MIDDAY SHOW (PGR)	10.00	THE INSIDE TRACK WITH GRAHAM NASH	10.00	THE INSIDE TRACK WITH GRAHAM NASH
4.30	DASTARDLY & MUTTLEY	3.00	SESAME STREET (G)	11.00	HAWAII FIVE-0	11.00	HAWAII FIVE-0
5.00	WONDER WORLD	4.00	THE BOOK PLACE (G)	12.27	MEDIATION WITH PASTOR WALO ARNI	12.27	MEDIATION WITH PASTOR WALO ARNI
5.27	EMTV TOK SAVE	4.30	DASTARDLY & MUTTLEY	12.30	STATION CLOSE	12.30	STATION CLOSE
5.29	EMTV NEWS BREAK	5.00	WONDER WORLD (G)	7.57	STATION OPEN	7.57	STATION OPEN
5.30	HOME AND AWAY (G)	5.27	EMTV TOK SAVE	8.00	BUSINESS SUNDAY (G)	8.00	BUSINESS SUNDAY (G)
6.00	NATIONAL EMTV NEWS	5.29	EMTV NEWS BREAK	9.00	SUNDAY (G)	9.00	SUNDAY (G)
6.30	A CURRENT AFFAIR (G)	5.30	HOME AND AWAY (G)	11.00	WIDE WORLD OF SPORT	11.00	WIDE WORLD OF SPORT
7.00	SALE OF THE CENTURY (G)	6.00	NATIONAL EMTV NEWS	12.00	THE FOOTY SHOW	12.00	THE FOOTY SHOW
7.30	LOTTO DRAW (G)	6.30	A CURRENT AFFAIR (G)	1.00	WONDERFUL WORLD OF DISNEY	1.00	WONDERFUL WORLD OF DISNEY
7.33	NEIGHBOURS (G)	7.30	NEIGHBOURS (G)				
8.00	FIZZ (G)	8.00	AUSTRALIA'S FUNNIEST HOME VIDEO SHOW				
9.00	BEYOND 2000	8.30	RUGBY LEAGUE				
9.54	EMTV TOK SAVE	10.32	EMTV TOK SAVE (G)				
10.00	RESCUE 911	10.40	AUSTRALIAN'S FUNNIEST				
10.30	A COUNTRY PRACTICE						



2.00	BONANZA
3.00	MUSIC & THE SPOKEN WORD
3.30	THE WORD-CHURCH MAGAZINE
4.00	SPORTS SUNDAY
6.00	NATIONAL EMTV NEWS
6.30	WINFIELD CUP RUGBY LEAGUE
7.30	60-MINUTES (G)
8.28	EMTV TOK SAVE
8.30	SING WITH JOY
9.00	SUNDAY MOVIE: "Nature Of The Beast"
10.27	CHIT CHAT WITH SIR PAULIAS MATANE
10.30	TBA
11.57	MEDITATION WITH PASTOR WALO ARNI
12.00	STATION CLOSE

AS AT 30/07/94

NO.	SONG	ARTIST
1 (2)	<i>Kela</i>	Sagothorns
2 (9)	<i>Sidaun I bagarap</i>	Sauga Band
3 (4)	<i>Kiss Me</i>	Jr Pullmates
4 (1)	<i>Local Turists</i>	C Kuskus
5 (6)	<i>Judie</i>	Shutdown
6 (3)	<i>Oh Mummy</i>	Shutdown
7 (5)	<i>Sailor</i>	Navigators
8 (10)	<i>Blue Ribbon</i>	Jr Kopex
9 (11)	<i>Daddy</i>	A Paska
10 (18)	<i>Under the Boardwalk</i>	Wong/Doi
11 (7)	<i>Mi Lonely Nau</i>	Kopex
12 (16)	<i>Mi Lavim Yu</i>	Charles Kivovon
13 (8)	<i>Hangu Panu</i>	Old Dog & Offbeats
14(12)	<i>Em Ino Isi</i>	B Greg
15 (15)	<i>Honiara</i>	B Greg
16 (14)	<i>Marimari Blong God</i>	M Manimbi
17 (0)	<i>Lukluk Raun</i>	L Kania
18 (13)	<i>Pait Nating</i>	L Kania
19 (0)	<i>Manus Island</i>	K Lucas
20 (16)	<i>Keskam PS</i>	B Greg

• Ratings based on requests on Radio Kalang and not cassette sales.

ELA MOTORS - OL WIL BILONG NESEN

Wantok

Digitized version made available by



Copyright: Under copyright

Rights Holder: Word Publishing Company Limited

Use: This digital version is made available from the UC San Diego Library under a license granted by the Word Publishing Company Limited. This digital copy of the work is intended to support research, teaching, and private study.

Constraints: This work may be protected by copyright law. Use of this work beyond that allowed by the applicable copyright statute requires the written permission of the copyright holder(s). Responsibility for obtaining permissions for any use and distribution of this work rests exclusively with the user and not the UC San Diego Library. Inquiries can be made to the UC San Diego Library program having custody of the work.

Note on digitized version: Some of the digital versions presented here reflects the quality and contents of the microfiche. Problems which have been identified include misfiled or out-of-order pages, illegible text; these problems have been rectified whenever possible.